

১৩৭

শ্রীমৎ ও কাব্য ।:

২০৪৩

শ্রীবলেন্দ্রনাথ ঠাকুর

প্রণীত ।



কলিকাতা

আদি ব্রাহ্মসমাজ যন্ত্রে


কালিদাস চক্রবর্তী দ্বারা মুদ্রিত ও

প্রকাশিত ।

৫নং চিৎপুর রোড ।

৫ ভাদ্র ১৩০১ সাল ।

মূল্য ১/ এক টাকা ।



উৎসর্গ।


পরম পূজনীয়

শ্রীযুক্ত রবীন্দ্রনাথ ঠাকুর

কাকা মহাশয়

শ্রীচরণেষু।





বিজ্ঞাপন ।


গতদিন বৎসবে সাধনায় চিত্র ও কাব্য সম্বন্ধে আমার
যে সকল প্রবন্ধ প্রকাশিত হইয়াছিল তাহাবই কতকগুলি
সংশোধিত ও পরিবর্ধিত হইয়া এই প্রদে একত্র সন্নিবিষ্ট
হইল ।

প্রকাশক ।



সূচীপত্র ।

কালিদাসেব চিত্রাঙ্কনৌ প্রতিভা	১
উদ্ভবচর্চিত	২২
মৃচ্ছকটিক	৩২
জয়দেব	৫৭
পদ্মপ্রীতি	৭০
বাবো প্রকৃতি	৮১
ববিবন্দ্যা	৯৭
হিন্দু দেবদেবীর চিত্র	১০৮



চিত্র ও কাব্য ।

কালিদাসের চিত্রাঙ্কনী প্রতিভা ।

অলঙ্কারবৈ নিৰ্দেশানুসারে মহাকাব্য বলিয়া গণ্য হইলেও বামায়ণ মহাভারত প্রভৃতি প্রাচীন মহাকাব্যের সহিত কালিদাসের রঘুবংশের একটা বিশেষ প্রভেদ দেখা যায়। সমগ্র গ্রন্থের মধ্যে কোনও মূল ঘটনা বা প্রধান চরিত্রের প্রভাব লক্ষিত হয় না—কেবলি ধারাবাহিক কতকগুলি ধণ্ডু ধণ্ডু সম্পূর্ণ চিত্র একমাত্র কুলগৌরবস্থত্রে সংযুক্ত। দিলীপ হইতে অগ্নিবর্গ পর্য্যন্ত ভাগিন্দ অনেকগুলি রাজা—কেহ পুত্রা-কাঙ্ক্ষার তপোবনে ধেনু চরাইয়া বেডান, কেহ দিগ্বিজয়ী ধনুধর, কেহ প্রিয়বিবাহে বিলাপ কবিয়া আকুল, কেহ পিতৃসত্য পালনার্থে বনে বনে ফিরেন, কেহ বা প্রমদাজনবেষ্টিত হইয়া অহর্নিশি সুস্বাপানে কালক্ষয় করেন—প্রত্যেকের জীবনের মূল ঘটনা স্বতন্ত্র এবং কালভেদে এবেব জীবনের সহিত অপরের জীবনের ঘটনার বড় সম্পর্ক নাই। যোগ এই পর্য্যন্ত যে, দিলীপের পুত্র রঘু, রঘুর পুত্র অজ, অজের পুত্র দশরথ, এবং এইরূপে অগ্নিবর্গ পর্য্যন্ত একটি ধারাবাহিক বংশাবলী।

রামায়ণ মহাভাবত এরূপ কুলজী নহে। কুলের কথা তাহাতে অনেক আছে বটে, কিন্তু তাহা প্রসঙ্গক্রমে আসিয়াছে মাত্র। সমগ্র কাব্যখানি সেই সূত্রে গ্রথিত বলা যায় না। কবিব হৃদয়ে মনুষ্যত্বের যে চনম আদর্শ জাগিয়া ছিল সেই আদর্শকে সৃষ্টি দিয়া তিনি রামকে গড়িয়াছেন। এবং রামায়ণের অন্যান্য চরিত্রগুলিও বামেরই আনুষঙ্গিক।

মহাভারতে ঘটনারও যেমন অন্ত নাট, লোকেরও অন্ত নাট—ভীষ্ম, দ্রোণ, কৰ্ণ, শত ধার্ত্তরাষ্ট্র, সঞ্জয়, বিদুর যবিত্ত্বিন, ভীম, অর্জুন, শ্রীকৃষ্ণ—বিস্তার বডলোক এবং প্রত্যেকেরই নিজস্ব বিশেষ পরিষ্কৃট। কিন্তু এষ্ট বিবিধ ছোট বড় ঘটনা এবং বিচিত্র প্রধান অপ্রধান চরিত্রসমাবেশ কুরাঙ্গত্র-কাংপারেরই সূচনা। প্রতি ঘটনা এই মহাপ্রলয়ের পূর্কায়োজন এবং প্রত্যেক ব্যক্তিরই প্রলয়ের নঙ্গভূমিতে অভিনেতা।

বনুবংশের বিষয় পুত্রপৌত্রাদিক্রমে বিবস্তকুলের বর্ণনা। স্থান মূল ঘটনাও নাই, বিশেষ নায়কও নাই, এবং রাজ-চরিত্রের একটা আদর্শস্থাপন কিম্বা অনুরূপ কোন উদ্দেশ্যও দেখা যায় না। তবে এত বিষয় থাকিতে এক প্রাচীন বংশ-বলা বর্ণনার কবির এত উৎসাহ কেন ?

উপায় একটা কাবণ এই মনে হয় যে, খণ্ড খণ্ড চিত্র-সূচনার কালিদাসের একটু যেন বিশেষ আনন্দ ছিল। শব্দক-দেমন অতি সহজেই আপনার চাবিদিকে বিচিত্র চিত্রিত আদর্শ নিৰ্মাণ কবে, কালিদাসের প্রতিভা তেমনি দেখিতে

দেখিতে আপনাকে চিত্রময় শ্লোকে আবৃত কবিয়া তোলে । ভবভূতি যেমন মানবপ্রকৃতিকে করুণায়সে বিগলিত করিয়া লেখনামুখে নিঃসৃত করিতে ভালবাসিতেন, কালিদাস তেমনি মানবপ্রকৃতি এবং •বহিঃপ্রকৃতিকে চিত্র-আকারে পবিশ্বুট করিতে ভালবাসিতেন । বনুবংশের ঞায় প্রার্ম-অস-শয় সর্গপবম্পরায় এই ছবি আঁকিবাব অনেকটা অবসব পাওয়া যায় । একটা চিত্রশালা দেখিবা আসিলে যেমন মনেব ভাব হয় সমস্ত বঘুবংশ পাঠ করিলেও সেইরূপ হয় । অনেক গুলি ফ্রেমে বাধানো ভাল ভাল ছবি ।—দিলোপদম্পতিব ভপোবনে গমন । বঁঘুব নানা দেশে দিগ্বিজয় । ইন্দুমতীব স্ববয়ন । দশরথের মৃগয়াগমন । রামসীতার রথযাত্রা । পরিভ্রাষ্টা অযোধ্যাপুরী । অগ্নিবর্ণের ইন্দ্রিয়সুখসম্ভোগ । এইগুলি ছবি—বাকি সমস্তই ফ্রেম ।

বঘুবংশে চবিত্র বাহা বর্ণিত হইয়াছে তাহা কেবল বর্ণনা মাত্র, চবিত্র রচিত হয় নাই । দিলোপেব গুণগ্রাম কালিদাস নীতিগ্রন্থ হইতে সঙ্কলন কবিয়া লিখিয়াছেন মাত্র—অন্ত নৃপতিদিগকেও সর্বাঙ্গানভাবে জাগ্রত কবিয়া তুলিবাব তেমন চেষ্টা হয় নাই । কেবল ছবিগুলির প্রতিই কালিদাসেব টান ।

এবং কালিদাস ক্রমাগতই চিত্রের পর চিত্র সাজাইয়াছেন । অনেক স্থলে একই পথবর্ণনার এক-একটি শ্লোকে এক-একটি চিত্র ফুটিয়া উঠিয়াছে । দীর্ঘ পথ কখনও গ্রামের প্রান্ত দিয়া কখনও বনের মধ্য দিয়া আঁকিয়া বাকিয়া গিয়াছে—নিষ্ক-

পত্নীরনির্ঘোষ এক সন্ধ্যানে বসিয়া রাজা ও রানী এই পথে শুকগৃহে চলিয়াছেন । পথের দুইধারে কোথাও শুকনবন্ধদৃষ্টি হরিণমিথুন, কোথাও রথনেমিস্বনোগ্রুথ ময়ূরদল, গ্রামগ্রান্তে মধো মধো ঘৃতভাণ্ডহস্তে ঘোষবৃদ্ধেরা রথের নিকটে আসিয়া উপস্থিত হয়—রাজা তাহাদের সহিত কথাবার্তা করেন, তাহাদের কুশল জিজ্ঞাসা করেন, রাজদর্শনে প্রীত হইয়া তাহারা গৃহে ফিরে ।

এইরূপে সমস্ত দিন অতিবাহিত করিয়া সায়ংকালে রাজা দিলীপ সস্ত্রীক বশিষ্ঠাশ্রমে আসিয়া উপস্থিত হইলেন । নিরাবিল তপোবন—কালিদাসের কল্পনার প্রিয় বিহারভূমি । উজ্জ্বলিত নগরিকতা হইতে তিনি যেন এইখানে আপন মানসী আশ্রমে আসিয়া বিশ্রামলাভ করেন । কিন্তু এ তপোবনে তপস্তার কঠোরতা বড় নাই—কেবলি একটি পবিত্র হোমধূমাচ্ছন্ন নির্জন গৃহাশ্রম । এখানে ঋষিপত্নীরা ব্রত আচরণ করেন, বিকালবেলায় উটজ্বারে দাঁড়াইয়া অপত্যবৎ হরিণযুথকে নৌবার রোমঞ্চ করিতে দেখেন, ঋষিকন্তারা ক্ষুদ্র ক্ষুদ্র ঘটহস্তে আলবালে জলসেক করিয়া থাকেন এবং সেকান্তে আলবালাধুপায়ী বিহঙ্গগণের বিশ্বাসের নিমিত্ত দূরে সরিয়া দাঁড়ান । এখানে কেবলি স্নেহ দয়া যান্না, রমণীর গুণ কোমলতা - ঘেঘ নাই, হিংসা নাই, সিংহাসন এবং চক্রান্ত নাই—শুধু শান্তি এবং সন্তোষ । কালিদাস ইহাই উপভোগ করেন - সরল হৃদয় এবং পবিত্র প্রীতিভাব,

বিকশিত সর্ষাগীন স্বাস্থ্য এবং সুভোল নিটোল গঠন, নিরল-
কার রমণীয়তা এবং বহুলবন্ধ বিমল যৌবন ।

রাজদম্পতি এই তপোবনে পর্ণশালার থাকিয়া ধেনুর
সেবা করেন । প্রত্যহ প্রভাতে নন্দিনীকে লইয়া বনে বাহির
হন এবং সারংকালে ঝিল্লিমুখরিত বনপথ দিয়া কুটারে
ফিরিয়া আসেন । একদিন সহসা দেখিলেন, নন্দিনী নিকটে
নাই—অদূরে শৈলগহ্বরের সম্মুখে এক সিংহ তাহাকে
আক্রমণ করিয়াছে—নন্দিনী কাতরদৃষ্টিতে দিলীপের দিকে
চাহিয়া । রাজা ধনুতে শরযোজনা করিলেন—কিন্তু নন্দি-
নীর মায়াপ্রভাবে তাঁহার হস্ত অসাড়—ধনুর্বাণহস্তে যেমনটি
তেমনি চিত্রাৰ্পিতের ঠাণ্ডা দাঁড়াইয়া রহিলেন । কালিদাসও
চিত্রিতবৎ বর্ণনা করিয়াছেন । এবং কেবল একটি সুন্দর
চিত্রহিসাবেই ইহার সৌন্দর্য্য ।

অবশেষে নন্দিনী প্রীত হইয়া রাজাকে অভিলষিত বর-
প্রদান করিল । গুরু ও গুরুরপত্নীর পাদবন্দনাদি করিয়া
সস্ত্রীক দিলীপ রাজধানীতে প্রত্যাগমন করিলেন । অল্পদিন-
মধ্যেই সুদক্ষিণার দোহদলক্ষণ দেখা দিল ।

সুদক্ষিণা যখন অস্তঃসন্ধ্যা, কালিদাস দিলীপের অস্তঃ-
পুরে গিয়া এক একবার মহিবীকে দেখিয়া আসিয়াছেন ।
এবং গর্তিনীর পাণ্ডু মুখত্রী, মন্থরগতি, অলসভাব—পরিপূর্ণ
দোহদত্রী—এক আধটি বৃহ উপমার চিত্রিত করিয়াছেন,
কোথাও উষাকালীন ক্ষীণপাণ্ডু শরীর সাদৃশ্যে, কোথাও বা

পুরাতন পত্রাপগমে সন্ন্যাসনোক্তপন্নবা লতিকার সহিত
তুলনার।

ওষু ইহাই নহে, ছ' একটি নিভৃত সুন্দর দাম্পত্যচিত্রও
অঙ্কিত হইয়াছে। সন্তানসন্তাবনার মহিবীর আদর বাড়ি-
য়াছে—রাজ্য যখন তখন অস্তঃপুরে আসিয়া প্রিয়াকে জিজ্ঞাসা
করেন, কি খাইতে ইচ্ছা করে, কি পরিতে সাধ যায়,
ইত্যাদি। এবং ঘন ঘন সুদক্ষিণার মৃৎসুরভি আনন আশ্রয়
করিয়া দিলীপের আর কিছুতেই পরিতৃপ্তি জন্মে না।

এই দোহদচিত্র রঘুবংশে আরও ছ' একস্থলে দেখা যায়।
রামচন্দ্রও একদিন আলেখ্যগৃহে বসিয়া অকনিষধা সীতাকে
এমনি করিয়া জিজ্ঞাসা কুরিয়াছিলেন, সীতাহার কি সাধ যায়,
এবং তৎপরে সীতা—বোধ করি, চতুর্দিকের বনবাস-
বৃত্তান্তালেখ্যদর্শনে—আর একবার সেই ঋষিকণ্ঠাধরিত
তপোবনে ঘাইবার ইচ্ছা প্রকাশ করিয়াছিলেন।

দিলীপ রাজ্যভার হইতে অবসর গ্রহণ করিলে রঘু সিংহা-
সনে অধিষ্ঠিত হইয়া দেশদেশান্তরে দিগ্বিজয়ে বাহির হই-
লেন। তখন শরৎকাল। উজ্জল দিন। দূরবিস্তৃত শস্ত্র-
ক্ষেত্রে ইক্ষুচ্ছারার বসিয়া কুষকান্ননারা গ্রাম্য কবিরচিত রঘু-
কর্তৃক ইন্দ্রবিজয় পাথা গাহিতেছে। রাজধানী সুরক্ষণের
ব্যবস্থা করিয়া দিয়া শুভদিনে শুভরূপে রঘু সেনাদলসহ
যাত্রা করিলেন। পৌরাক্ষনারা চতুর্দিক হইতে লাক্ষ্মণাশি
বর্ষণ করিতে লাগিল।

চতুরঙ্গ সেনা যেখান দিয়া যায় ধূলার আকাশ হইয়া ফেলে । মাতঙ্গকুল গুণের দ্বারা বড় বড় বৃক্ষ উৎপাটন করিয়া পথ পরিষ্কার করিতে থাকে—বন উজাড় হইয়া যায় । জয়োল্লাসমত্ত রথসেনা কোথাও পার্শ্বত্যাগদেশে পানভূমি রচনা করিয়া তাহ্মূলপত্রপুটে নারিকেলসুরাপানে কালহরণ করে । কোথাও নৌসেতু বাঁধিয়া, কোথাও বা হস্তীপৃষ্ঠে রথ সসৈন্তে নদী পার হইলেন । এবং মদমত্ত সেনাগর্জ্জগণের অবগাহনে সনিঃসকল মদগন্ধে আকুল হইয়া উঠে ।

তাহার পর স্বয়ম্বরসভা । ইন্দুমতীর স্বয়ম্বরসভায় ভারতের ষত সম্রাট নরপতিগণ উপস্থিত হইয়াছেন, কালিদাস প্রত্যেকের এক একখানি চিত্র আঁকিয়াছেন । এই রাজগণ-বর্ণনার মধ্যে ছ'একটি মৃদুস্পর্শ টান দিয়া রূপসীর রূপের আভাসে তিনি চিত্রগুলিকে উজ্জ্বল করিয়া তুলিয়াছেন । প্রতিহারিণী সুনন্দা মগধ-ঈশ্বরের বর্ণনা করিতেছে—মগধরাজ বহু বস্ত্র করিয়া ইজ্রকে নিজগৃহে রাখিয়াছেন এবং সেই অবধি বিরহিণী শরীর কেশবিগ্নাস বন্ধ । দেবান্নাবাহিত অঙ্গ-দেশাধিপতির বর্ণনা—অঙ্গরাজ যখন শক্রদিগকে বধ করিলেন, তাহাদের রমণীরা মুক্তাহার ত্যাগ করিয়া কাঁদিতে বসিল এবং মুক্তাকলসুল অশ্রুবিদ্ধ তাহাদের স্তনদেশে পতিত হইয়া অপূর্ব শোভা ধারণ করিয়াছিল । হর্ষিষহতেজ মধুবাধিপ মূষণে স্নিগ্ধকাস্তি এবং নরনাভিরাম—জলক্রীড়াকালে তাহার অন্তঃপুরিকাগণের স্তনচন্দনপ্রক্ষালনে কালিন্দীর নীল

কম বেন শুভ্র গন্ধোর্ষিসংস্কৃত হইয়া শোভা পায় । ইন্দুমতী একে একে নমস্কারপূর্বক সকলকেই সমস্ত্রমে প্রত্যাখ্যান করিলেন । ক্রমে অজের নাম, সুনন্দা বলিতে লাগিল— ইহারই পিতামহ দিলীপ, যাহার শাসনে পশ্চিমঘো নিখিতা নর্ভকীর অঙ্গবসন উড়াইতে বায়ুও সাহস করিত না, পিতা যশু বিশ্বজিৎ যজ্ঞে যুগ্মরপাত্র মাত্র রাখিয়া সমস্ত ঐশ্বর্য্য ব্রাহ্মণ-দিগকে দান করিয়াছেন, এবং কুলে শীলে রূপে গুণে ও নবীন যৌবনে ইনি তোমার তুল্য বর, ইহাকে বরণ কর, রতনে কাঞ্চনে মিলন হউক । অজের গলদেশে বরমাল্য শোভা পাইল ।

কেবলি রূপের তরঙ্গ । কালিদাসের প্রকাণ্ড চিত্রশালার রূপসৌব পর রূপসীর চিত্র সুবিন্যস্ত এবং সমগ্র প্রকৃতি অনুকূল প্রেমে ও সৌন্দর্য্যে অভিব্যক্ত । আমাদের চক্ষের সম্মুখে কেবল একটি চিত্রার্চিত মায়া রাজ্য—রূপযৌবনসমাচ্ছন্ন এবং রমণীর ।

রাজাদশরথ যখন যুগ্মায় বাহির হইয়াছেন তখন কোথায় অশ্বের হ্রেশ্বরবে হস্তীর বৃংহিতধ্বনিতে দশদিক্ প্রতিধ্বনিত হইবে, না, কালিদাস, স্ত্রী এবং বসন্ত এবং ললিত আদিরসে যুগ্মাকে আচ্ছন্ন করিয়া তুলিয়াছেন । বসন্তকাল, গাছে গাছে নূতন পাতা, ডালে ডালে কোকিলকূজন, কুলে কুলে ভ্রমর-শুভ্রন, মৃদু মলয়ানিল, এবং মদনশরজর্জর বিলাসবিলম্ব, পতির সহিত অঙ্গনাগণের বকুলমদ্যপান, চলাচলি গলাগলি । রূপসী নহিলে যুগ্মা হয় না—অধরসুধার উত্তেজনা, নুপুর-

নিকণের উদ্দীপনা এবং মদনশরের পরিচালনা ইহার প্রধান অঙ্গ ।

রামায়ণের যুগস্বাবর্ণনা হইতে কালিদাসের যুগস্বাচিত্র সম্পূর্ণ স্বতন্ত্র । রামায়ণে এসকল ললিত বর্ণনা কোথাও নাই । দশরথ যখন যুগস্বায় বাহির হইয়াছিলেন তখন তিনি যুবরাজ এবং অবিবাহিত । অযোধ্যাকাণ্ডে কোশল্যার নিকট দশরথ এই যুগস্বাবৃত্তান্ত বলিতেছেন—

“দেবি । যখন তোমার বিবাহ হয় নাই, আমি যুবরাজ, এই অবস্থায় আমার কামোদ্দীপক বর্ষাকাল উপস্থিত হইল । সূর্য্য ভূমির রস আকর্ষণ-পূর্ব্বক কঠোর কিরণে সমস্ত অগৎ পরিতপ্ত করিয়া দক্ষিণ দিকে গমন করিলে, তৎকর্ণীৎ উদ্ভাপ দূর হইয়া গেল, স্নিক মেঘ নতোমণ্ডলে দৃষ্ট হইল । ভেক চাতক ও ময়ূরগণ হর্ষ প্রকাশ করিতে লাগিল । বৃক্ষ-শাখাসকল বৃষ্টির পতনবেগ ও বায়ুতরে কম্পিত হইয়া উঠিল । বিহংগেরা বর্ষাধ্বনে স্নাত ও পক্ষের উপরিভাগ সিক্ত হওয়াতে অতি কষ্টে তথায় গিয়া আশ্রয় লইল । মত্ত ময়ূরশোভিত পর্ব্বত নিরন্তর-নিগতিত জলধারায় আচ্ছন্ন হওয়াতে জলরাশির ন্যায় পরিদৃশ্যমান হইল । জন শ্রোত স্বভাবতঃ নির্ম্মল হইলেও গৈরিকাদি ধাতুনংযোগে কোথায় পাণ্ডুবর্ণ, কোথায় রক্তবর্ণ, কোথায়ও বা ভগ্নবিপ্রিত হইয়া তথা হইতে ভূজঙ্গবৎ বক্রগতিতে অবিবাহিত হইতে লাগিল । দেবি । এই সুধনর কালে যুগস্বা-বিহারে আমার ইচ্ছা হইল । তখন আমি রাজ্যিবোগে নিপানে জল-পানার্থে আগত মহিষ হস্তী বা যে কোন জন্ত হউক, তাহাদিগকে বিনাশ করিবার নিমিত্ত শর শরাসন গ্রহণ ও রথারোহণ-পূর্ব্বক সরযুতটে উপস্থিত হইলাম ।

জনস্তর অঙ্ককারে চতুর্দিক্ আবৃত হইলে, ঐ অদৃশ্য সরযুর জলমধ্যে

করিকঠবরের স্তায় কুন্তপূরণরব শুনিতে পাইলাম। শুনিয়া আমার হস্তী
বোধ হইল। তখন অ যি তাহাকে বধ করিবার নিমিত্ত সেই শব্দ লক্ষ্য
করিয়া ভূঙ্গের ন্যায় ভাষণ স্তোত্র পর তুণীর হইতে গ্রহণ পুনরক পরি
ত্যাগ করিলাম।” •

রামায়ণের এই যুগ্মাবর্ণনার পাশ্বে কালিদাসের যুগ্ম
সৌধীন বিলাস মাত্র। কালিদাস যুগ্মাবলম্বনে কেবল কতক-
গুলি সুন্দর চিত্র ফুটাইতে চাহেন বৈ ত নয়। রামায়ণের
এই বর্ষাবর্ণনার বাণ্যাকি সেই অক্ষকার কালরাত্রির ভয়ঙ্করা
ঘটনার পূর্বসূচনা করিয়াছেন। বাণ্যাকির চিত্রে একটি
গম্ভীর ভাবগতা ব্যক্ত হয়। কালিদাসের চিত্র উজ্জল এবং
মধুর।

ভবভূতি হইলে মুনিপুত্রবধ লইয়া এইখানে অনেক করুণ-
রস উদ্বেক করিতেন। বাণ্যাকির পদামুসবণ করিয়া তিনি
ঘন বর্ষার একটি গম্ভীর দৃশ্য উদ্ঘাটিত করিয়া দিতেন এবং
সেই অক্ষকার দৃশ্যপটে ধনুর্কাগহস্ত দশরথের চিত্র ফুটাইয়া
ভুলিতেন। এবং বাণ্যাকি ঋষিবালকের করুণ বিলাপে শ্রোতৃ-
বগের হৃদয় আর্দ্র হইয়া আসিত।

কালিদাস করুণরসে এমন পটু নহেন। দশরথের যুগ্মায়
মুনিপুত্রবধ ব্যাপ্যাকে তিনি বড় প্রাধান্যই দেন নাই।
যেখানে বা তাঁহার করুণরস উদ্বেলিত হইয়া উঠে সেখানেও

* পণ্ডিত শ্রীযুক্ত হেমচন্দ্র গুপ্তাচার্য্য বিদ্যারূপ কর্তৃক প্রসিদ্ধিত
রামায়ণ, অযোধ্যাকাণ্ড, ত্রিযষ্টিতম সর্গ।

সৌন্দর্যের পর সৌন্দর্য্য চিত্রবিভূত । শোকের মধ্যেও তিনি রূপ এবং যৌবন, বিলাস এবং বিভ্রম চিত্রিত করেন, এবং এই রূপযৌবনবিভ্রমবিলাসের স্মৃতিতে তাঁহার দীর্ঘ বিলাপ রচিত হয় । প্রেমসীর মৃতদেহ কোলে করিয়া অজ্ঞ ঘেঁষানে বিলাপ করিতেছেন—ইন্দুমতীর চাকু বিলাসগমন, নূপুর-নিরুণসহিত অশোক তরুতে মৃৎ পাদত্যাগন, কোথাও অসমাপ্ত মালাগাঁথার কাহিনী, ললিত কলাবিদ্যার তাঁহাব নিপুণতার কথা, কোথাও বা রূপসীর রূপের অতি মৃৎ স্মৃতি, কোথাও একটি সুন্দর উপমা-- এমন করিয়া বলা যে, শুনিলেই মনে একটি চিত্র কুটিয়া উঠে, শ্লোকের পর শ্লোক কেবলি চিত্রবিভূতাস । -

সমস্ত রঘুবংশটিই এইরূপ চিত্রপরিম্পনা । হৃদয়বেগ অপেক্ষা চিত্রসৌন্দর্য্যই কালিদাসের কাব্যে সমধিক অভি-
ব্যক্ত । এবং ঘটনা ঘটনামাত্র অবলম্বনে বর্ণনা বিচিত্র । রাম যখন সীতাকে লইয়া লঙ্কা হইতে গিরিয়া আসিতেছেন, ঘটনা কিছুই নাই—কেবল আকাশপথে একখানি রথ চলিয়াছে এবং সেই রথে বসিয়া অযোধ্যাব রাজদম্পতি । কিন্তু পথ দীর্ঘ এবং সমুদ্র নদনদী পাহাড় পর্বতে দৃশ্য বিচিত্র । স্মরণ্য চিত্ররচনার এই অবসর । প্রথমেই সমুদ্রবর্ণনা—কতকগুলি
চিত্র—কোথাও সেতুবন্ধে ফেনিল অমুরাশি আছাড়িয়া পড়ি-
তেছে, কোথাও আকাশে সাগরে মিশাইয়া গিয়া এক অনন্ত
বিস্তার, কোথাও তমালতালীবনরাজিনীলা দূর বেলাভূমি,

কোথাও বা গুটিকতক পৌরাণিক স্মৃতি—বিশ্বত সগর-কাহিনী, পুরাতন মহানকথা—এবং ইহারই মধ্যে যেখানে অবসর ঘটয়াছে সুবিধামত একটু আধটু অধরপানের প্রসঙ্গ। ক্রমে বেলাভূমি অতিক্রম করিয়া রথ জনস্থানের উপর দিয়া যাইতে লাগিল। রামচন্দ্র সীতাকে দেখাইতেছেন ;—এই সেই স্থান, তোমাকে অন্বেষণ করিতে করিতে যেখানে আসিয়া তোমার চরণাবিন্দবিশ্লেষহুঃখে বন্ধ-মোন একটি নুপুর কুড়াইয়া পাই, এই পর্বতশ্রেণী একদিন—যনে পড়ে কি ?—গুরু গুরু মেঘগর্জনে পতির গাচ আলিঙ্গনমধ্যে মুদ্রিতনয়নে আপনাকে লুকাইয়াছিল, আর ঐ অম্বরলেখি গিরিশ্রেণী একদিন বর্ষা ঘনাইয়া আসিয়াছিল, কেকাধ্বনিতে কদম্বসৌরভে চারিদিক সমাকুল হইয়া উঠিয়াছিল, তোমার বিরহে সেদিন আমার জীবন অসহ বোধ হইয়াছিল, এই পম্পাসরোবরে—অহো!—তুমি তখন নিকটে ছিলে না, আমি নির্নিমেষনেত্র শুধু ঐ চক্রবাকমিথুনের নীরব প্রেমালাপ দেখিতাম ; সাক্ষরনে এইস্থানে একদিন স্তবকান্তিনয় অশোকলতাকে দেখিয়া পীনপরোধরা জনকতনয়া ব্রমে আলিঙ্গন করিতে উদ্যত হই—ভাগ্যে লক্ষণ ছিল, সেই ভুল ভাদিয়া দিল, দূরে ঐ পঞ্চাঙ্গর বিহারবারি—সমাধিতীত ইন্দ্র একজন তপস্বীকে এইখানে অঙ্গরাগণের যৌবনকূটবন্ধে আবদ্ধ করেন ; আর এই সেই স্ত্রীক্লান্তম—স্ত্রীক্লান্তের নিকট সুরাজনাদিগের বিভ্রমচেষ্টা সম্পূর্ণ ব্যর্থ হইয়াছিল,

সহাসপ্রেক্ষিতদৃষ্টি এবং ব্যাধির্কিসংদর্শিতমেখলা 'উভয়ই' সফল হয় নাই ; ঐ সরষু দেখা যায়—তরঙ্গহস্তদ্বারা আমাকে আলিঙ্গন জানাইতেছে । রথ আসিয়া থাকিল । রামচন্দ্র রথ হইতে অবতরণ করিলেন ।

এতদিনে অযোধ্যার শ্রী ফিরিল । প্রাসাদসকল হইতে কালান্তরধুম নির্গত হইতেছে—যেন রামচন্দ্র প্রবাস হইতে ফিরিয়া আসিয়া স্বহস্তে পুরীর বেণী মোচন করিয়া দিয়াছেন । রাম একদিন প্রাসাদশিখরে উঠিয়া অযোধ্যাপুরীর দিকে চাহিয়া দেখিলেন—বিলাসী বিলাসিনীরা প্রমোদ-উদ্ভানে বিহার করিতেছে এবং সবু পণ্যবাহিনী তরুণীপরিপূর্ণা ।

অগ্নিবর্ণের রাজত্বকালে এই বিলাস পূর্ণমাত্রায় উন্মুক্ত । রাজা বিলাসিনীপরিবৃত হইয়া অষ্টপ্রহর অন্তঃপুরেই থাকেন ; প্রভারা তাঁহার দর্শন পায় না , রাজকার্য্য মন্ত্রীবর্গ সুসম্পন্ন করেন । অন্তঃপুরে নিত্য মন্থখোংসব । রাজা কামিনীগণের সন্তিত জনবিহারি কবেন—জলে বিলাসিনীদিগের নম্বনাঙ্গন ও অধরের কৃত্রিম নাগ ধুইয়া ধায় এবং স্বাভাবিক মুখরাগ অগ্নিবর্ণকে অধিকতর প্রলোভিত করে । বিলাসিনীদিগের সহিত মনোরম পানভূমিতে বসিয়া তিনি বকুলের সুরা পান করিতে থাকেন এবং প্রমদাগণপ্রদত্ত মুখাসবপানে একান্ত বিহ্বল হইয়া পড়েন । বাজার এক অঙ্কে বীণা, অপর অঙ্কে অঙ্গনা, এবং সম্মুখে অবিশ্রাম নর্তকীর লাস্যলীলা । প্রমদা হইতে প্রমদাস্তরে, বিলাস হইতে বিলাসাস্তরে অগ্নিবর্ণ নিত্য রমণ

করেন। বিপুল অস্ত্রপুৰেও কুলীইয়া উঠেনা। লতাকুণ্ডে পুষ্পশয্যা রচনা করিয়া পরিজনাদনাগর্ভের সহিত প্রমোদালাপে কালক্ষেপ করিতে যান। বাদশাহী বিলাসিতাও এখানে হার মানেন। এবং এই উৎকট উন্মাদনা রাজসম্মাচারে ব্যক্ত হইয়া অল্পদিনমধ্যেই অধিবর্গকে ঐহিক প্রমোদের বন্ধন হইতে ছিন্ন করিয়া লয়।

এইখানেই রঘুবংশের উপসংহার—এই বাদশাহী বিলাসের এক-সর্গ চিত্রপরম্পরায়। সুতরাং রঘুবংশ সম্বন্ধে আমাদের আর জানিবার বড় কিছু রহিল নহে। এবং এই উনবিংশ সর্গের মহাকাব্য হইতেই বোধ করি কালিদাসের চিত্রাঙ্কনী প্রতিভার যথেষ্ট পরিচয় পাইলাম।

কিন্তু ইহাই চরম নহে। কালিদাসের অন্য কাব্য আলোচনা করিলেও তাঁহার এই বিশেষত্ব দৃষ্টিগোচর হয়। মেঘদূতের মত অমন সামান্য অবলম্বনের উপর নির্ভর করিয়া কেবল কাল্পনিক কথা লইয়া এমন একখানা সমগ্র কাব্য কালিদাসের পূর্বে সংস্কৃত সাহিত্যে দেখা যায় না। কিন্তু কালিদাসের চিত্রপ্রিয় কবিপ্রকৃতি কেবল ছবি আঁকিবার জন্য আপন মনের মত বিষয়টি বাছিয়া লইয়াছে। যক্ষের বিবহবর্ণনা উপলক্ষ্য মাত্র।

মেঘদূত পৃথিবীর সাহিত্যে অদ্বিতীয় কেবল এই চিত্রপরম্পরায়। কুবেরাশুচরের দীর্ঘ পথ, বর্ষা বিরহ এবং স্নানকারের গায়ারচনা। প্রতি বিরহিনীর দুঃখবর্ণনার যক্ষ

আপন প্রেমসীর বিরহবিধুরমূর্তি আঁকিয়া রাঁচে, প্রবাসীকথার মেঘের নিকট আপন হৃদয় খুলিয়া দেখায়। অলকার প্রমোদবিলাস বর্ণনা করে,—প্রতিযোগিতার তাহার বিরহ যেন সন্মুখস্থ ফুটিয়া উঠে। কিন্তু কেবলি চিত্র—ছবির পব ছবি।

এইরূপ চিত্র আঁকিতেই কালিদাস কিছু ভালবাসেন। লজ্জ-বিদ্যুতের মধ্যে সৃষ্টিভেদ্য অন্ধকারে লঘুগতি অভিসারিকা ; যুক্ত বাতায়নে বসিয়া একবেণী বিরহিণী—উৎসঙ্গে বীণা পড়িয়া রহিয়াছে, মুখের গান মুখেই রহিয়া গিয়াছে, এবং চারিদিক হইতে শুধু মেঘমন্ত্রস্বরে শ্রাবণ ঘনাইয়া আসিতেছে, প্রবাসী রামগিরিশিখরে দাঁড়াইয়া রেখের পানে চাহিয়া—মেঘ যদি দৌত্য-কার্য্য করে !

কুমারসম্ভবও কতকগুলি ছবি। প্রথমে হিমাগরে বালিকা গৌরী। দ্বিতীয়তঃ শিবের তপোবনে যুবতী গৌরী। তৃতীয়তঃ গৌরীর তপোবনে বৃদ্ধ শিব। চতুর্থতঃ শিবের বিবাহ।

রতিবিলাপেও করুণরসে কালিদাসের হৃদয়াবেগ উচ্ছ্বসিত হইয়া উঠে নাই—তাহা নৈপুণ্যপরিপূর্ণ, কেবল মাঝে মাঝে এক একটি চিত্র অঙ্কিত হইয়াছে। প্রথমেই কালিদাস রতিকে এক কথার আঁকিয়া তুলিলেন—রতি বসুধালিঙ্গন-ধূসরস্তনী। রতির আর বাচিবার সাধ নাই—স্বামীর অনুগমন ভিন্ন তাহার আলা জুড়াইবে না। সেই রতি বিলাপ

করিতেছেন,

রজনী তিমিরানগুষ্ঠিতঃ

পূরমার্গে ঘনশুকবিক্রবাঃ ।

বসতিং প্রিয় কামিনাং প্রিয়াঃ

স্বদৃতে আগয়িতুং ক ইধরঃ ॥

নয়নাগুরুণানি ঘূর্ণয়ন্

বচনানি খলয়ন্ পদে পদে ।

অসতি হুরি বারুণীমদঃ

প্রমদানামধুনা বিড়ম্বনা ॥ ইত্যাদি ।

পরে পরে কতকগুলি ছবি—ঘন-অন্ধকার রাজপথে ঘনগর্জন-
ভীতা একাকিনী অভিসারিকা, বারুণীমদ্যপানে অরুণনয়না
খলিতবচনা প্রমদাভন, তাহার পর জ্যোৎস্না কোকিল মলয়
লইয়া বনন্ত, কিন্তু মদনাভাবে এই সকলই নিশ্চল—
অতএব, হে মদন, তুমি ফিরিয়া আসিয়া ইহাদের গতি কর ।

এ পর্য্যন্ত কালিদাসের প্রতিভা যে বিশেষত্ব দেখা গেল
শকুন্তলায় ইহার পূর্ণবিকাশ । বহিঃপ্রকৃতিতে চিত্রকরের
মানসী প্রতিমা এইখানে ঘন সম্পূর্ণরূপে আপনাকে মুদ্রিত
করিয়া দিয়াছে । সেইজন্তু চিত্রগুলি এমন সর্বাঙ্গসুন্দর এবং
সম্পূর্ণ ।

প্রথমেই রথবাত্রা । রাজা দুয়ন্তু রথারোহণে দ্রুতগামী
কৃষ্ণসারের অনুসরণ করিয়াছেন, সূর্য প্রাণভয়ে উর্দ্ধ্বাসে
ছুটিয়া চলিয়াছে এবং মনোহর গ্রীবাভঙ্গসহকারে মুহূর্ত্ত
পশ্চাদিকে ফিরিয়া দেখিতেছে । রথের গতিবেগ এত দ্রুত যে,

যদ্যালোকে সূক্ষ্মঃ ব্রহ্মতি মহমা তদ্বিপুলতাঃ

যদন্তর্বিচ্ছিন্নঃ ভবতি কৃতসম্মানমিব তুৎ ।

একুত্যা যদ্বক্রং তদপি সমরেখঃ নবনয়ো-

র্ন মে পার্শ্বে কিঞ্চিৎ ক্ষণমপি ন দূরে ব্রথজরাৎ ।

ইহা নাট্যকলার বিরোধী । কারণ, অতিক্রমত রথযাত্রা এবং তদবস্থার রাজা ও সারথির কথোপকথন দৃশ্যকাব্যে স্থান পাইবার যোগ্য নহে । কিন্তু কেমন ছবি !

তাহার পর তপোবনবর্ণনা । ক্রমে, আলবালে ঋষি-কন্যাদের জলসেচন এবং রাজাকর্তৃক গোপনে তাহাদের কথাবার্তা শ্রবণ, শকুন্তলার নিবিষ্টচিত্তে রাজার ধ্যান ও হৃৎকামার অভিলাপ ; শকুন্তলার বিদায় ; রাজসভার দৃশ্য, অসুরীয়কপ্রাপ্ত রাজার উৎকর্ষা ও দূরে মহিষীর গান, সিংহ-শিশুর সহিত বালকের খেলা ও শিশুচিত্র ।

এইগুলি একখানি ছবি নহে—ইহারই এক একখানি অনেকগুলি ছবির সমষ্টি । শকুন্তলা নাটকের বিশেষত্ব এই যে, তাহার প্রতি ক্ষুদ্র ঘটনা এবং কথাবার্তা পর্য্যন্ত যেন তুলি দিয়া আঁকা যায় । চিত্রকর যেমন রূপসীকে নানা অবস্থার মধ্যে ফেলিয়া এবং নানা ভঙ্গীতে আঁকিয়া তাহার সৌন্দর্য্য ফুটাইয়া তুলেন, কালিদাস সেইরূপ বিচিত্র দৃশ্যে এবং বিবিধ ভাব ও ভঙ্গীতে যতরকমে সম্ভব শকুন্তলার সৌন্দর্য্য উদ্ঘাটন করিয়া দেখাইরাছেন । কোথাও বা কুরবকশাখীর বহল বহু হইয়া যায়, কোথাও বা প্রিয়সখী বহলের দৃঢ়বন্ধন শিথিল করিয়া দেয়, কোথাও অবগুণ্ঠনের

মধ্য হইতে সুন্দরীর নব কিসলয়বৎ রূপলাবণ্য ফুটিয়া পড়ে ; সৌন্দর্যের কবি সৌন্দর্য্য ফুটাইতে ব্যাকুল—একটি বাহুভঙ্গী, একটি হৃদস্পন্দন, পাণ্ডু মুখকমলে অতি ক্ষীণ মুছ অকর্ণিমা-সঞ্চার এবং নিঃশব্দ দৃষ্টির নিরিড চাকলাটুকু পর্য্যন্ত তাঁহার দৃষ্টি অতিক্রম করে না । যেখানে অলৌকিক ঘটনার অব-তারণা করিয়াছেন—যেমন “ত্রীসংস্থানং জ্যোতিঃ” আসিয়া শকুন্তলাকে লইয়া যাওয়া—সেখানেও কেবল একটি সুন্দর চিত্র ব্যক্ত হইয়াছে ।

শকুন্তলা যদিও নাটক এবং উহার মধ্যে প্রকৃতিতত্ত্ব সমাজতত্ত্ব প্রভৃতি নানাবিধ তত্ত্ব থাকিতে পারে তথাপি শকুন্তলা আমাদের মনে প্রধানতঃ কতকগুলি চিত্রশ্রেণী টাড়াইয়া দিয়া যায় । আমরা যে শকুন্তলার ঘটনাপ্রবাহে ভাসিয়া যাই তাহা নহে, বরঞ্চ উহার স্থির মুহূর্ত্তগুলিই আমাদের আকর্ষণ করিয়া রাখে—নাটকটি অগ্রসর হইতে হইতে যে যে স্থানে ছবি-আকারে স্থির হইয়া দাঁড়াইয়াছে সেই সেই স্থানই আমাদের চোখে জাজ্বল্যমান হইয়া উঠে ।

যেমন, বিদায়দৃশ্য । শকুন্তলা অগ্রসর হইতে যান, পশ্চাৎ হইতে কে যেন টানিয়া রাখে, কিরিয়া দেখেন তাঁহারই স্নেহপালিত যুগশিশু অঞ্চল ধরিয়া টানিতেছে । প্রত্যেক তরু এবং লতা শকুন্তলার সুখদুঃখের সঙ্গী—বারবার তাহাদের কাছে দাঁড়াইয়া, তাহাদিগকে স্পর্শ করিয়া, আলিঙ্গন করিয়া শকুন্তলা তপোবনের নিকট যিহার গ্রহণ করিতেছেন ।

রাজসভামধ্যে হুয়ন্ত যখন প্রত্যাখ্যান করিলেন, তখনও ঘটনা অধিক নয় এবং শকুন্তলা কথাও বড় বলেন নাই, কেবল সেই সভামধ্যে হুয়ন্তকে 'পোরব' সম্ভাষণ করিয়া যখন দাঁড়াইলেন, তখনই হুয়ন্ত রাজসভা শূন্যরূপে শারদ্বত এবং এই হুই তপস্বীর মধ্যস্থলে দণ্ডায়মানা তেজস্বিনী তপো-বনবালিকার একখানি উজ্জল চিত্র ফুটিয়া উঠিল ।

কেবলমাত্র "অরমহং ভোঃ" এইটুকুতে শকুন্তলার বিরহ চিত্রিত হইয়াছে । হর্কাসী এই বলিয়া আশ্রমের দ্বারে আসিয়া দাঁড়াইলেন—কিন্তু তবু শকুন্তলা মাথা তুলিলেন না, তাঁহার মুখে কথা নাই ।

এইরূপ ঘুরিয়া ফিরিয়া একটি রূপসীর চিত্র খাড়া করিয়া তুলিতে পারিলে কালিদাসের ক্ষুণ্ণি ধরে না । সুখে দুঃখে বেদনা বিলাসে স্ত্রীজাতির প্রতি তাঁহার যেন কিছু সম্বন্ধ নহনয়তা দেখা যায় এবং স্ত্রীসঙ্গে তিনি একটু বিশেষ আনন্দ লাভ করেন ।

নারী এবং প্রকৃতিসৌন্দর্যের প্রতি এমন নিবিড় প্রেম অন্ত কোন কবিতে দেখা যায় না । যেখানে তপোবনের মধ্যে ঋষিবালিকার সমাবেশ করিয়াছেন সেখানে তাঁহার সেই হুই অনুরাগের একত্র মিলন হইয়াছে । নগরবাসী রাজা, তপোবনের পালিত যুগসেবিত তরুক্ষেত্রে মধ্যে একটি ঋষিকুমারীর—একটি অনাব্রাত পুষ্পের সৌরভে আকৃষ্ট হইয়া বে একটি নাট্যব্যাপার ঘটাইয়া তুলিয়াছেন তাহা যেন

কবির নিজের কামনাস্বপ্ন। আত্মপ্রকৃতির সমগ্র অমুরাগ সেচন করিতে পারেন কালিদাস এমন একটি বিষয় সৃজন করিয়া লইয়াছেন, এই জগৎ সাহিত্যসৃষ্টির মধ্যে শকুন্তলা এমন একটি অপূর্ণ সৃষ্টি হইয়া দাঁড়াইয়াছে।

• কিন্তু কেবল চিত্ররচনা নহে, খণ্ড খণ্ড চিত্ররচনাতেই কালিদাসের প্রতিভার বিশেষ পটুত্ব। পাঠকেরা তাহার পরিচয় পাইয়াছেন। পথের বর্ণনা করিতে কালিদাস বড় ভালবাসেন। তাহার কারণ পথের দুইপার্শ্বে খণ্ড খণ্ড চিত্র পরে পরে চক্ষুর সমক্ষে উপনীত হয়; একটার প্রতি দৃষ্টিপাত করিয়া তাহার পরেই আর একটার প্রতি চক্ষু পড়ে। একটা সমগ্র, সম্পূর্ণ বৃহৎ চিত্র রচনা করিতে হয় না। সমস্ত রঘুবংশ যেন ইক্ষুকুবংশের একটি দীর্ঘ প্রাচীন রাজপথ। কবি রথে চড়িয়া বর্ণনা করিতে করিতে চলিয়াছেন। দিলীপের প্রথম চিত্র রথযাত্রা। রঘুর দিগ্বিজয়ও এই ভাবে, দেশ হইতে দেশান্তরে, দৃশ্য হইতে দৃশ্যান্তরে গমন। ইন্দুমতীর স্বপ্নস্বরসভাতেও কবির প্রতিভা দুইপার্শ্বের শ্রেণীবদ্ধ রাজগণকে অবলম্বন করিয়া এক একটি দৃশ্যকে পরে পরে স্পর্শ করিয়া গিয়াছে। রামের রথযাত্রাতেও কবিপ্রতিভার সেই গতি-লীলা প্রকাশ পায়। অগ্নিবর্ণের বিলাসসন্তোগও সেইরূপ; প্রমোদ হইতে প্রমোদান্তরে অপরিভৃষ্ট চপল কদম্বের ঐশ্বৰ্য্যচাক্ষুণ্য। মেঘদূত কাব্য মেঘছায়াবিধ দুইপার্শ্বের ছবি তুলিতে তুলিতে ভ্রমণ। ঋতুসংহার সম্বন্ধেও

এ কথা খাটে। অমনতর নিতান্তই বর্ণনাকাব্য সংকৃত সাহিত্যে বিরল। ঠিক পথবর্ণনা নহে বটে—কিন্তু ইহাও চলিতে চলিতে বর্ণনা। বিক্রমোর্কশী যদিও নাটক, কিন্তু কবি নাট্যরীতি পরিহার করিয়া নায়ককে অরণ্যে অরণ্যে বিলাপপূর্বক ভ্রমণ করাইয়াছেন। কখনও পাখী, কখনও মেঘ, কখনও লতা, কখনও পর্বতের প্রতি খণ্ড খণ্ড উচ্ছ্বাস।

এইরূপ খণ্ড খণ্ড চিত্র এবং ক্ষুদ্র ক্ষুদ্র কারুকৌশলের প্রতি কবির বিশেষ দৃষ্টি থাকাতে অনেক সময় বৃহৎ চিত্র-রচনার তিনি সম্পূর্ণ কৃতকার্য হইতে পারেন না। সমুদ্র পর্বতের ন্যায় প্রকৃতির বিরাট দৃশ্যে কবি যদি একমুহূর্তে দৃশ্যের সমস্ত বৃহৎ চক্ষুর সমক্ষে খাড়া করিয়া না তুলিতে পারেন তবে যে চিত্রই ব্যর্থ হয়। কারণ, বিরাটস্থই তাহার প্রধান ভাব, তাহার খণ্ড খণ্ড আংশিক অঙ্গপ্রত্যঙ্গগুলিকে প্রাধান্য দিলে তাহার প্রকৃত ভাবটাকেই ধর্ম করা হয়। পর্বতে যে চমরী লাকাইতেছে বা ওষধি জলিতেছে বা গজমুক্তা পড়িয়া রহিয়াছে তাহা চিত্রিতব্য বিবরণ নহে—কারণ, বৃহৎ হিমালয়ের মধ্যে তাহারা কে কোথায় বিলীন হইয়া থাকে তাহা চিত্রকের দৃষ্টিগোচর হওয়াই উচিত নহে। কিন্তু কালিদাস নিপুণ চিত্রকর হইয়াও তাহার অতিনৈপুণ্যবশতই হিমালয় ও সমুদ্র বর্ণনার অকৃতকার্য হইয়াছেন। তিনি প্রত্যেক অংশের স্বতন্ত্র বর্ণনার লোভ সম্বরণ করিতে পারেন না। ভবভূতি যেখানে একটিমাত্র মেঘমন্ত্রসম্মানে বিদ্যাপর্বতের

অক্ষরকার অরণ্য সম্মুখে মূর্তিমান্ করিয়া তুলেন, কালিদাস সেখানে প্রত্যেক লতার এবং ফুলের স্বতন্ত্র আখ্যাদটুকু ছাড়িতে পারেন না।

উত্তরচরিত ।

উত্তররামচরিত কালিদাসের কাব্যের মত কেবলি মধুর ও সুন্দর চিত্রপরম্পরার সমাবেশ নহে, সেখানে মেঘমল্লসমাসে যেমন প্রকৃতির নিবিড় নিশ্চল গাষ্ঠীর্ষ্য মুদ্রিত হইয়া উঠে, তীব্র ককণ আবেগে সেইরূপ মানবহৃদয়ের সমস্ত গভীর সুখ দুঃখ, বেদনা আনন্দ প্রগাঢ় হইয়া আসে; এবং এই নির্ঝরঝরিত উত্তাল তরঙ্গকল্লোলিত প্রচণ্ড প্রকৃতি মানবের মেঘমেঘুর অন্তরে ঘনীভূত হইয়া চতুর্দিক আচ্ছন্ন করিয়া থাকে। কালিদাসের চিত্রশালা হইতে বাহির হইয়া আসিয়া ভবভূতির কাব্যজগৎ ঘন এক সম্পূর্ণ নূতন দেশ—এখানেও সৌন্দর্যের পর সৌন্দর্য্য সুবিগ্ৰহ এবং মানবহৃদয় বহিঃ-প্রকৃতির সহিত নানা অদৃশ্য-সূত্রে গ্রথিত হইয়া আপনাকে নানা ভাবে বিকশিত করিয়া তুলিয়াছে; কিন্তু কালিদাসের চিত্রশালায় মন বেরূপ লম্বরবৎ চিত্র হইতে চিত্রান্তরে, সৌন্দর্য্য হইতে সৌন্দর্য্যান্তরে, উপমা হইতে উপমান্তরে নীত

হয় এবং নানা ফুল হইতে কেবল মধুর সৌন্দর্য্যটুকু সঞ্চয় করিতে করিতে অগ্রসর হইতে থাকে, ভবভূতির দৃশ্যকাব্যে নহন সেরূপ হিলোল সঞ্চারিত হয় না—চক্ষের সন্মুখে বিন-নিবিড় অরণ্যানীর নীরঙ্ক নিচুলনীলিম একটি গম্ভীর দৃশ্যপট উদ্ঘাটিত হয় এবং দূর দিগন্তপটে মুদ্রিত মেঘমালাবৎ নীল শৈলশ্রেণী, গুদগদভাষিণী নদী গোদাবরী, নিরন্তরধ্বনিত নিবিড় নির্জনতা সমস্ত মিলিয়া সেই নিবিড়তা আরও নিবিড়-তর করিয়া তুলে ; একটি সমগ্র সংহত দৃশ্যগাষ্ঠীর্য্যে মন অভিভূত হইয়া পড়ে । কালিদাস যেখানে ফুলটি, মালাটি, মদ-রাগ ও চূষনবিলাস এবং তদানুযায়িক সুন্দর জ্যোৎস্না, মধুর মলয় ও উদ্ভিন্নযৌবনা প্রকৃতি দিয়া খণ্ড খণ্ড সৌন্দর্য্য উদ্ভেদে প্রিয়জনকে স্মরণ করাইয়া দেন, ভবভূতি সেখানে অন্তরের অন্তরে ডুবিয়া মানবহৃদয়ের গভীর বেদনা অনুভব করেন এবং সেই বেদনার মধ্য হইতে প্রিয়জনকে যেন মন্বন করিয়া তুলেন , সেইজন্য প্রিয়জন তাঁহার নিকট এমন কি-জানি-কি এবং প্রিয়স্পর্শে তিনি একেবারে আকুল হইয়া উঠেন— নিশ্চয় করিতে পারেন না, সুখ না দুঃখ, প্রবোধ না নিদ্রা, শরীরে বিষসঞ্চায় হইয়াছে অথবা মদিরা পান করিয়াছেন, চৈতন্য লুপ্ত কি উন্নীলিত ।

সর্ব্বাঙ্গ দিয়া এবং সকল হৃদয় দিয়া ভবভূতি প্রিয়জনকে অন্তরের অন্তরদেশে ষতই চাপিয়া ধরেন, সে কি-জানি-কিকে সম্যক অনুভব করিয়া উঠা যাব না , অঙ্গ অবশ হইয়া আসে,

চিত্ত বিহ্বল হইয়া পড়ে, ভবভূতি আশ্বহারা হইয়া যান, কিন্তু প্রিয়জন ততই কিঞ্জানি-কি। উত্তরচরিত নাটকের সপ্ত অঙ্কের মধ্য দিয়া বরাবর এই একটি করুণ বেদনা সঞ্চারিত হইয়া উঠিয়াছে। নাটকের প্রথম হইতে শেষ পর্য্যন্ত যেন কোন্ প্রিয়াকুল করুণ হৃদয় আপন গোপন মর্ম্মস্থলে প্রিয়জনকে বিদ্ধ করিয়া বিন্দু বিন্দু করিয়া আপনাকে তাহাতে কীর্ণ করিতেছে এবং সেই নিবিড় মর্ম্মনিপীড়িত বেদনা কোথাও দেহ অবলম্বনে, কোথাও হৃদয় অবলম্বনে, কোথাও চিত্র অবলম্বনে, কোথাও বা ছায়া অবলম্বনে, অন্তরে বাহিরে ব্যাপ্ত হইয়া পড়িয়াছে।

উত্তরচরিতে তবে সুখ কি নাই? কেবলি একটি ধারা-বাহিক করুণ বারকুলতা? কেবলি হা হতোশ্বি, হা রাম, হা সীতে, কিম্বা কোথা প্রিয়ে, প্রাণনাথ, এবং অন্তর্বাষ্পাবস্থা ও সাশ্রনয়ন? লক্ষণ যখন পিতৃবিচ্ছেদে দুর্মনায়মানা সীতাদেবীকে তাঁহাদের পূর্ব্বভাত্তের চিত্রগুলি দেখাইতেছেন, তখন কি সকলের মনে সুখসঞ্চার হয় নাই? নিদ্রালসে শিথিলান্ধী আলিঙ্গনবদ্ধা সীতার স্পর্শে রামচন্দ্রের সর্বাঙ্গে যে পুলক সঞ্চার হইয়াছিল সে কি সুখ নহে? দীর্ঘ বিনহ-নিশাবসানে সীতার সহিত রাঘবে যখন মিলন সম্পাদিত হইল তখন কি সুখের সীমা ছিল?—কিন্তু ভবভূতির কাব্যে সুখও যেন অত্যন্ত প্রগাঢ় হইয়া অনেকটা দুঃখেরই মত হইয়া আসে। হয়, তাহার সহিত কতকগুলি দুঃখকাহিনী

বিকড়িত, নয়, তাহার মধ্যে একটা অনির্দেশ্য বিবশ ব্যাকুলতা—সুখ কি দুঃখ নির্ণয় করিয়া উঠা কঠিন ; যদি বা মিলন হয়, মিলনের মাঝখানে যেন শতবর্ষের বিরহ জাগিয়া থাকে এবং মিলনার্ত্ত উপসংহারেও পুরাতন বিরহ পরিতৃপ্ত হয় না । কালিদাসের কাব্যে যেমন দুঃখও কিশাস-অলসিত মোহন মধুরবেশে কতকগুলি সুন্দর চিত্রবন্ধ হইয়া মোহ উদ্রেক করিয়া দেয়, ভবভূতির কাব্যে সুখ সেইরূপ মর্মান্বলে বেদনাবিদ্ধ হইয়া অত্যন্ত করুণ ও নিবিড় হইয়া উঠে ।

নাট্যরম্ভের অল্পকণমধ্যেই সীতার বিনোদনজন্য চিত্রিত কতকগুলি আলোচ্য লইয়া লক্ষণ যখন প্রবেশ করিলেন, রামচন্দ্র ও সীতাদেবী অষ্টাবক্রকে সুবেমাত্র বিদায় দিয়া নিভৃতে বসিয়া আছেন । লক্ষণের আগমনে প্রথম সেই নীরবতা ভঙ্গ হইল । রামচন্দ্র আলোচ্যের কথা শুনিয়া জিজ্ঞাসা করিলেন, বৎস, ইহাতে কি অবধি চিত্রিত হইয়াছে ? লক্ষণ বলিলেন, আৰ্য্য্য বধূঠাকুরাণীর অগ্নিশুদ্ধি পুর্যাস্ত । প্রিয়াগত-প্রাণ রামচন্দ্রের নেত্রপল্লব সিক্ত হইয়া আসিল, তিনি দুঃখ করিতে লাগিলেন যে, হায়, জন্মপরিণামকেও আবার অগ্নিতে স্কন্ধ করিয়া লইতে হইল । সীতাকে সম্বোধন করিয়া বলিলেন, প্রিয়ে, তোমার প্রতি যে রূক্ষ আচরণ করিয়াছি তাহা সৰ্ব্বথা তোমার অযোগ্য, অপরাধ মার্জনা কর । সীতা তাড়াতাড়ি কথাটা চাপা দিবার জন্য আলোচ্যের প্রতি রামের মনোযোগ আকর্ষণ করিলেন ।

সে বহুদিনের কথা, প্রথম যখন আৰ্য্যপুত্র, ঋষি বিশ্বামিত্র সমভিব্যাহারে, মিথিলায় গুভাগমন করেন—উদ্ভিদ্যমান নবনীলোৎপলশ্যাম স্নিগ্ধ মন্থণ চাকুদেহ, সৌম্য সুন্দর মুখশ্রী, কেমন অবলীলাক্রমে হরধনু ভঙ্গ করিতেছেন—পার্শ্বে দাঁড়াইয়া তাত জনক, বিস্মিত দৃষ্টি বালকের মুখমণ্ডলে নিবন্ধ করিয়া নিশ্চল। সেই গুভ বিবাহ-রজনী—মঙ্গলাচার, হনু-শ্বনি, ব্রাহ্মণবর্গ ও ঋষিগুণপরিবৃত সুভায়গুপ—চারি ভ্রাতার চারি বধু—অত দশরথ বধুসমাগমে পরিপূর্ণহৃদয়। জানকীকে দেখিয়া মাতৃগণের কি আনন্দই হইয়াছিল! বালিকার অনতি-নিবিড় সুন্দর দন্তপংক্তি, উভয় গণ্ডদেশে চাকু অলঙ্কারী আসিয়া পড়িয়াছে, চন্দ্রকরনির্মল মনোহর মুখশ্রী, বিভ্রম-বিলাসহীন সরল অঙ্গযষ্টি। তখন জীবন অতি লঘু—তাত জীবিত—ভাবনা নাই চিন্তা নাই, দিনগুলি নিশ্চিন্তমনে কাটিয়া যাইত। “তে হি নো দিবলা গতঃ।”

লক্ষণ একটির পর একটি চিত্র উন্টাইয়া বাইতেছেন, এবং পুরাতন বিশ্বতপ্রায় দিনগুলি সকলের চক্ষের সমক্ষে জাজগামান হইয়া উঠিতেছে। সীতা-রামকে বলিতেছেন, কখনও না রাম সীতাকে বলিতেছেন, সেই দিন স্মরণ হয় কি—এই সেই কালিন্দীতটস্থ শ্রামবট—হে প্রিয়ে, এখানে একদিন পথশ্রমে ক্লান্তদেহ তুমি আমার বক্ষের মধ্যে গাঢ় আলিঙ্গনে রুদ্ধ হইয়া সুখে নিদ্রা গিয়াছিলে। ঐ যে সেই বিক্রমটবীর প্রবেশদ্বার—আৰ্য্যপুত্র হস্তস্থিত তালবৃন্তের দ্বারা এইখানে

একদিন আমার আতপ নিবারণ করিয়াছিলেন । লক্ষণ দেখাইয়া দিলেন, দূরে ঐ ঘনসন্নিবিষ্ট বৃক্ষসমূহে নিরন্তর-
 ত্রিধ্বনীলপারিসর গোদাবরীমুখরিত অরণ্যপ্রদেশ দেখা যায়,
 বনভূমির মধ্য হইতে মেঘমেহুরিতনীলিমা প্রস্রবণগিরি
 উঠিয়াছে । রামচন্দ্র সীতাকে জিজ্ঞাসা করিলেন, এই পর্ব-
 তের পর্য্যন্তভাগে গোদাবরীশিশিরকণাসম্পৃক্ত বায়ুসেবনে
 আমাদের বিজন স্বচ্ছন্দসঞ্চরণ মনে পড়ে কি ? কপোলে
 কপোল সংস্কৃত এবং পরস্পরকে প্রগাঢ় বাহবেষ্টনে আবদ্ধ
 করিয়া স্মৃৎপর্ণশয্যায় অবিরত মৃৎ গল্পগুঞ্জে অজ্ঞাতসারে
 নিশাতিবাহন মনে পড়ে কি ? লক্ষণ আর একটি চিত্র উদ্ঘা-
 টন করিলেন—রামচন্দ্রের সেই প্রথম বিবাহ । কাঁদিয়া কাঁদিয়া
 তাঁহার চোখ ফুলিয়াছে এবং অধর ও নাসাপুট রুদ্ধ আবেগে
 জ্বলন্ত ফুরিত । রামচন্দ্র বলিলেন, বৎস, বৈরপ্রতিমোচন-
 বাসনার বশবর্তী হইয়া তৎকালে কোনরূপে এ দারুণ বিরহও
 সহ্য করিয়াছিলাম, কিন্তু এখন হুংখাণ্ডি পুনঃপ্রজ্জলিত হইয়া
 উঠিয়া হৃৎস্মরণের ঞ্চার অন্তরে অত্যন্ত হুঃসহ বেদনা দিতেছে ।
 এইরূপ বহুতর চিত্রের মধ্য দিয়া গিয়া সেই প্রসন্নগম্ভীর
 বনরাজি এবং চিরাকাঙ্ক্ষিত পবিত্রসৌম্যশিশিরাবগাহা ভাগী-
 রথী—যাহা দেখিয়া সীতার মন তপোবনের জন্ত অত্যন্ত
 ব্যাকুল হইয়া উঠিল এবং রামচন্দ্র অচিরেই তাঁহার দোহা-
 ভিলাষ পূর্ণ করিতে স্বীকৃত হইলেন ।

সকল চিত্রগুলি আমরা অবশ্য এখানে উল্লেখ করিলাম

না । উর্দুগার চিত্র লইয়া লক্ষণের প্রতি সীতার মূহু পরি-
 হাস “বচ্ছ ইঅং বি অবরা কা”, শূর্ণগথাকে দেখিয়া তাঁহার
 ক্রীড়নোচিত ভীতিভাব, যন্ত্রার চিত্র হইতে অবিচলিত
 অবলীলাক্রমে রুমের চিত্রাঙ্করে গমন, এই সকলের মধ্যে
 কাব্যকলা যথেষ্ট আছে । এবং বিদ্যাসাগর মহাশয়ের সীতার
 বনবাস প্রথম পরিচ্ছেদের কল্যাণে বঙ্গীয় পাঠকসমাজে তাহা
 অপ্রকাশও নাই । আমরা যে চিত্রগুলি উদ্ধৃত করিয়াছি
 সেইগুলি হইতে কালিদাসের বর্ণনার সহিত ভবভূতির বর্ণনা
 তুলনা করিয়া দেখিবার কতকটা সহায়তা হইতে পারে
 বোধ হয় ।

কালিদাসও এই পথ দিয়া ছ’একবার যাত্রা করিয়াছেন ।
 এবং ভবভূতি যে তরুসমাচ্ছন্ন গোদাবরীপ্রদেশ, হংসকার ও বা-
 দিবিচরিত কমলশোভিত রমণীয় পম্পাসরোবর ও ককুভ-
 সুরভিত বীল মিশ্র নূতন তোমবাহবেষ্টিত মালাবান্ শৃঙ্গের
 বর্ণনা করিয়াছেন, কালিদাসের লেখনী তাহার একটিকেও
 পরিত্যাগ করে নাই এবং এই সকল প্রাকৃতিক দৃশ্য তাঁহারও
 মনে পরীগতপ্রাণ রামচন্দ্রের বিরহ উদ্রেক করিয়া দিয়াছে ।
 রামচন্দ্র সীতাকে বলিতেছেন, এইখানে বেতসকুঞ্জে গোদা-
 বরীতরঙ্গশীতল সমীরণ সেবন করিতে করিতে তোমার
 উৎসঙ্গে মস্তক রাখিয়া কত নিশি যাপন করিয়াছি ; এই
 মালাবান্ গিরি—নূতন মেঘবারির সহিত এইখানে আমারও
 বিরহজনিত নেত্রঙ্গন পতিত হইয়াছিল ; নবোদকসিক্ত

পদগগন, অর্ধোন্নতকেশর কদম্বগুপ্প, শিথিকুলের কেকা-
 ধ্বনি তোমার বিরহে অসহ বোধ হইয়াছিল, মেঘগর্জনে
 ভীত হইয়া তুমি যে গাঢ়ভাবে আমাকে আলিঙ্গন করিয়া
 ধরিতে তাহারই স্মৃতি লইয়া গুহুর গুহার প্রতিধ্বনিত ঘন-
 গর্জন অতি কষ্টে সহ করিতাম ; ঐ পম্পাসর—অগ্নি প্রিয়ে
 ঐখানে চক্রবাক্মিখুন ক্রমাত্র বিযুক্ত না হইয়া পম্পাসরের
 মুখে পদ্মের কেশর প্রদান করিত, তাহা দেখিয়া বহু কষ্টে
 আমি তোমার বিবহ ষার্পন করিতাম, পম্পাতটে ঐ স্তনাভি-
 রামস্তবকান্তিনয়ী তম্বী অশোকলতাকে দেখিয়া তোমা ভ্রমে
 আলিঙ্গন করিতে গিয়াছিলাম । ইহার পব যেখানে ঋষ্যাশ্রম
 আসিয়াছে, সুরাসনাগণের ব্যর্থ বিলম্বচেষ্টা দিয়া তপঃপ্রভাব
 প্রদর্শনচ্ছলে কালিদাস রূপসীর উন্মুক্ত বোঁবন বিকশিত
 করিয়া তুলিয়াছেন এবং গিরিপাদপ্রবাহিত নগনদীদর্শনে
 মুক্‌হারবিন্ধ্যস্ত পানপয়োধর চিত্রিত করিয়াছেন । ভবভূতির
 বর্ণনার মালাবান্ চিত্র দেখিয়া রামচন্দ্র লক্ষণকে কেবল
 বলিয়াছেন, বৎস, থাক থাক, আর পারি না, আমার জানকী-
 বিপ্রয়োগ পুনঃপ্রত্যাবৃত্ত হইতেছে ; পম্পাসরোবরে অশ্র-
 কলের আভাস আছে মাত্র ; এবং ঋষ্যাশ্রম ও প্রকৃতিদর্শনে
 কেবল সরল গম্ভীর ভাষায় তাহার বিরলোপমা বর্ণনা ।

কিন্তু ভবভূতির পরিচয় এ পর্য্যন্ত আমরা অদ্যই পাই-
 য়াছি । চিত্রদর্শনে এই বেদনাবিক্ত কবিহৃদয়ের একাংশমাত্র
 প্রকাশ পাইয়াছে । লক্ষণ বাহিব হইয়া গেলে সীতাদেবী

বাহুপাশে রামচন্দ্রের কণ্ঠদেশ বেষ্টন করিয়া বাতায়নসন্নিহিত নিভৃত প্রদেশে শয়ন করিলেন। সেই স্পর্শটুকুমাত্রে ভবভূতির সমস্ত বেদনা যেন সঞ্জীবিত হইয়া উঠিল। একখানি নবনীলকুমার কোমল কবুস্পর্শ—শুধু একটা আশ্চর্যবিশ্বস্ত অনির্দেশা আবেগের মত। রামচন্দ্র বলিয়া উঠিলেন,

প্রিয়ে কিম্বেতৎ

বিনিশ্চেতুঃ শক্যে ন স্মৃৎস্মিতি বা হুঃখস্মিতি বা
 প্রবোধো নিদ্রা বা কিম্বু বিষবিসর্পঃ কিম্বু মদঃ ।
 তব স্পর্শে স্পর্শে মম হি পরিমুচেভ্রিয়গণো
 বিকারশ্চৈতন্যং ভ্রময়তি সমুদায়য়তি চ ।

বহুবর্ষ পরে নাইটিঙ্কেলের কণ্ঠস্বরে একজন বিদেশী কবির স্বদরে অনেকটা এইরূপ ভাবের সঞ্চার হইয়াছিল।

“My heart aches, and a drowsy numbness pains
 My sense, as though of hemlock I had drunk,
 Or emptied some dull opiate to the drains
 One minute past, and Lethe-wards had sunk.”

শুধু কি তাই? গান শুনিতে শুনিতে কীটসেরও রামচন্দ্রের দশা ঘটয়াছে—“প্রবোধো নিদ্রা বা”—“Do I wake, or sleep?”

রামচন্দ্রের বাহুপরি মস্তক রাখিয়া সীতা নিদ্রিত হইয়া পড়িলেন। বিবাহসময় হইতে গৃহে বনে, শৈশবে যৌবনে চিরদিনই এই বাহু তাঁহার উপাধান হইয়া আসিয়াছে। নিদ্রা-

বহুয় স্বপ্ন দেখিয়া সীতা বলিয়া উঠিলেন, “আর্য্যপুত্র, আছ ত ?” রামচন্দ্র স্নেহভরে তাঁহাব সর্বাঙ্গে করস্পর্শ করিলেন । সীতা তাঁহার গৃহেব লক্ষ্মী, নগ্ননের অমৃতশলাকা, সীতার স্পর্শ সর্বাঙ্গে বহল চন্দনরস লেপন, কণ্ঠদেশে এই বাহু শিশির-মন্ডল মুক্তাহার ; অসহ বিরহ ভিন্ন সীতার কিই না প্রিয় ? “হা আর্য্যপুত্র, সোম্য, কোথা তুমি ?” চিত্রদর্শনজনিত বিরহভাবনা স্বপ্নাবস্থায়ও প্রিয়তার চিত্তোদ্বেগ ঘটাইতেছে ।

অশ্বেতঃ স্মৃৎস্বঃ পরো বনু গুণং সর্বাশ্ববস্থাসু য-

ষিভ্রামো হৃদয়স্য যত্র জরয়া বশ্মিরহার্যো রসঃ ।

কালেনাবরণাতায়াং পরিণতে যৎ স্নেহসারে স্থিতম্

স্তত্রঃ প্রেম স্মৃমানুবস্য কথমপ্যেকং হি তৎ প্রাপ্যতে ॥

সুখে দুঃখে একরূপ, সর্বাবস্থাতেই অনুকূল, হৃদয় বাহাতে, বিশ্রাম লাভ করে, বয়সে যাহার রসক্ষয় হয় না, কালক্রমে লজ্জা ভয় সংকোচ অপগত হইয়া যাহা পরিণত স্নেহসারে অবস্থিতি করে, স্মৃমানুষের সেই অদ্বিতীয় নিরূপধি প্রেম কত পুণ্যেই পাওয়া যায় ।

এমন সময়ে দুর্মুখ আসিয়া সেই দারুণ লোকাপবাদ-সংবাদ নিবেদন করিল । কোথায় এত প্রেম ? কোথায় সেই চিরন্তন পল্লীগতপ্রাণতা ? প্রবল কুলগৌরব আসিয়া বলিল, সীতাকে বিসর্জন দিতে হইবে । হৃদয় বলিল, সীতা যে নিরপরাধিনী । আর, হে রাম, সীতাকে বিসর্জন দিয়া তোমার জীবনধারণে প্রয়োজন কি ? তোমার অগৎ ত সীতাবিহনে

জীর্ণায়। ইক্ষাকুবংশের কলঙ্ক মোচনীয় সন্দেহ নাই। কিন্তু যে অথও প্রেম সমস্ত প্রজাপুঞ্জের প্রীতি হইতেও গুরুতর ও উচ্চতর, যে অধিতীয় প্রীতি, শুধু ইক্ষাকুবংশ কেন, সমস্ত মানবকুলের জীবন, তাহাকে অকারণে নির্বাসিত করিয়া দিয়া কলঙ্ককালন কিরূপ ? তবে আশৈশব এত করিয়া সীতাকে পোষণ করিলে কেন ? সৌন্দর্যবৃত্তিই যদি অবলম্বন করিবে, ক্ষুদ্রী পক্ষীগীকে বক্ষনীড়ে টানিয়া রাখিবার কি প্রয়োজন ছিল ? কুলগৌরব বলিল, ও কথা নয় ; তুমি রাজা, তুমি দশরথের পুত্র, রঘুর আপোত্র, সূর্য্য তোমার আদিপুরুষ স্বরণ রাখিয়া, তুমি শুধু সীতার স্বামী নহ, সঙ্গার ধরিত্রী তোমাকে পতিরূপে বরণ করিয়াছে, তাকে তুলিয়া না, পত্নী ত্যাগ কর—নহিলে, আজ তুমি রাজা হইয়া যে দৃষ্টান্ত দেখাইবে তাহার ফলে লক্ষ লক্ষ গৃহে বিষবৃক্ষ অঙ্কুরিত হইয়া উঠিবে, তুমি রাজা, তুমি শুধুমাত্র প্রেমসীর প্রেমানন্দ নহ, দুর্ভাগ্য পরিত্যাগ করিয়া চিরন্তন বিধি রক্ষা কর। রামচন্দ্র কুলগৌরবের নিকট শির নত করিলেন। হৃদয় বলিতে লাগিল—কি করিলে ! হায় রামচন্দ্র, কি করিলে !

দ্বিতীয় অঙ্কে ঘটনা বড় নাই। একটি সুন্দর বিকল্পক—সেই বিকল্পকে ঋষিপত্নী আত্রেয়ী ও বনদেবতা বাসন্তীর কথোপকথনচ্ছলে দ্বাদশবৎসরের ঘটনাবলী সংক্ষেপে উল্লিখিত হইয়াছে, যথা, সীতার ধর্মক সন্তান প্রসবানন্তর রমাতলপ্রবেশ, সন্তানবরের বায়কি, আশ্রমে অবস্থান, রামচন্দ্রের অন্বেষণ

যজ্ঞের উদ্যোগ, লক্ষণাযুজ চক্রকেতুর প্রতি অশ্বরক্ষণভার, নীচজাতীয় শম্বুকের ভগ্নচর্যা নিবন্ধন রাজ্যে অকালমৃত্যুর প্রাদুর্ভাব ও শম্বুকের শিরশ্ছেদনমানসে রামের পঞ্চবটী আগমন বৃত্তান্ত । বিষ্ণুস্তব এই ; এবং অষ্টটি রানধজগাঘাতে শাপবিমুক্ত দিব্যপুরুষ শম্বুকের সহিত রামের কথোপকথনে পঞ্চবটী বর্ণনাদি ।

সম্মুখে দণ্ডকারণ্য । কোথাও স্নিগ্ধশ্যাম, কোথাও ভীষণ ক্রুদ্ধদৃশ্য, স্থানে স্থানে নিরন্তর নির্ঝর-ঝরঝর-মুখরিত ; কোথাও তীর্থাশ্রম, কোথাও পর্বত, কোথাও নদী, কোথাও ঘন বন । ঐ বে জনস্থান পর্য্যন্ত বিস্তৃত দীর্ঘ দক্ষিণাবণ্য চলিয়াছে । এই অরণ্যভূমি চিবদিন সর্বলোকলোমহর্ষণ—এখানকাব গিরিগহ্ববসকল উন্নত প্রচণ্ড ঋপদসঙ্কুল । কোথাও একেবারে নিষ্কৃজস্তিমিত, কোথাও নিরন্তর গর্জন-ধ্বনিত, কোথাও বা স্বেচ্ছাসুপ্ত গভীরগর্জনকারী ভূজঙ্গগণের নিশ্বাসে জ্বালিত অগ্নি, কোথাও গর্তমধ্যে অন্ন জল দেখা যাইতেছে, এবং ভূবিত কুকলাসেরা অঙ্গগরের স্বেদবিন্দু পান করিতেছে ।—রামের সেই সকল পুরাতন কথা মনে পড়িতেছে, সীতা তাঁহার সহিত এই বনে বনে থাকিতে কত ভালবাসিতেন এবং সীতাসান্নিধ্যে তাঁহার সকল হুঃখ কোথায় অন্তর্হিত হইয়া যাইত ।

তত্তস্য কিমপি হব্যং যো হি যস্য প্রিয়ো জনঃ ।

এই নধ্যমারণ্য সকল কেমন প্রশান্ত গভীর ! মদকল

ময়ূরের কণ্ঠসদৃশ কোমলচ্ছবি পর্বতে অবলীর্ণ, ঘনস্নিগ্ধিবিষ্ট
নীলপ্রধান তরুণ তরুসমূহে শোভিত এবং অনাকুল বিবিধ
মৃগযুথে পরিপূর্ণ। স্বচ্ছতোয়া নির্ঝরিনীসকল বহুশ্রোতে
বহিতেছে ; মদমত্ত বিহঙ্গগণের অধিষ্ঠানে বৃন্তচ্যুত বেতস-
কুসুমপতিত হইয়া সেই জলকে স্নিগ্ধ ও সুরভিত্ত করিতেছে,
এবং পরিপক্ক ফলময় শ্রামজম্বুনাঙ্গে শ্রোত স্থলিত হইয়া
মুখরিত হইতেছে। গুহাবাসী উল্লুকগণের খুংকারনিঃসরণ-
সহিত শব্দ চতুর্দিকে প্রতিধ্বনিত হইয়া অত্যন্ত গম্ভীর বোধ
হইতেছে, এবং গজভগ্ন শল্লকীবৃক্ষের বিক্ষিপ্ত গ্রন্থিসকল হইতে
শিশিরকটুকষায় গন্ধ বাহিব হইতেছে।—এই পঞ্চবটী বনে
সীতার সহিত বিশ্রুতলাপে কতদিন কাটিয়াছে। সেই সকল
কথা মনে হইয়া বামের রুদ্ধশোকপ্রবাহ উথলিয়া উঠিতেছে—
শরীবপ্রবিষ্টে তার বিষরস যেমন বহুদিন পরে সহসা আপন
বেগ প্রকাশ করে ।

চিরাম্বেপারস্তো প্রমৃত ইব তীব্রো বিষরসঃ
কৃতশ্চিৎ সংবেগাচ্চলিত ইব শল্যস্যাকলঃ ।
ত্রণো রুচগ্রঃ স্ফুটিত ইব জলম্পর্শি পুন-
র্ঘর্ষিত্তঃ শোকো বিকলয়তি মাং নূতন ইব ॥

অগস্ত্যাপ্রমে আনন্দিত হইয়া রামকে এই পঞ্চবটী অতি-
ক্রম করিয়া যাইতে হইয়াছিল। পথে

উল্লুকপুটী একোণিকবটাবুংকারবৎকীচক-
শুভাডম্বরমুকমৌলিকুসঃ ক্রৌঞ্চাবতোঃ গিরিঃ ।

প্রচলাকিনাং প্রচলতামুদ্বেজিতাঃ কুঞ্জিষ্ট-
পুরাণরোহিণঃ কুঞ্জকেশু কুঞ্জীনসাঃ ॥

এই ক্রোঞ্চাবত গিরি । এখানে অব্যক্তনাদী কুঞ্জকুটীর-
বাসী পেচককুলের ঘুংকারবৎ বায়ুপ্রবিষ্ট বংশশুচ্ছের শব্দে
ভীত হইয়া কাকেরা নিঃশব্দ, এবং চঞ্চল ময়ূরগণের কেকারবে
ভীত হইয়া সর্পেরা প্রাচীন বটের স্বক্কেদে লুকায়িত ।

অদূরে

এত তে কুহরেণ গঙ্গানদনদনোগোদাবরীবারয়ো .
মেঘালকৃতমৌলিনীলশিখরং কৌণ্ডিতো দক্ষিণাঃ ।
অগ্নোত্তপ্রতিঘাতসঙ্কলচলৎকলোলকোলাহলে-
কৃত্তালান্ত ইমে গভীরপরমঃ পুণ্যাঃ সন্নিঃসন্নমা ॥

এই সকল দক্ষিণ পর্বত । পর্বতের কুহরে গোদাবরীর
বারিরাঙ্কি গঙ্গাদেনিনাদ কবিতোছে ; নীল শিখরদেশ মেঘাল-
কৃত , এবং অগ্নোত্তপ্রতিঘাতসঙ্কল চঞ্চল তরঙ্গকোলাহলে
হৃৎকর্ষ গভীরবারি নদীগণের পুণ্য সঙ্গম দেখা যায় ।

এই পঞ্চবটীপ্রবেশ নামক অঙ্কেব পরেই সেই ছায়াঙ্ক ।
মনোহর ক্ষুদ্র কিক্কন্তকে কলকলভাষিণী তমসা ৩০ মুরলা
আসিয়া মিলিয়াছে—এবং বিরহক্ষীণ “অন্তুর্গৃচঘনব্যথঃ”
রামচন্দ্রের—চতুর্দিকে বধুসহবাসবিশ্রমের স্মৃতিদংশনে—
ধৈর্য্যচ্যুতি আশঙ্কা করিয়া গোদাবরীর নিকটে শীতল
জলকণাসম্পৃক্ত বায়ুহিলোল প্রার্থনা করিতেছে । ভগ্ন-
বতী ভাগীরথীর অঙ্গুগ্রহেসীতা ছায়ারূপিণী—স্পর্শ আছে,

কিন্তু দশনের অতীত ; ঠিক ছায়ার মত নয়, যেন বাতাসের মত—স্পর্শে তেমনি সঞ্জীবনী এবং বাতাসেরই মত নয়নের অতীত । কিন্তু বাতাসের মত কেবলি একটা উন্নত হাহা-কার নহে—যখন নন্দদাহ্রদ হইতে উঠিয়া আসেন, পবিপাণ্ডু-তর্কলকপোলমুন্দর বিলোলকবরী মুখখানি—দেখিয়া মনে হয় যেন করুণার মূর্তি অথবা শব্দীরিণী বিবহব্যথা সমুপস্থিত ।

উত্তরচরিতের তৃতীয় অঙ্কটিই এই করুণাবিগলিত বেদনা দিয়া রচিত । একদিকে পূর্বস্মৃতি সীতাকে বিহ্বল করিয়া তুলিয়াছে—কবে কোন্ করিশাবককে তিনি শল্লকীপত্র খাওয়াইয়া পুত্রনির্কিশেষে পালন করিয়াছিলেন, তাহার বিপদ হইয়াছে শুনিয়া তাডাতাড়ি আর্ষাপুত্রকে আহ্বান করিয়া বসেন এবং পবক্লেণেই দ্বাদশ বৎসরের বাবধান স্বরণ করিয়া একেবারে যেন ধূলিসাৎ হইয়া যান ; অত্রদিকে বামণ সেই পঞ্চবটীব তরু লতা, মৃগ মৃগী, মবর মস্ববী, সর্বত্র সীতার স্নেহ অনুভব করিয়া অত্যন্ত ব্যাকুল হইয়া উঠেন এবং সীতা সীতা করিতে করিতে মোহপ্রাপ্ত হইয়ন ।

তখন সীতার স্পর্শ ভিন্ন কিছুই আব-তাঁহার চেতনা সম্পাদন করিতে পারে না । সেই ছায়াক্রপিনীর সঞ্জীবন-স্পর্শে তাঁহার মুচ্ছা অপনোদিত হইয়া আনন্দে একটা অবশ অলস বিহ্বলতা জন্মে । সেই ছায়াহস্তকে তিনি চাপিয়া ধরেন—করে করস্পর্শে উভয়েরই অঙ্গে অঙ্গে যেন পুলক সঞ্চারিত হইয়া উঠে—কিন্তু ধরিয়া রাখা যায় না, অঙ্গ শিথিল

স্বপ্নে মৃত ছাড়িয়া যায় । যেন সফল হইতে আসিয়া
মৃত্যু হইয়া পড়ে ।

স্বপ্নে মৃত্যু হইলেও জীবন অত্যন্ত দুর্ভাগ্য । একে
সেই পঞ্চবটা বন—এইখানে বসিয়া সীতা, মৃগদম্পতিকে
হৃণভক্ষণ কবাইতেন, ঐ তাঁহার স্বহস্তবোপিত কন্দম্বতরু,
সম্মুখে সেই উল্লাসচঞ্চলা ময়ূরবধু—চতুর্দিক সীতাময়;
তাহাব উপর বাসস্থায় সেই মর্শ্ববেধী বজ্রকঠিন বিক্রপাচরণ।
মহারাজ, অঙ্গের অমৃত, নয়নের কোমুদী, দ্বিতীয় হৃদয়
বলিয়া যাহাকে ভুলাইতে, লোকপবাদ মিথ্যা জানিয়াও
তাহাকে বিসর্জন দিলে কোন্ হৃদয়ে ? প্রেয়সী ত্রুব শুধু
কথার কথা, যশই তোমাদের একমাত্র প্রিয় । বামচন্দ্রের
হৃদয় বিদীর্ণ হইতেছে । কিন্তু তাহাই বা হয় কৈ ?

দলতি হৃদয়ঃ পাতোষণঃ দ্বিধা তু ন ভিদাতে
বহতি বিকলঃ কা য়া মোহন মুকতি চৈতনাম্ ।
অলয়তি তনমস্তদাহঃ কীরোতি ন ভঙ্গসাৎ
প্রহরতি বিধির্মর্শ্বচ্ছেদী ন কৃষ্ণতি স্ত্রীবিতন ॥

এ শুধু অনন্ত দহন, ভঙ্গসাৎ করে না, জালা দেয় মাত্র,
শুধু মর্শ্বচ্ছেদ করিতে থাকে, জীবন শেষ করিয়া দেয় না ।

হা জানকি । হা চণ্ডি । চতুর্দিকেই তোমাকে দেখি-
তেছি—তবু তুমি নির্দয় হইয়া আছ কেন ? হৃদয় কুটিত
হইতেছে, দেহবন্ধ শিথিল হইয়া আসিতেছে, জগৎ শূন্য,
অস্তরে নিরন্তর জাগ্র, মোহ আমাকে আচ্ছন্ন করিতেছে,

আমি অতি মনভাগ্য! বলিতে বলিতে রাম মায়ার
 পৃষ্ঠিলেন। সীতা তাঁহার' লগাট স্পর্শ
 সঞ্চারণ হইল। সেই স্পর্শ অন্তরে বাহিরে অ
 চেতনা কিরিয়। আসিল, কিন্তু আনন্দও যেন
 কবে।

ভবভূতির হৃদয় এই অশরীরী স্পর্শটুকু—এই আনন্দেও
 বেদনা, চৈতন্তেও মোহ, এই আবেগ, আকুলতা, মায়ার, রহস্য।
 বাসন্তী তমসা সীতা রাম পঞ্চবটী সমস্ত নিলিয়া যে একটি
 নিবিড় মায়ারহস্ত বচনা করিয়াছে তাহা শুধু এই বেদনারিদ্ধ
 কবিহৃদয়ের বহিরুচ্ছাস। সৃষ্টি যেমন মায়ার ও বটে, সত্যও
 বটে, ইহাও সেইরূপ। এই ছায়াক্ষ সম্বন্ধে বোধ করি বলা
 খাতে ঠিকো হু মায়ার হু মতিভ্রমো হু।”

এই স্বপ্ন মায়ার মতিভ্রম উত্তরচবিতের মেরুদণ্ড বলিলেও
 অত্যাক্তি হয় না। বাম্বীকি-আশ্রমে কোশল্যা-জনকাদি সমা-
 গনেই কি, লব-চন্দ্রকেতুর সুবর্ণিত সৌভাগ্যপবিপূর্ণ যুদ্ধশ্রেই
 কি, এবং সপ্তম অঙ্কের নাট্যাভিনয়েই বা কি, সর্বত্রই যেন
 একটা কি ধরি-ধরি-ধবা-যায়-না, যেন কাহাকে জানি না অথচ
 জানি, যেন অভিনয় কি সত্য, ভ্রম কি বাস্তব ঠাহরাইয়া উঠা
 কঠিন। সেইজন্য সুখের মধ্যেও বেদনা, জ্ঞানেও সংশয়।
 এরং বধন সেই রসাতুলোদ্ধৃত সিংহাসনে গঙ্গা ও ধরিত্রীর
 মধ্যস্থলে দেবী সীতা আবির্ভূতা হইলেন তখন সকলে নিশ্চল
 স্থিমিত—সত্য না মায়ার। সেই কুশলবের মুখে “হা তাত

হা অথ হা মাতামহ," সেই রামের স্নেহার্জ সহর্ষ আলিঙ্গন,
সেই অরুন্ধতী সীতা গঙ্গা পৃথিবী বান্দীকি কুশ-লব প্রজাপুঞ্জ,
স্নেহ প্রেম ভক্তি বিশ্বয় সুখ দুঃখ মোহ চৈতন্যের অনির্বচনীয়
মহাসঙ্গম—সত্য কি মায়া ।

মুচ্ছকটিক ।

- মুচ্ছকটিক প্রাচীন উজ্জয়িনীর একখানি উজ্জল সমাজ-চিত্র । ইহাতে তপোবন নাই, ঋষ্যাশ্রম নাই, মানবহৃদয়ের চতুর্দিকে বহিঃপ্রকৃতি অত্যন্ত নিবিড় হইয়া আসে নাই, কেবল উজ্জয়িনীর বাজশ্যালক, সার্থবাহ, গণিকাকর্তা, ধর্ম্মাধিকরণ, বিনাসভবন ও বৌদ্ধ বিহার দিয়া তদানীন্তন সমাজের কতকগুলি সুন্দর চিত্র রচিত হইয়াছে এবং একটি প্রণয়কাহিনীসূত্রে এই সমস্ত চিত্রগুলি পরে পরে সুখাশোভনরূপে গ্রথিত হইয়া মধ্যযুগের সংস্কৃত সভ্যতার একটি অখণ্ড আদর্শ গঠিত করিয়া তুলিয়াছে ।

উজ্জয়িনী • তখন ভারতবর্ষের মধ্যে মহা সমৃদ্ধিশালী নগরী । প্রশস্ত রাজপথের দুই পার্শ্বে সুসজ্জিত পণ্যবীথিকা, শ্রেণীবদ্ধ সুরমা হর্ম্ম্যাবলী ও নিত্য উৎসবময় বিনাসভবন ;

নগরপ্রান্তে অহরহ সঙ্গীতধ্বনিত প্রমোদকাননশ্রেণী, পাদ-
মূল ধোত করিয়া চঞ্চলা শিখা কলস্বরে বাঁহিয়া গিয়াছে ।
অদূরে বৌদ্ধ বিহার—পরিব্রাজকেরা সেখানে বসিয়া বৌদ্ধ
নিত্যকর্মের অনুষ্ঠান করেন, এবং নগরীমধ্যে মহাকাল-
মন্দিরে মহা সমারোহে প্রতিদিন ব্রাহ্মণদিগের * শিবপূজা
সম্পন্ন হয় ।

এই চিত্র-উৎসবময়ী উজ্জয়িনীর শ্রেষ্ঠচিত্তরে দ্বিজসার্থবাহ
চারুদত্তের বাস ; এবং গণিকাকণ্ঠা বসন্তসেনা এই নষ্টবিন্দু
সম্ভ্রান্ত পৌরজনের গুণমুগ্ধা প্রেমাকাজিনী । কিন্তু যাহার
রূপ ও যৌবন দুই আছে মকরকেতন তাহার প্রণয়পথ
কখনও নিষ্ফলক করেন না । বসন্তসেনার রূপযৌবন নষ্ট-
চরিত্র ব্রাহ্মণ্যলকের শরীর মন নিবস্তুর মদনানলে দগ্ধ করে ।
কিন্তু বসন্তসেনা গণিকাকণ্ঠা হইলোও গণিকার মত তাঁহার
স্বভাব নহে স্তুরাং শকাবের ঐশ্বর্যপ্রভাব তাঁহার নিকট
সম্পূর্ণ বার্থ । তিনি চারুদত্তের গুণাবলী শুনিয়া অবধি মনে
নবোন্মত্তপ্রতি অমুরাগবতী হইয়াছেন, এবং বে দিন কাম-
দেবতারনোদমনে চারুদত্তের দর্শন লাভ করিলেন, সে দিন
হইতে সেই সৌম্যমূর্তি ভিন্ন তাঁহার অন্তরে আর কিছুই স্থান
পায় নাই ।

কিন্তু নীচবংশ শকারের ইহা সহ হইবে কেন ? সে
ভগিনীপতির অনুগ্রহপরিপুষ্ট হইয়া কেবলমাত্র অষ্টাদশ
বাসন আকুল করিয়াছে ; এবং উজ্জয়িনীতে নিশাচর দুর্জন-

দ্বিগের অগ্রণী বলিয়াই তাহার খ্যাতি । সন্ধ্যার পর তাহার ভয়ে যুবতীজনের একাকিনী পথে বাহির হইবার যো ছিল না । বসন্তসেনাকে একবার সুবিধামত পাইলে শকার কি সহজে ছাড়ে ?

দৈবক্রমে কামদেবায়তন উদ্যান হইতে বসন্তোৎসব দেখিয়া ফিবিতে বসন্তসেনার সে দিন সন্ধ্যা হইয়া গিয়াছিল । তখন শকার সদলবলে পথে বাহির হইয়াছে এবং পথ প্রায় জনশূন্য । সেই নিষ্কুন পথে একাকিনী পাইয়া শকাব, বিট ও চেটের সহিত, বসন্তসেনার অনুগমন করিল । এবং নানাবিধ সম্বোধনে বসন্তসেনাকে দ্রুতগতি হইতে নিরস্ত হইবার জন্য বারবার অনুরোধ করিতে লাগিল । বিট সাধু ভাষায় বসন্তসেনার নৃত্যপ্রয়োগবিশদ চরণযুগলের প্রশংসা করিয়া ও ব্যাধানুসারচকিতা হরিণীব সহিত উপমা খাটাইয়া কথাগুলি একটু সাজাইয়া শুছাইয়া বলে । এবং শকার অত্যন্ত কুৎসিৎ গ্রাম্য ভাষায় আপন দারুণ অন্তর্জালা বাক্ত করিতে থাকে , এবং কখনও “রামভয়ে পলায়মানা দ্রৌপদীর” সহিত, কখনও বা “বাবণের কুস্তীর” সহিত তুলনা করিয়া বসন্তসেনাকে স্বীয় শয্যাসঙ্গিনী করিবার আশ্বাস দেয় । কিন্তু বসন্তসেনার গতিবেগ যখন কিছুতেই মন্দীভূত হইল না, তখন আশ্বাসবচনের পরিবর্তে অজস্র কটুকটকা বর্ষিত হইতে লাগিল এবং শকার একবার তাহার কেশগুচ্ছ ধারণ করিলে ভীমসেন, জমদগ্নিপুত্র, কুস্তীমত প্রভৃতির

বলবীর্য্যও যে ব্যর্থ হইবে বারবার করিয়া এ কথা বসন্তু-
সেনার কর্ণগোচর করা হইল।

কিন্তু ইতিমধ্যে সেই সূচিতেদ্য অন্ধকারে বসন্তুসেনা
অনেকটা পথ অতিক্রম করিয়া একেবারে চারুদত্তের পক্ষ-
দ্বারে আসিয়া উপস্থিত হইলেন। তখন চারুদত্তের জপ-
সমাপ্তি হইয়াছে এবং বয়স্য মৈত্রের পবিচারিকা রদনিকা
সমভিব্যাহাবে মাতৃকাগণের পূজার্থে পক্ষদ্বার উন্মুক্ত করিয়া
বাহিরে আসিতেছেন। ছাব উন্মুক্ত হইতেই বসন্তুসেনা তাড়া-
তাড়ি বদনিকার হস্তস্থিত দীপ নিবাইয়া দিয়া গৃহে প্রবেশ
করিলেন। বাতাসে দীপ নিবিয়া গেল ভাবিয়া মৈত্রের
পুনবার দীপ জ্বালিয়া আনিতে গেলেন। ইতিমধ্যে শকার
আসিয়া বসন্তুসেনারূমে রদনিকার কেশ গুচ্ছ ধারণ করিল।
মৈত্রের প্রদীপ লইয়া আসিতেই শকার রদনিকাকে ছাড়িয়া
দিল। বিট মাল্লনা ভিক্ষাপূর্বক এ ঘটনা বাহাতে চারু
দত্তের কর্ণগোচর না হয় সে জন্ত মৈত্রেকে বিস্তর অনুর
সহকায়ে অনুবোধ করিল। কিন্তু শকারের আশ্রয়
থামিল না। সে শাসাইয়া গেল যে, বসন্তুসেনা আমাদের
অনুর বিনয় অগ্রাহ্য করিয়া এই পুরীমধ্যে প্রবেশ করি-
য়াছে, অতএব সেই গণিকাকন্যাকে প্রত্যাৰ্পণ না করিলে
কপাটতলপ্রবিষ্টে কপিথবৎ মডমডশব্দে চারুদত্তের মস্তক
চূর্ণীকৃত হইবে জানিয়া।

বাহিরে যখন এই কাণ্ড চলিয়াছে, গুহাভ্যন্তরে তখন

• চারুদত্ত বসন্তসেনাকে রদনিকা ভাবিয়া পুত্র বোহসেনকে গহাত্যন্তরে আনিতে আদেশ করিলেন এবং বসন্তসেনার প্রতি স্বীয় জাতীকুম্ভমবাসিত উত্তরীয়খণ্ড নিক্ষেপ করিয়া তদ্বারা বোহসেনের গাত্রাচ্ছাদন করিয়া দিতে বলিলেন । বসন্তসেনা নীবব নিশ্চল । আদেশ পালিত হইল না দেখিয়া চারুদত্ত ক্ষুব্ধমনে বলিলেন, হায় রদনিকে, আজ প্রতিবচন পর্য্যন্ত নাই - পুরুষের অবস্থা বিপর্য্যয়ে মিত্রও শত্রু হইয়া দাডায়, চিরামুরক্ত ও বিবক্ত হয় ।

কথা শেষ হইতে না হইতে রদনিকাকে লইয়া মৈত্রেক প্রবেশ করিলেন । চারুদত্ত দেখিলেন যে, যাহার সঙ্গে উত্তরীয় নিক্ষিপ্ত হইয়াছে সে রদনিকা নহে, কিন্তু যেই হোক, ইহান সঙ্গে উত্তরীয় বড় শোভা পাইয়াছে ।

ছাদিতা শব্দভ্রংশ চক্রান্তপেব দৃশ্যতে ।

মৈত্রেক বসন্তসেনার পরিচয় দিয়া দিলেন । এবং কাম-দেবায়তনের কাহিনী ও ব্যুৎসর্গালকের দুর্ব্যবহারের কথাও প্রকাশ করিয়া বলিতে ক্রটি করিলেন না । চারুদত্ত কেবল বলিলেন “অজ্ঞোহসৌ” এবং উত্তরীয়নিক্ষেপের জন্য বসন্তসেনার নিকট অপরাধ স্বাকারপূর্বক ক্ষমা প্রার্থনা করিলেন । বসন্তসেনাও চারুদত্তের স্মার সম্ভ্রান্ত জনের গৃহে তাঁহার প্রবেশ অত্যন্ত অনুচিত কার্য্য হইয়াছে বলিয়া ক্ষমা চাহিলেন । ইহাই প্রথম সূচনা । তাহার পর রাজপথে বিপদাশঙ্কায় বসন্তসেনা অলঙ্কারগুলি চারুদত্তের নিকট গচ্ছিত

রাখিলেন। এবং পরিশেষে চারুদত্তই তাঁহাকে গৃহে রাখিয়া আসিলেন।

এইখানে মৃচ্ছকটিকের প্রথম অঙ্ক সমাপ্ত হইল। এবং এই যে চারুদত্তের সহিত বসন্তসেনার সংস্পর্শ সূচিত হইল, দশ অঙ্কের মধ্য দিয়া বিবিধ বিপ্লবচক্রে ও বিচিত্র চিত্রে ইহাই ক্রমে বিকশিত হইয়া উঠিয়াছে। রাজা-কবি শূদ্রক গণিকা-কন্তার এই প্রণয়বন্ধনে উজ্জয়িনীৰ সাময়িক সমাজনাট্যের প্রতিষ্ঠা করিয়াছেন। এবং অঙ্কে অঙ্কে এই প্রণয়ঘটনার চতুর্দিকে বিলাসী উজ্জয়িনীর সমগ্র বিলাস অনুলিখিত হইয়াছে।

গণিকা তখন নগরের শোভা-বলিয়া গণ্য হইত এবং দ্যুতভবন তাহার ঐশ্বর্যের পরিচায়ক ছিল। এবং এই দুই বিলাসের অনুগ্রহে উজ্জয়িনীতে চোরেরও অসম্ভাব ছিল না। ব্রজনীতে রাজপথে নগরের রক্ষকেরা যেমন ইতস্ততঃ সঞ্চরণ করিয়া বেড়াইত, গৃহস্থের প্রাচীরের ছিদ্রপথে সেইরূপ বহু-সংখ্যক শূদ্রক চোরেরও গতিবিধি ছিল। এবং বসন্তসেনার অলঙ্কারগুলাসের পর দরিদ্র চারুদত্তের ভবনেও চুরি হইল। চোর বসন্তসেনার অলঙ্কারগুলির একখানিও রাখিয়া গেল না, কেবল প্রাচীরগাত্রে বহুযত্নরচিত একটি দর্শনীয় ছিদ্রপথ রাখিয়া গেল যে, প্রত্যাহে উঠিয়া চারুদত্ত ও প্রতিবেশীবর্গ চোরকে কেবলমাত্র গালি না দিয়া তাহার শিল্পনৈপুণ্যেরও প্রশংসা করিবার অবসর পান।

মূচ্ছকটিক ।

এই ঘটনার চারুদত্তকে অত্যন্ত কাতর দেখিয়া মৈত্রেয়
পরামর্শ দিলেন, সখে, যখন সাক্ষী কেহ নাই তখন এই
কারভাসের কথা অস্বীকার করিলেই চলিবে—তুমি অস্বীকার
ভাবিত হইয়ো না। কিন্তু চারুদত্ত মিথ্যা বলিবার পাত্র নহেন।
তিনি ভিক্ষা করিয়াও বসন্তসেনার গচ্ছিত ধন
করিবেন, তথাপি চরিত্রভ্রংশ কারণ মিথ্যার শরণাপন্ন হনেন
না।—পত্নী ধূতা এই সংবাদ শ্রবণে অচিরে মৈত্রেয়কে ডা
পাঠাইলেন। এবং চারুদত্ত পাছে স্বীয় ধন লইতে কুঠি
হয়েন, রত্নঘণ্টী ব্রত উদ্যাপনচ্ছলে ব্রাহ্মণ মৈত্রেয়কে বহুমাল্য
দান করিয়া স্বামীর সম্মম রক্ষা করিলেন।

চারুদত্তে আদেশে মৈত্রেয়ই বসন্তসেনা সমীপে সেন
বহুমাল্য লইয়া গেলেন। বসন্তসেনার প্রকাণ্ড আটমহল
পুরী। পথের সম্মুখেই গগন স্পর্শ করিয়া, দস্তিদস্তনির্মিত
তোরণ উঠিয়াছে এবং বিচিত্র পতাকাবলী নিরন্ত বায়ুবেশে
সঞ্চালিত হইয়া তোরণস্তম্ভসমূহের শোভা সম্পাদন করিতেছে।
নিম্নে সুনির্মিত প্রস্তববেদিকার উপরে চূতপল্লবরম্য ফাটিক
মঞ্জলকলসসমূহ সুসজ্জিত, এবং দুর্ভেদ্য কনক-কপাট দারি-
দ্র্যকে সেই বিলাসপুরী হইতে নিরন্ত দূরে রক্ষা করে। ভিতরে
প্রবেশ করিয়া বিবিধরত্নপ্রতিভা . কাঞ্চনসোপানশোভিত
স্তম্ভ আসানশ্রেণী দর্শকের নয়ন ঝলসিয়া দেয়। দ্বিতীয়
প্রকোষ্ঠে গো-মহিষ-অশ্বশালা। শত শত পরিচারক দিবা-
রাত্রি এই সকল হৃষ্টপুষ্টাঙ্গ জীবগণের পরিচর্যায় নিযুক্ত।

চিত্র ও কাব্য ।

প্রকোষ্ঠে কুলপুত্রগণের উপবেশন নিখিল বহুবিধ
কোথাও মণিময় গুটিকায়ুক্ত পাশকপীঠ, কোথাও
কোথাও কপীঠোপরি অঙ্কপঠিত পুস্তক অনাবৃত পড়িয়া রহি-
এবং মদনসন্ধিবিগ্রহচতুর্ভুজ গণিকা ও বৃদ্ধ বিটগণ
শিখরবিলিপ্ত চিত্রকলকহস্তে ইত্যন্তঃ সঞ্চরণ করিতেছে ।
চতুর্থ প্রকোষ্ঠে নিত্য স্মৃতিকবতাভিত গম্ভীর মৃদঙ্গধ্বনি,
কপিকৃতমধুর বংশীরব ও কাশ্মিনীগণের নুপুবশিঞ্জনুসহ
ভাষ্যভালে নৃত্য । কোথাও নাট্যপাঠ হইতেছে, কোথাও
গণিকাদাবিকাগণ বিবিধ দেহভঙ্গী বাক্য করিতেছে । এবং
গবাক্ষে স্নানগর্গবাসকল বাতগ্রহণ শীতল হইতেছে । পঞ্চম
প্রকোষ্ঠে হিঙ্গুগন্ধসুবভিত রজনশালা—নেম্বেনে আসিয়া
বিবিধ নাম ও পানসাদিন লোভে মোহবোধ মসনা সিক্ত
হইবা উঠিল এবং নিম্নস্বভাব বৃথা আশান মন চঞ্চল
হইতে লাগিল । যত প্রকোষ্ঠের ভোজন সুবর্ণনির্মিত এবং
গৃহতল নাননগিপরিশোভিত । উজ্জ্বলিত শ্রেষ্ঠ শিল্পীগণ
বৈদূর্য্য মৌক্তিক প্রবালক পুষ্পলাগ উদ্ভূত পদ্মলাগ মরকত
প্রভৃতি রত্নবাশি লইয়া পরীক্ষা ও অলঙ্কারনির্মাণ করিতেছে ।
কোথাও মদিবাপান চলিয়াছে, দাসীগণ কপূর্বসুবাসিত
তাম্বুল বিতরণ করিতেছে এবং হস্তপরিহারের বিরাম নাই ।
সপ্তম প্রকোষ্ঠে পঞ্চাশালা । অত্রোত্তমরত কপোতমিথুন,
সুভাষিনী মদনসারিকা, পবপুট্রা বোকিলা প্রভৃতি নানা
জাতীয় বিহঙ্গকুল এই বিহঙ্গবাটিকায় সুখে নিবধ । অষ্টম

প্রকোষ্ঠে বসন্তসেনার আশ্রয় স্বজনেরা বাসু করে । বসন্ত-
সেনার মাতাকে দেখিয়া মৈত্রেয় চেটীকে জিজ্ঞাসা করিলেন
যে, তৈলচিকণ পদবুগল উপানৎ মধ্যে নিক্ষিপ্ত করিয়া উচ্চা-
সনোপবিষ্টা পুষ্পপ্রাবারকপ্রাবৃত্তা ঐ রমণীটি কে ? চেটী
উত্তর করিল, ইনিই আগাদের আৰ্য্যার জননী । মৈত্রেয়
আৰ্য্যার মাত্ত্বান দৈহিক পবিধি দেখিয়া উপহাসরসিকতার
দোভটুকু সম্বরণ কবিত্তে গাবিলেন না । চেটীকে বলিলেন,
ইহার বেক্রপ আয়তন দেখিত্তেছি, বোধ করি বৃহৎ শিব-
লিঙ্গেন গ্রাম ইহঁকে আগ্র প্রতিষ্ঠিত করিয়া পরে চতুস্পার্শ্বে
এই প্রাচীন ও ছাদসকল নিশ্চিত হইয়াছে । চেটী বলিলেন,
হুকুব, উপহাস কবিবেন না, ইনি চাতুর্থিকে অত্যন্ত কাতর
আছেন । মৈত্রেয় প্রার্থনা কবিলেন, ভগবন্ চাতুর্থিক, তুমি
এই দ্বিভ্র ব্রাহ্মণসন্তানের প্রতি একবার কৃপা কব ।

এইকপে মুগ্ধ মৈত্রেয়ের মুগ্ধ দিয়া মৃচ্ছকটিককার বসন্ত-
সেনার পুণী বর্ণনা কবিয়াছেন । এবং প্রকোষ্ঠ হইতে
প্রকোষ্ঠান্তরে গাইতে বিলাসের এক একটি উজ্জ্বল চিত্র
অঙ্কিত হইয়াছে । সংস্কৃত নাটককাবেরা এইরূপ আনুপূর্বিক
চিত্রশ্রুত বর্ণনা কবিত্তে বেন কিছু ভালবাসেন । কালিদাসের
শকুন্তলাও প্রথম হইতে শেষ পর্যন্ত কেবলি চিত্রাঙ্কিত—এমন
কি, ছোটখাট উপমাগুলিও এক একটি সুন্দর চিত্রে উদ্ভা-
সিত । মৃচ্ছকটিকও নিরীক্ষণ কবিয়া দেখিলে এইরূপ একটি
চিত্রপবম্পরা বলিয়াই প্রতিভাত হয় । তবে কালিদাসের

নাটকের মত ইহাতে কেবলি সৌন্দর্য্য ও মাধুর্য্যের সমাবেশ নহে। বাস্তব জগতের দুই চারিটা নাতিশূন্যর দৃশ্য দৃশ্যও ইহাতে আছে। কালিদাস বসন্তসেনার আশ্রয়ে প্রবেশ করিলে তদীয় স্থলাঙ্গী জননীটিকে মৈত্রেয়কে সমক্ষে কিছুতেই বাহির করিতেন না। একেবারে নৃত্যগীত মদিরা উৎসব ও রূপসীগণের অর্ধ-অনার্যত চাক্র ঘোবনের মধ্য দিয়া মৈত্রেয়কে বসন্তসেনার বৃক্ষবাটিকায় লইয়া যাইতেন— যেখানে যুবতীগণের সনুপূর পাদত্যাগে অশোকতরু মুকুলিত হইয়া উঠে এবং সেই অশোখশাখা হইতে বিলম্বিত দোলায় বসিয়া মৃদু সাক্ষাৎবনে দূব মৃদঙ্গধ্বনির তালে তালে বসন্তসেনা ঘোবনের আনন্দমলনমুখ অনুভব করেন।

অষ্টম প্রকোষ্ঠের পব এই বৃক্ষবাটিকা। চেটা মৈত্রেয়কে বরাবর সেইখানে লইয়া গেল। বসন্তসেনা সেইখানেই ছিলেন। পরম্পরের কুশলজিজ্ঞাসাদি সমাপনান্তে মৈত্রেয় বলিলেন যে, চাক্রদত্ত দাতক্রীড়ায় আপনার গচ্ছিত অলঙ্কারগুলি হানাইয়া তৎপরিবর্তে এই রত্নমালা প্রেবণ করিয়াছেন। বসন্তসেনা অলঙ্কারগুলির সন্ধান পূর্বেই পাইয়াছিলেন। তাঁহারই পবিচারিকা মদনিকার প্রণয়ী শর্কিলক নামক এক ব্রাহ্মণসন্তান প্রণয়িনীকে নিষ্ক্রয়দানে দাসীত্ব হইতে মুক্ত করিতে এই কার্য্য করিয়াছে। এবং এই ঘটনা প্রকাশ হইবার পর মদনিকাকে তিনি শর্কিলকের হস্তে সমর্পণ করিয়াছেন। কিন্তু মৈত্রেয়কে সে কথা না বলিয়া,

ব্রহ্মমালা গ্রহণপূর্বক, শ্রদোবে চাকদত্তেন সহিত সাক্ষাৎ
কবিত্তে দাইবেন বলিয়া বিদায় করিলেন ।

মৈত্রেয় গিয়া চাকদত্তকে সমস্ত বলিলেন । এবং ঝড়নৃষ্টি-
বিভ্রাত্তেব মধ্য দিয়া যথাসময়ে ছাতা নাথায় দিয়া বসন্তসেনা
আসিয়া উপস্থিত হইলেন । সংসৃত্ত কবিত্ত নিকট বর্ষাবর্ণনা
কখনও যাঁক যায় না—নিশেষতঃ যখন এমন একটি প্রণয়-
কাহিনীর সুবিধা আছে । মুচ্ছকটিককার নানা ছন্দে এই
শ্রেষ ঝঙ্কা অশনি বর্ণনা করিয়াছেন এবং গুরুগুরু বর্ষাবর্ণনার
একদিকে সোৎকণ্ঠ চাকদত্ত ও অত্রদিকে অভিসারিকা
বসন্তসেনার মনে প্রকৃত্তিকে প্রেমাত্ত কবিত্তা তুলিয়াছেন ।
এবং বিদ্যাৎ যখন অস্ববকে ঘন ঘন আলিঙ্গন করিত্তে লাগিল,
কবি আন থাকিত্তে পাবিলেন না—চাকদত্ত ও বসন্তসেনাকে
স্বরস্পবেন গাত্ত আলিঙ্গনে আবদ্ধ করিয়া অঙ্ক শেষ করিলেন ।

বসন্তসেনা চক্ৰিনমবিরত্থান, শতত্বলা স্বদত্তু ।

অস্ববিধত্বলভরা যত্বঃ প্রিয়য়া পবিষত্তুঃ ॥

কিন্তু রাত্রি প্রভাত হইল । চাকদত্ত ভূত্যা বর্দ্ধমানককে
শকট ঠিক করিয়া বসন্তসেনাকে পুষ্পকরৎক উদ্যানে লইয়া
বাইতে বলিয়া গিয়াছেন । বসন্তসেনা গাত্তোথান করিয়া
পুত্যা দেবীর সংবাদ লইলেন —

বস । অবি সন্তুর্ধদি চাকুচত্বমস পরিঅগো ।

চেটী ! সন্তুগ্নিন্‌সতি ।

বস। কণা ?

চৌ। উল্লঙ্ঘন গমিস্বনানি।

বস। ততো হএ গচ্চন, সস্তুপ্তিবান্।*

তদনন্তর তিনি আর্ষ্যা ধৃত্য নিকট এই বলিয়া সেই বহুবলী পাঠাইয়া দিলেন যে, আমি চারুদত্তের গুণনির্জিতা দাসী, আপনাবও দাসী, অতএব এই বহুবলী যোগ্য কণ্ঠে নাশ হউক।

এতা বলিয়া পাঠাইলেন—তাহাও কি হব ? আর্ষ্যপুত্র প্রসন্ন মনে তাহা আপনাকে দান করিয়াছেন তাহা আমি হইব কেন ? আর্ষ্যপুত্রই আমার একমাত্র আভরণ।

এমন সময় বদনিকা রোহসেনাকে লইয়া প্রবেশ করিল। রোহসেনে নৃশংকটিকার পরিবর্তে সুবর্ণশকটিকা লইয়া খেলা করিতে চাহ। দাসী তাহাকে বুঝাইতেছে যে, তোমার পিতার আবার ধন হউক, সর্কণি হইবে। বসন্তসেনা চারুদত্তের পুত্রকে বাল প্রসারণপূর্বক ক্রোড়ে লইলেন। এবং বালক সুবর্ণশকটিকার উচ্চ বাদিতেছে শুনিয়া স্বীয় অনঙ্কাবে গুলি খুলিয়া দিলেন—ইহাব দাবা তুমি সুবর্ণশকটিকা প্রস্তুত করাইয়া লইয়ো।

* বস। চারুদত্তের পরিধান কি নৃশংকটিকা হইতেছেন ?

চৌ। সস্তুপ্ত হইবেন।

বস। বধন ?

চৌ। যখন আর্ষ্যা চলিয়া যাইবেন।

বস। তবে আনাকেই এখন সস্তুপ্ত হইতে হইবে।

শত্রুক বসন্তসেনাকে বরাববই নারীহৃদয়েব এই স্বাভা-
বিক সৌকুমার্যে বিভূষিত কনিয়াছেন । এ মেহ গণিকা-
সুলভ নহে—নারীহৃদয়েব অতি গভীর তল হইতে ইহা উৎ-
সারিত । রোহসেনকে দেখিয়াই চাক্রদত্তগতপ্রাণাব হ্রদবে
মাতৃস্তনে ক্ষীরসঞ্চাবেব জ্বায় এই অনির্কচনীষ বাৎসল্য
সঞ্চাবিত হইয়াছে । প্রিয়জনেব পরিজনবর্গকে ও প্রেম এননি
আপনাব করিয়া তোলে ।

কিন্তু শকট সুসজ্জিত । আর বিলম্ব কবা চলেনা ।
বর্দ্ধমানক চেটীকে দিয়া সংবাদ পাঠাইল যে, বসন্তসেনাব
জ্ঞপ্ত পক্ষদ্বারে কর্ণীবথ অপেক্ষা কনিতভে । বসন্তসেনা আব
একটু অপেক্ষা করিতে বলিলেন—তখনও তাঁহাব প্রনাথন-
ক্রিয়া সম্পন্ন হয় নাই । বর্দ্ধমানক বানেব আচ্ছাদন ফেলিয়া
আসিয়াছিল, তাডাতাড়ি তাহা ঠিক করিয়া আনিতে গেল ।
ইতিনধ্যে বসন্তসেনা আসিয়া শকটে উঠিয়া বসিলেন । কিন্তু
দৈবক্রমে সে শকট চাক্রদত্তেব নহে, তাহা রাজশালক
সংস্থানকের ।

চাক্রদত্তেব শকটও শূন্য গেল না । তাহাতে আর্ধ্যক নামে
এক রাজবিদ্রোহী গোপপুত্র উঠিয়া বসিয়াছেন । সে সননে
বাজাকে রাজ্যচ্যুত কবিবাব জ্ঞপ্ত উজ্জয়িনীতে এক চক্রান্ত
চলিয়াছিল । লোকমুখে একটা ভয়ন্যদ্বাণী রটনা হইয়াছিল
যে, উজ্জয়িনীরাজ পালককে সিংহাসনচ্যুত করিয়া তৎপদে
আর্ধ্যক নামে এক গোপপুত্র অভিযুক্ত হইবেন । এই

ভবিষ্যাবাগী রটনার ফলে অসম্ভব প্রজাবর্গের অনেকেই গোপনে আৰ্য্যকের দলভুক্ত হইয়াছিল। শকট যখন পুষ্প-করগুকে আসিয়া পহুছিল, চারুদত্ত বসন্তসেনাকে নামাইয়া লইতে আসিয়া যাহা দেখিলেন তাহাতে বিস্মিত হইলেন।

করিকরসমবাহঃ সিংহপীনোরতাংসঃ

পুষ্পতরসমবক্ষাস্ত্রালোনারতাকঃ ।

কথনিদমনন° প্রাপ্ত এব° বিধো যো

বহতি নিগড়যেকঃ পাদলগ্নঃ মহাত্মা ॥ *

ত্রিভাঙ্গা করিলেন, “ততঃ কো ভবান্ ?”—আৰ্য্যক স্বীয় পরিচয় দিলেন। চারুদত্ত বলিলেন,

বিধিনৈবোপনীতস্ত্বং চক্ষুর্বিষয়নাগতঃ ।

অপি প্রাণানহঃ জহ্যাং নতু স্বাং শরণাগতম্ । †

এবং তাঁহার নিগড় অপনীত কবাইয়া দিয়া তাঁহাকে সেই শকটেই বাজপুরুষদিগের দৃষ্টির বাহিরে নিরাপদ স্থানে পৌছাইয়া দিলেন।

এদিকে বসন্তসেনা পড়িলেন শকারের হাতে। সে প্রথমে প্রবহণমধ্যে উঁকি মারিয়াই স্থিব করিল, গাড়ীতে

* করিকরসমবাহ, সিংহপীনোরতাংস, বিশালস্ক, ত্র্যম্বজোনারত-চক্ষু, এই সকল মহাপুরুষলক্ষণাক্রান্ত হইয়াও ইনি পাদলগ্ন নিগড় বহন করিতেছেন কেন ?

† আপনি দৈবকর্তৃকই এখানে উপনীত হইয়া আমার চক্ষুগোচর হইলেন। প্রাণও যদি ত্যাগ করিতে হয়, শরণাগত আপনাকে ত্যাগ করিতে পারিব না।

চড়িয়া নিশ্চয় কোন রাক্ষসী আসিয়াছে । বিট গিয়া দেখিল,
বসন্তসেনা । বসন্তসেনা বিটের শরণাপন্ন হইলেন । বিট
তাঁহার কথা প্রকাশ করিল না । বরঞ্চ যাহাতে শকার প্রবহণ
ছাড়িয়া পলায়ন করে তৎপক্ষে চেষ্টা করিল । কিন্তু রাজ-
শালক গাড়ী ছাড়িয়া পদব্রজে যাইতে রাজি হয় না । তখন
অগত্যা বসন্তসেনার কথা প্রকাশ হইল । শকার একেবারে
তাঁহার চরণে পড়িয়া আরম্ভ করিল,

এশে পড়িমি চলণেও বিশালণেহে

হর্ষাঙ্গলিং দশণহে তব শুদ্ধদস্তি ।

জঃ তঃ মএ অবকিরং মদণাতুলেণ

তঃ পশ্চিমাণি বলগন্তি তব ক্ষি দৃশে ॥ *

কিন্তু বসন্তসেনা আহতা ফণিনীর ন্যায় গর্জিয়া উঠি-
লেন । তখন শকার ক্রুদ্ধ হইয়া বিটকে বলিল, এই স্ত্রী-
লোকটাকে মারিয়া ফেল । বিট সম্মত হইল না । বলিল
যে, নগরের শোভা কুলকামিনীসদৃশী প্রণয়বতী এই তরুণী
নিরপরাধাকে হত্যা করিয়া পরলোকনদী উত্তীর্ণ হইব
কিভাবে ?

শকার উত্তর করিল, আমি ভেলার ব্যবস্থা করিব ।
এখানে হত্যা করিলে কে দেখিবে ?

* হে বিশালনেহে, তোমার চরণে পতিত হইতেছি, হে দশনধে,
শুদ্ধদস্তি, তোমার নিকট হস্তাঙ্গলি করিতেছি । মদনাতুর আমা কর্তৃক
তুমি যে অপকৃত হইয়াছিলে তাহা ক্ষমা করিয়াছ—হে বরগাত্রি, আমি
তোমার দাস ।

বিট বলিল, দেখিবে অনেকে,

গশ্যস্তি মাং দশদিশো বনদেবতাশ্চ
চন্দ্রশ্চ দীপ্তকিরণশ্চ দিবাকরোহরম্ ।
ধর্ম্মানিলো চ গগনঞ্চ তথাস্তুরাশ্বা
ভূমিস্তথা স্বকৃতহৃৎসাকিত্বতা ॥ †

শকার বলিল, তবে বজ্রের দ্বারা আবৃত করিয়া হত্যা কর—কেহ দেখিতে পাইবে না।

বিট আর থাকিতে পারিল না—“মূর্থ অপধ্বস্তোহসি” বলিয়া গালি দিয়া বসিল।

তখন শকার চেটকে এই হত্যাকাণ্ড সম্পাদনার্থে আদেশ করিল। সেও প্রভুবাক্য পালন করিতে 'অসম্মত হইল।

শকার বলিল, তবে আমি স্বহস্তেই ইহাকে বিনাশ করি।

বিট তাহাতে বাধা দিল। বলিল, ধবরদার, আমাদের সম্মুখে স্ত্রীহত্যা করিয়া তুমি কখনও নিষ্কৃতি পাইবে না।

বিপদ দেখিয়া শকার পুনরায় মদনশরাহতের ন্যায় বসন্তসেনাকে “বাসু বাসু” সঙ্কোচন করিতে লাগিল। বিট ও চেট এই ভাব দেখিয়া প্রস্থান করিল। এবং তখন শকাব নির্ভয়ে বসন্তসেনার গলা টিপিয়া ধরিল। চাক্রদত্তের নাম গ্রহণ করিতে করিতে তিনি মুচ্ছিত হইয়া পড়িলেন। মৃত্যু ভাবিয়া শকার তাঁহাকে কেলিয়া পলায়ন করিল। এবং

† আত্মকে দেখিতেছেন, দশদিক্, বনদেবতাসকল, চন্দ্র, দিবাকর, ধর্ম্ম, অনিল, গগন, অস্তুরাশ্বা এবং স্বকৃতহৃৎসাকিত্বতা ভূমি।

ধর্ম্মাধিকরণে গিয়া চারুদত্তের নামে এই হত্যাভিযোগ উপস্থিত করিল ।

নির্দিষ্ট সময়ে শ্রেষ্ঠিকায়স্থসহ অধিকরণিক বিচার করিতে বসিলেন । অনেক সাক্ষ্যপ্রমাণাদি গৃহীত হইল । বসন্তসেনার মাতা আসিয়াও রাজশ্যালকের কথার অনুকূলে সাক্ষ্য দিল । বিস্তর বিচারবিতর্কের পর অধিকরণিক চারুদত্তকেই অপরাধী সাব্যস্ত করিলেন । এবং তাঁহার প্রাণদণ্ডের আদেশ বাহির হইল ।

এদিকে বসন্তসেনাকে মৃতপ্রায় অবস্থায় পতিত দেখিয়া একজন বৌদ্ধ ভিক্ষু নিকটস্থ বিহারে লইয়া গিয়া তাঁহার শুশ্রূষা করিতে লাগিলেন ।—বৌদ্ধধর্ম্ম উজ্জয়িনীতে তখনও প্রবল ছিল বলিয়া বোধ হয় । এবং তদানীন্তন নাটকাদিতে শিবের নামে নান্দী থাকিলেও বৌদ্ধদিগের প্রতি বিশেষ একটু সহানুভূতি দৃষ্ট হয় ।—আমাদের ভিক্ষু বসন্তসেনাকে দেখিয়াই চিনিয়াছেন—ইনিও বুকেরই একজন শরণাগত । ভিক্ষুটিও বসন্তসেনার পরিচিত—নাম সংবাহক । বসন্তসেনা এক সময়ে ইহাকে স্বীয় বলয় বিক্রয় করিয়া দ্যুতাদ্যক্ষের ঋণ হইতে মুক্ত করিয়াছিলেন । এখন এই ভিক্ষুর সেবা-শুশ্রূষায় তিনি মৃত্যুমুখ হইতে উদ্ধৃত হইলেন ।

এইরূপে কখনও পারিবারিক শান্তির চিত্র, কখনও গণিকালয়, কখনও দ্যুতশালা, কখনও সন্ধিচ্ছেদ, কখনও ধর্ম্মাধিকরণ, কখনও বৌদ্ধ বিহার, কখনও ভ্রমণক, কখনও

বা রাজশ্যালক, নানা চিত্রের মধ্য দিয়া বৃচ্ছকটিকের আখ্যায়িকা অগ্রসর হইয়াছে। সকল চিত্রগুলি চিত্ররূপে পরিস্ফুট করিয়া দেখান আমাদের এ স্বল্প স্থানে অসম্ভব। তৃতীয় অঙ্কে সামান্ত চৌর্য্যঘটনা লইয়াই বৃচ্ছকটিককার কতগুলি চিত্র দিয়াছেন! দ্বিতীয় অঙ্কে সংবাহক ও মাথুরেব দ্যুতদৃশ্যে দ্যুতশালার কত চিত্র আছে! এমন প্রতি অঙ্কে উজ্জয়িনীসমাজের ছোট বড় চিত্র কি যে না বর্ণিত হইয়াছে বলা কঠিন। এবং এই সমস্ত ঘটনা ও চরিত্রচিত্রাবলী দশম অঙ্কে বধ্যভূমিতে গিয়া সম্মিলিত হইয়াছে। সেখানে চণ্ডালেরা চাক্রদত্তকে শূলে দিবার উপক্রম করিতেছে, এমন সময় সহস্রা কোথা হইতে জীবিতা বসন্তসেনা আসিয়া তাঁহাব প্রাণদও রহিত করিলেন। ছন্দুভিরবে চতুর্দিকে পুরাতন রাজার সিংহাসনচ্যুতি ঘোষিত হইল। আর্য্যক সিংহাসনে অবিক্রত হইলেন। শকার চাক্রদত্তের পারে লুটাইয়া পড়িল। চাক্রদত্তের অনুরোধে তাহাকে ছাড়িয়া দেওয়া হইল। রাজাদেশে বসন্তসেনা চাক্রদত্তের ধর্মপত্নীরূপে গৃহীত হইলেন। ধৃতাদেবী তাঁহাকে সাদরে ডাকিয়া লইলেন। সংবাহক সর্ববিহারের কর্তৃক লাভ করিলেন। এবং সর্বত্র শান্তি সুপ্রতিষ্ঠিত হইল।—এই বধ্যভূমিতে সমস্ত উজ্জয়িনীসমাগমে বৃচ্ছকটিকের উপযুক্ত উপসংহার।

জয়দেব ।

সকল জিনিষেরই এমন এক একটি কেন্দ্রস্থল আছে যেখান হইতে না দেখিলে তাহাকে কিছুতেই সম্পূর্ণরূপে ও সমগ্রভাবে দেখা হয় না । এবং তাহার ভিন্ন ভিন্ন একদেশ মাত্র দেখিয়া বিভিন্ন ব্যক্তির মনে তৎসম্বন্ধে নানাবিধ ধারণা জন্মিয়া থাকে ।

শ্রীমদ্ভাগবতের একটি উদাহরণে এই তত্ত্বটি অতি সুন্দররূপে ব্যক্ত হইয়াছে । "কতকগুলি অন্ধ স্পর্শদ্বারা একবার হস্তীর আকার নির্ণয় করিয়াছিল । যে অন্ধ হস্তীর পাদস্পর্শ করিল, সে হস্তীকে স্তম্ভাকার বলিয়া বর্ণনা করিল । যে শুণ্ড স্পর্শ করিল, সে বলিল, না, এ ত স্তম্ভ নহয়, এ যে সর্পাকার দেখিতেছি । যে ব্যক্তি দৈবক্রমে হস্তীর কর্ণ স্পর্শ করিয়াছিল, সে উভয়কেই মিথ্যাবাদী ঠাহরাইয়া হস্তীকে কুলার মত বলিয়া বুঝাইতে চেষ্টা করিল । এইরূপে হস্তীর আকার লইয়া অন্ধে অন্ধে যখন তুমুল কলহ বাধিয়াছে, এক চক্ষুমান্ ব্রাহ্মণ আসিয়া বুঝাইয়া দিলেন যে, বাপুসকল, তোমরা কেহই মিথ্যা বল নাই, কিন্তু হস্তীর এক এক অঙ্গমাত্র স্পর্শ করিয়া তাহাকে তদনুরূপ বর্ণনা করিয়াছ । তোমাদের সকলের বর্ণনা মিলাইয়া লইলে একটি সমগ্র হস্তীব বর্ণনা করা হয় ।

হস্তী সম্বন্ধে ব্রাহ্মণ যে কথা বলিয়াছিলেন, প্রেম সম্বন্ধেও সে কথা খাটে । প্রেমের স্বরূপ সমগ্রভাবে না দেখিয়া

অনেকে খণ্ড খণ্ড করিয়া দেখেন। সেই ভ্রম কেহ বা বলেন, শারীরিক সম্বোগেই প্রেমের পর্য্যবসান। কেহ বলেন, ইহা সম্পূর্ণ মানসিক ব্যাপার এবং যোগীজনসুলভ ধ্যানমাত্রাবলম্বী। কেহ বলেন, ইহা ইন্দ্রিয়জ প্রবৃত্তিমাত্র। কেহ বলেন, ইহা এক অতীন্দ্রিয় মনোজ ভাব। কিন্তু যে কেন্দ্রভূমি হইতে দৃষ্টিপাত করিলে এই শবীর মন, সম্বোগ এবং প্রীতি, আলিঙ্গন এবং ধ্যান একটি সমগ্র সত্তার অবিচ্ছেদ্য অঙ্গরূপে প্রতিভাত হয়, সে কেন্দ্রভূমিতে এই সকল ভিন্ন-মতাবলম্বী বিরোধীগণের কেহই উপনীত হইবেন নাই।

সেখান হইতে যেরূপ প্রতিভাত হয়, একজন ইংরাজ কবি—শ্রীমতী এলিজাবেথ ব্যারেট ব্রাউনিং—“Inclusions” নামক একটি ক্ষুদ্র কবিতায় তাহা অতি সুন্দররূপে ব্যক্ত করিয়াছেন।

“Oh, wilt thou have my hand, Dear,

to lie along in thine ?

As a little stone in a running stream,

it seems to lie and pine.

Now drop the poor pale hand, Dear,

unfit to plight with thine.

Oh, wilt thou have my cheek, Dear,

drawn closer to thine own ?

My cheek is white, my cheek is worn,
by many a tear run down.

Now leave a little space, Dear,
lest it should wet thine own.

Oh, must thou have my soul, Dear,
commingled with thy soul ?

Red grows the cheek, and warm the hand,
the part is in the whole.

Nor hands nor cheeks keep separate,
when soul is joined to soul." *

* হে প্রিয়তম, আমার এই হাতখানি কি তোমার ঐ হাতের উপরে ফেলিয়া রাখিতে চাও ? এই দেখ, শ্রোতের মধ্যে একটি ক্ষুদ্র উপলখণ্ডের মত আমার এই করতল মুহূমানভাবে পড়িয়া আছে, এই ক্ষীণ পাণ্ডুর্ণ হস্ত তুমি পরিত্যাগ কর প্রিয়তম, এ তোমার সহিত সম্মিলিত হইবার যোগ্য নহে ।

হে প্রিয়তম, আমার এই কপোল কি তোমার কপোলের নিকটে আকর্ষণ করিতে চাও ? দেখ, আমার বিবর্ণ কপোল অশ্রুজলধারার কীর্তমান—মধ্যে বাবধান রাখিয়া দাও প্রিয়তম, নহিলে, অশ্রুজলে তোমার কপোলও সিক্ত করিয়া দিবে ।

হে প্রিয়তম, আমার এই হৃদয় কি তোমার হৃদয়ের সহিত এক করিতে চাও ? আমার বিবর্ণ কপোল রক্তিম হইয়া উঠিল, আমার অসাড় হস্তে জীবনের উত্তাপ সঞ্চারিত হইল । সমগ্রের মধ্যেই অংশ আছে ; করতলের সহিত করতল, এবং কপোলের সহিত কপোল বিচ্ছিন্ন থাকিতে পারে না, যখন হৃদয়ের সহিত হৃদয় সংযুক্ত হয় ।

যখন হৃদয়ে হৃদয়ে মিলন হয়, তখন শরীর দুবে পড়িয়া
 য়হে না ; তখন স্বতই বাহ বাহর নিকটে আকৃষ্ট হয়, কপোল
 কপোলে আসিয়া সংলগ্ন হইতে চাহে। দেহ মন আত্মা
 একত্র হইয়া জমাটু বাঁধিয়া গিয়াছে। ভাঙ্গিয়া ভাঙ্গিয়া
 বিচ্ছিন্ন করিয়া প্রত্যেককে স্বতন্ত্রভাবে সম্বোগ করিতে
 গেলে প্রেমকে সম্পূর্ণ পাওয়া যায় না। প্রেমের মাধ্য এই
 সকলই অত্যন্ত অবিচ্ছেদ্য ভাবে একীকৃত হইয়াছে।

এখন, যে কবি তাঁহার কাব্যে প্রেমকে তাহার এই
 স্বাভাবিক অথও মহিমায় বেরূপ কুটাইয়া তুলিতে পাবেন
 সেই অনুসারে তাঁহার কাব্যের গৌরব। যিনি প্রেমকে
 কেবলমাত্র শাবীরিক শৃঙ্গারসম্বোগে অভিব্যক্ত করেন,
 তাহার সহিত অন্তরের কোনপ্রকার সম্বন্ধ রাখেন না, তাঁহার
 যত্ন নাই—তিনি এমন একটি সীমাবদ্ধ ব্যাপারের মধ্যে
 তাঁহার কাব্যকে স্থাপন করেন যেখানে অক্লান্ত আনন্দ
 সম্বোগের স্থান নাই, যেখানে মানবহৃদয়ের ভূমি অতি
 শীঘ্রই নিঃশেষ হইয়া যায়। যে কবি শরীরের উপরে প্রেমের
 প্রতিষ্ঠা না করিয়া তাহাকে অন্তরে প্রতিষ্ঠিত করেন, তাঁহা-
 রই কাব্যে সম্বোগের প্রসর অনন্ত বিস্তৃত। কান টানিলে
 বেরূপ মাথা আসিয়া পড়ে, অন্তরের প্রেম সেইরূপ মনের
 সহিত সমস্ত শরীরকেও টানিয়া আনে, এবং সেই সঙ্গে শরীর
 মনের অতীত এক অপরিমিত আনন্দলোকের অপরূপ
 সৌন্দর্য্যভ্যুত্তি দীপ্যমান হইয়া উঠে। কিন্তু বাহারা

শরীরকে হেয়জ্ঞানপূর্বক পূর্ব হইতেই মনকে দেহ হইতে বিচ্ছিন্ন করিয়া লইয়া প্রেমকে ধ্যানমাত্রে অতিবাস্তব কবিত্তে চাহেন, তাঁহাদের সে প্রেম আকারবিহীন নিফল । কারণ, প্রেমের ধর্মই এই যে, সে প্রিয়জনকে দর্শন করিতে চাহে, স্পর্শ করিতে চাহে, তাহার কাছাকাছি থাকিতে পারিলে সুখানুভব করে । বাস্তবিক, ভাবিয়া দেখিতে গেলে, শরীর-মাত্রগত সন্তোগ ও দর্শনস্পর্শনাকাজ্ঞাহীন অতিনৃশ্ন ধ্যান-মাত্রগত সন্তোগ—মৃতদেহ ও প্রেতাত্মা—উভয়ই স্বতন্ত্রভাবে মনুষ্যকে সম্পূর্ণ পরিতৃপ্ত করিতে অক্ষম । জীবন্ত মানবই—আত্মাধিষ্ঠিত দেহই—মানবের শবীর মন আত্মাকে সমগ্রভাবে আকর্ষণ করিয়া মনুষ্যকে সফল করিতে পারে ।

এই সর্বাঙ্গীন পরিপূর্ণ প্রেমের বিস্তৃতি ও প্রগাঢ়তানুসারেই আমরা প্রেমসাহিত্যে গীতগোবিন্দের স্থান নির্দেশ করিতে চেষ্টা করিব । এইটুকু দেখিলেই হইবে যে, গীতগোবিন্দে অঙ্গে অঙ্গে যে মদনতরঙ্গ উঠিয়াছে তাহার পরিতৃপ্তি কোথায় ।

অঙ্গের সঙ্গ আছে বলিয়া পাঠকেরা বিচলিত হইবেন না । মনের সহিত এই দেহও দেবতারই দান । এবং প্রেমের পুণ্য হোমায়িত্তে মন ও বাক্যের সহিত শরীরও চিরদিন আহুতি প্রদত্ত হইয়া আসিয়াছে । কিন্তু ইহনে যেমন হোমায়ি সংরক্ষিত হইলেও সেই অগ্নিশিখা দেবতার উদ্দেশে উখিত হয় বলিয়াই তাহার গৌরব, প্রেমায়িও সেইরূপ অঙ্গে

অঙ্গে প্রজ্বলিত হইয়া উঠিয়া যে অন্তরতম গভীরতম পুণ্য আকাঙ্ক্ষার দিকে নির্দেশ করে তাহাতেই তাহার এত মাহাত্ম্য ।

দৃষ্টান্তস্বরূপ এখানে বিদ্যাপতির কবিতার উল্লেখ করা যাইতে পারে । বিদ্যাপতির কবিতা নব্য রুচি অনুসারে সর্বত্র যে খুব স্নীল তাহা বলা যায় না । এবং তাঁহার কাব্যে শরীরের প্রতি শরীরের আকর্ষণ যথেষ্ট সৃষ্টিত হইয়াছে । কিন্তু তথাপি সাহিত্যক্ষেত্রে বিদ্যাপতির কবিতার স্থান বহু উচ্চে । কারণ এই যে, তাঁহার কবিতায় শরীর শরীরের সহিত মিলিত হইয়া সেই প্রেমকেই চরিতার্থ করিবার প্রয়াস পাইয়াছে, যে প্রেম যতই প্রগাঢ় হয় ততই অপরিতুষ্ট এবং ততই তাহার সন্তোগানন্দ ।

সখিরে, কি পুছসি অনুত্তব মোর ।

সোই পিরীতি অনুরাগ বাধানিতে

তিলে তিলে নুতন হোর ।

জনম অর্বাধি হম রূপ নেহারনু

নয়ন না তিরপিত ভেল ।

সোই মধু বোল অবগাহি শুননু

ক্রতিপথে পরশ না গেল ।

কত মধু-যানিনী রন্তসে গোয়ায়নু,

না বুঝনু কৈছন কেল ।

লাখ লাখ যুগ হিরে হিরে রাখনু

ওবু হিরে জুড়ন না গেল ।

যত যত রসিক জন রস অনুগমন,
 অনুভব কহে, না পেখে,
 বিদ্যাপতি কহে গ্রাম জুড়াইতে
 লাখে না মিলল একে ।

এখানে কেবলমাত্র প্রেমের শীতল ইকন সংগৃহীত হয়
 নাই, কিন্তু সেই দীপ্ত অগ্নিশিখা বহু উর্ধ্বে উঠিয়া চতুর্দিকে
 আলোক বিকীর্ণ করিতেছে। শুদ্ধ শরীরমাত্র সম্ভোগ হইলে
 অনুরাগ তিলে তিলে এমন নূতন হইয়া উঠিত না, প্রতি
 মুহূর্ত্তে যান ও জীর্ণ হইয়া পড়িত। রূপ দেখিতে দেখিতে
 নয়ন তৃপ্ত হইয়া আসিত, কথা শুনিতে শুনিতে শ্রবণ অসাড়
 হইয়া পড়িত, হৃদয় হৃদয়েব উপবে ভার বোধ হইত, এবং
 কেলি ক্লাস্তিতে পরিণত হইতে বিলম্ব হইত না। শান্তি
 শরীরের ধর্ম্ম। কিন্তু অন্তরের প্রেম এ ক্ষণিক সম্ভোগমাত্র
 নহে। অন্তরও রূপ দেখে, কিন্তু দেখিতে দেখিতে অবসন্ন
 হইয়া পড়ে না। লক্ষ লক্ষ যুগ ধরিয়া প্রিয়জনকে হৃদয়ে
 রাখিয়াও তাহার পরিতৃপ্তি নাই। সে প্রগাঢ় প্রেম কেলি-
 কলামাত্রে চবিতার্থ হয় না; সে যতই পায় ততই চায় এবং
 প্রিয়জনকে প্রাণপণে যতই বক্ষে চাপিয়া ধরে কিছুতেই
 মনের মত করিয়া পায় না।

জয়দেবে এই চির-অতৃপ্ত প্রগাঢ়তা কোথাও চোখে পড়ে
 না। গীতগোবিন্দ পাঠান্তে মনে হয়, শ্রায়শাস্ত্রবর্ণিত অন্ধের
 স্তায় প্রেমের বিপুল বহল বহিরঙ্গই জয়দেব হাত বুলাইয়া

গিয়াছেন ; তিনি ধণ্ড ধণ্ড সন্তোগে প্রেমকে বিক্ষিপ্তভাবে দেখিয়াছেন ও দেখাইয়াছেন, অন্তরের অসীমতার দ্বারে ধূলি-স্তূপ উচ্চ করিয়া দ্বাররোধ করিয়াছেন, সে ধূলি পুষ্পরেণুর স্তায় সুগন্ধ হইতে পারে, স্বর্ণরেণুর স্তায় সুন্দর হইতে পারে, তথাপি তাহা উচ্চতর সৌন্দর্য্যরাজ্যের পথে বাধাস্বরূপ ।

এই সহজপরিভূত সঙ্কীর্ণ সন্তোগবিলাস কতকগুলি চিত্র-প্রচলিত শবীরসঙ্কীর উপমাসম্বন্ধ হইয়া এক মেরুদণ্ডবিহীন বলিত গলিত ছন্দের উপর ভর করিয়া নিতান্ত পিচ্ছিল কোমল পদাবলীর উপর দিয়া স্থলিত ও লুপ্তিত হইয়া গিয়াছে।

ছন্দও যেমন পিচ্ছিল, জয়দেবের সুন্দরীগণের যৌবন-সম্বন্ধ অঙ্গসমূহ তদপেক্ষা অধিক পিচ্ছিল, এবং এই সুদীর্ঘ শৃঙ্খারকলুষ বর্ণনার পাঠকের মনে সে সৌন্দর্য্যও সামান্যমাত্রও বস না। শ্লোকেব পর শ্লোক ধানাবাহিক সমতাবাপন্ন শৃঙ্খার-প্রতিধ্বনি মাত্র। সর্গের পর সর্গ—হর, সখীমুখে, নর, রাধামুখে, নর, কুম্বমুখে—সেই একই কথা। কখনও সখী অন্তরাল হইতে রাধিকাকে দেখাইয়া দেয় যে, সহস্র গোপবালাগণের নিবিড় আলিঙ্গনভরে কুম্বের বক্ষস্থল কিরূপ নিপীড়িত হইতেছে ; কখনও বা রাধা সখীর নিকট আত্ম-মনোরথ ব্যক্ত করিতে করিতে অনঙ্গবিলাসের প্রত্যেক অঙ্গ বর্ণনা করিয়া যান। পরের সর্গে শ্রীকুম্ব রাধার প্রত্যেক অঙ্গভঙ্গী অবলম্বনে অনঙ্গকে অঙ্গবদ্ধ করিয়া তুলেন। আবার সখী আসে, সখী যায়—এবং প্রত্যেকেই বারবার সেই একই

চুখন কটাক্ষ পঞ্চশর ও তদানুষ্ণিক যাবতীয় পীবর বিলাস বর্ণনা করে । এবং এইরূপে প্রভাতকালে খণ্ডিতা রাধিকার হৃদয়ে মানের আবির্ভাব ও সখীজনমুখে পল্লবশয্যাগত কন্দর্প-বিলাসের সুধশ্রবণে সন্ধ্যাকালে রাধার সম্পূর্ণ ভাবাস্তরের মধ্য দিয়া অনঙ্গবিলাস বর্ণনার পর বর্ণনার অগ্রসর হইতে থাকে । এবং এই শ্লোকশ্রেণীর মধ্য দিয়া কিয়দূর অগ্রসর হইতে না হইতে পাঠকের মনে শ্রান্তি ও তদানুষ্ণিক বিরক্তি আসিয়া উপস্থিত হয় ।

এই বিরক্তি উদ্ভেকের একটা প্রধান কারণ এই যে, জয়দেবের কবিতা ক্রমাগত কর্ণে ইন্দ্রিয়তৃপ্তিজনক শব্দ বর্ষণ করিয়া যার 'কিছু কল্পনাপটে কোন চিত্র অঙ্কিত করে না। ইন্দ্রিয়ের উপভোগশক্তি সীমাবদ্ধ, সে অতি অল্পেই পরিশ্রান্ত হইয়া পড়ে । বিশেষতঃ জয়দেবের দীর্ঘ ছন্দের মধ্যে কাঠিন্যলেশ না থাকাতে বৈচিত্র্য অভাবে চিত্তকে শীঘ্রই অসাড় করিয়া ফেলে । চিত্রের দ্বারাও মন আকৃষ্ট হয় না, শব্দবৈচিত্র্যেও কর্ণ জাগ্রত হয় না, অনুপ্রাসসকুল অবিরলতরল বাক্যবিন্যাসে মানসরমনার রসবোধ ক্রমশ যেন নিশ্চেষ্ট হইয়া আসে ।

গীতগোবিন্দের গীত-অংশে চিত্র নাই, কেবল ধ্বনি আছে । ধ্বনির দ্বারা চিত্র এবং ভাবের উদয় করা বিত্ত্বক সঙ্গীতের কার্য । কবিতার ছন্দোবন্ধের মধ্যে যেটুকু ধ্বনি থাকিতে পারে সঙ্গীতের তুলনার তাহা অসম্পূর্ণ—এই

কারণে কবিতায় ছন্দের ঝঙ্কার ব্যতীতও ভাবপ্রকাশের অল্প উপায় অবলম্বন করা আবশ্যিক হয়।

কিন্তু গীতগোবিন্দের গানগুলিতে ঝঙ্কার বাদ দিলে আর কিছুই অবশিষ্ট থাকে না। বর্ণনাগুলি নিতান্ত সাধারণ ভাবে। একজন অন্ধও সেরূপ বর্ণনা কেবল জনশ্রুতি অবলম্বনে লিখিতে পারেন। তাহাতে কবির সূক্ষ্ম পর্যবেক্ষণ এবং স্বাভাবিক প্রতিবিম্বগ্রাহিতা নাই। বসন্তবর্ণনার “ললিত-লবঙ্গলতাপরিশীলনকোমলমলরসনীবে” কেবল লকার-লম্বিত ধ্বনির লহনীলীলা মাত্র, তাহা কোন নির্দিষ্ট চিত্র নহে।

কবিতায় চিত্র কাহাকে বলে তাহা জয়দেব তাঁহার গীতগোবিন্দের সূচনাশ্লোকের প্রথম দুই ছন্দে প্রকাশ করিয়াছেন —

মেঘমেঘুরনধরং বনভূমি শ্যামাস্তমালক্রমে-
নক্রং—————।

নিম্নে বনভূমি তমালক্রমে শ্যাম, এবং উর্দে আকাশ মেঘে মেঘুর, এবং সমষ রাত্রি। অন্ধকারের উপর অন্ধকার—তাহার উপর সুগভীর শব্দের এবং মেঘমল্ল ছন্দের ঘনঘটা। একমাত্র “নক্রং” শব্দ, তাহার ক্রিয়া নাই বিশেষণ নাই আনুশঙ্গিক পদ নাই, কেবল একটি কথামাত্র একটি অর্থও তাহা সী রাত্রি দেদীপ্যমান হইয়া উঠিয়াছে।

কিন্তু এইখানে বলা আবশ্যিক গীতগোবিন্দ প্রকৃতই গীতা তাহা সুরসংযোগে গের। একদিন তাহা বাঙ্গলভার গীত

হইয়াছিল । সে রাগিণী অদ্য আমাদের নিকট মৌন—
সুতরাং আমাদের নিকট গীতগোবিন্দ অসম্পূর্ণভাবে প্রকাশ
পাইতেছে ।

এ কথা স্বীকার করিতে হইবে, গীতে যেরূপ বাকা-
বিত্যাস হওয়া উচিত গীতগোবিন্দ তাহার আদর্শস্থল । সঙ্গীতে
আমাদেব মনে যেরূপ ভাবের উদ্রেক করে তাহা চিত্রের
শ্রায় সুনির্দিষ্ট নহে । তাহা একপ্রকার অব্যক্ত অথচ সুশীত্র ,
অধিশিখার শ্রায় তাহার উত্তাপ এবং আলোক এবং স্পন্দন
আছে, কিন্তু তাহার আকার আয়তনের কাঠিগ্র এবং নির্দিষ্ট
সীমারেখা নাই—তাহাকে প্রবলভাবে অনুভব করিতে পারি
অথচ মূষ্টির মধ্যে গ্রহণ করিতে পারি না ।

এই জন্ত গানের কথা অত্যন্ত সরল এবং সাধারণ ভাবের
হওয়া উচিত । নতুবা কথা সুরের অনুগামী না হইয়া
স্বপ্রধান হইয়া উঠে । কথা যদি ভাবকে কোন বিশেষরূপে
সীমাবদ্ধ করিয়া দেয় তবে সঙ্গীত সেই বন্ধনে পীড়িত হইতে
থাকে ।

গীতগোবিন্দেব ভাষা সর্বাংশেই সঙ্গীতের সহায়তা
করিয়াছে, কোথাও প্রতিকূলতা করে নাই । অনুপ্রাসে এবং
কথার লালিত্যে সঙ্গীতের বন্ধার বর্ধিত করিয়া তোলে এবং
ভাবের বিরলতা ও সরলতায় রাগরাগিণী অব্যাহতভাবে
ক্ষুষ্টি পাইতে পারে ।

সঙ্গীতে চিত্রবৈচিত্র্য এবং কল্পনাকৌশলের স্থান নাই,

কেবল সাধারণভাবে একটি স্থায়ী রস অবলম্বন করা আবশ্যিক। জয়দেব শৃঙ্গার রস আশ্রয় করিয়াছেন—এবং এই রসকেই স্বরোচ্ছ্বাসে উচ্ছ্বসিত করিয়া তুলিয়াছেন।

এই শৃঙ্গারসম্ভোগই গীতগোবিন্দের দেহ অথবা প্রাণ ঘাটা বল। এবং সমালোচকেরা ইহাতেই জয়দেবের গৌরব প্রতিষ্ঠা করেন। কারণ, ইহা জীবাত্মা ও পরমাত্মার অনির্বাচনীয় আধ্যাত্মিক মিলনেরই শরীরী রূপক। এবং জয়দেব নিজেই বলিয়াছেন যে, যদি হরিস্মরণে মন সরস হয় তবে জয়দেব-সরস্বতী শ্রবণ কর।

সুতরাং শারীরিক সম্ভোগেরই বর্ণনা বলিয়া গীতগোবিন্দকে নিকৃষ্ট শ্রেণীর কাব্য বলা যায় না। কবি যদি সেই ঈশ্বরের ভাবে তন্ময় হইয়া সাধারণ সম্ভোগের ভাষা ব্যবহার করিয়া থাকেন, তাহাতে এমনই কি দোষ হইয়াছে? হাকেম ত বারবার মদিরাপানের কথা বলিয়াছেন এবং মর্ত্য বিয়হের ভাষাতেই প্রিয়জনের জন্য বিলাপ করিয়াছেন। তাঁহাকে ত কেহ সে জন্য অপরাধী করে না।

বাস্তবিক, ভাবুকের অন্তরে এমন একটি স্থান আছে যেখানে আসিয়া মনুষ্যের সহিত দেবের মিলন সংঘটিত হয়। এবং সেই সঙ্গমক্ষেত্রের ভাষা মানবকবির রচনার কতকটা এই মর্ত্য প্রেম ও সম্ভোগের ভাষারই অনুরূপ হইয়া থাকে। কিন্তু তাহাতে কোনরূপ কলঙ্ক স্পর্শ করে না—কেবল হৃদয়ের একটি নিবিড় প্রগাঢ়তা ব্যক্ত হয়, যে তন্ময়ী

প্রগাঢ়তা এই মর্ত্যধামে দাম্পতির শরীর মনের ব্যবধান ঘুচাইয়া দেয় এবং হৃদয় হৃদয়ের ও সর্বাঙ্গ সর্বাঙ্গের আলিঙ্গনপাশে বদ্ধ করে ।

কেবলি যে, দাম্পত্য প্রেমেই জীবাত্মা ও পরমাত্মার সম্বন্ধ ব্যক্ত হয় এমনও নহে । সকল প্রেমই ঐহিক হইতে নিঃসৃত সেই প্রেমস্বরূপকে প্রেমের যে কোন ভাবে উপলব্ধি কর তিনি তাহাতেই প্রকাশমান । রামপ্রসাদ ঈশ্বরকে মাতৃ-ভাবে দেখিয়া তাঁহার সহিত পুত্রের ন্যায় আচরণ করিয়াছেন । তাঁহার সঙ্গীতে এই মাতাপুত্রতাব মর্ত্য মাতাপুত্রেরই ভাবে ব্যক্ত হইয়াছে । বৈষ্ণব ধর্ম ঈশ্বরকে নানা ভাবে দেখিয়াছে । এবং বৈষ্ণব সঙ্গীতে মানব ভাবই প্রগাঢ় হইয়া সেই সেই ভাব ব্যক্ত করিয়াছে । এই যে রাধাকৃষ্ণের রূপক ইহা ত সেই বৈষ্ণব ধর্মেরই অঙ্গ । বৈষ্ণব জয়দেব গোস্বামী যদি ইহা লইয়া কাব্য রচনা করেন, তাহাতে ঈশ্বর-তন্ময়তার পরিবর্তে শরীরতন্ময়তাই প্রকাশ পাইবে কেন ?

কারণ এই যে, জয়দেব ঈশ্বরে তন্ময় হইয়া গীতগোবিন্দ রচনা করেন নাই । হরিকে স্মরণ করাইয়া দেওয়া হয়ত তাঁহার লক্ষ্য ছিল কিন্তু বিলাসকলার কুতূহল উদ্বেক করিয়া দেওয়া তদপেক্ষা গৌণ উদ্দেশ্য ছিল না । আধ্যাত্মিক সমালোচকেরা স্বপক্ষে যে শ্লোকের কিয়দংশমাত্র উদ্ধৃত করিয়া থাকেন, সেই শ্লোকটি সম্পূর্ণ উদ্ধৃত করিয়া দিলেই পাঠকেরা ইহার প্রমাণ পাইবেন ।

যদি হরিশ্চরণে ময়সং মনো যদি বিলাসকলায় কুতুহলং ।

মধুরকোমলকান্দুপদাবলীং শৃণু তদা জয়দেবসরস্বতীং ।

সুতরাং জয়দেব যে, হরিশ্চরণ এবং বিলাসকলা উভয় দিকেই দৃষ্টি রাখিয়াছিলেন, তাহাতে সন্দেহ নাই। কিন্তু দুর্ভাগ্যক্রমে দুর্বল মানবহৃদয় এরূপ সঙ্কটস্থলে হরিশ্চরণ অপেক্ষা বিলাসকলায় দিকেই সাধারণতঃ কিছু আকৃষ্ট হইয়া পড়ে। এবং গীতগোবিন্দের কবিও এই মানবস্বভাবমূলত দুর্বলতা অতিক্রম করিতে পারেন নাই বলিয়া আশঙ্কা হয়।

তিনি রাধাকৃষ্ণের সঙ্গে সেই যে কুঞ্জপ্রবেশ করিয়াছেন তদবধি এই বিলাসকলাই রচনা করিতেছেন। এবং তাঁহার কাব্যে আদিরসের সমস্ত বাহ্য উপকরণই সংগৃহীত হইয়াছে, কেবল কবির যে আত্মবিস্মৃতিটুকু থাকিলে এই সমস্ত বিলাসকলাও সরল ভাবে নিষ্কলঙ্ক হইয়া উঠিত তাহাই নাই।

এই অতি সচেতন বিনাসিতাই জয়দেবের শ্রীহানি করিয়াছে। শৃঙ্গাররসও নহে, সম্ভোগবর্ণনাও নহে, মদনতরঙ্গও নহে, মানবদেহও নহে।—প্রাচীন সংস্কৃত গ্রন্থে নব্য রুচির বিরুদ্ধ ভাষায় এমন অনেক কথা স্পষ্ট করিয়াই উল্লেখ আছে। দৃষ্টান্তস্বরূপ ঋগ্বেদের পুরুষবা ও উর্ধ্বশী উপাখ্যানের উল্লেখ করা যাইতে পারে। * ঋগ্বেদের এই নগ্ন বর্ণনায় অশ্লীলতা রুচি অরুচি শরীর মন এসমস্ত অতি সূক্ষ্ম ভেদাভেদ লুপ্ত হইয়া গিয়া হৃদয়ের সহজ স্বাভাবিক উচ্ছ্বাসে এমন একটি দীপ্তি

* ৮ অষ্টক, ৫ অধ্যায়, ১০ মণ্ডল ৯৫ সূক্ত।

প্রকাশিত হইয়াছে বাহাতে সমস্ত পাপ, সমস্ত অবিভক্তি নিমেষে ভস্মীভূত হইয়া যায় ।

অরদেবে এই সহজ স্বাভাবিকতাটুকু নাই । সম্ভোগবর্ণনা তাঁহার হৃদয় হইতে সহজ আবেগতরে বাধা বিঘ্ন ঠেলিয়া ফেলিয়া উচ্ছ্বসিত হইয়া উঠে নাই, বিলাস উদ্বেক মনসে ইঙ্গিতে ইসারায় নানা ছলে তিনি সমস্ত বর্ণনার মধ্যে অনেকখানি গরল সঞ্চারিত করিয়া দিয়াছেন । এই নাগরিকতা, এই ঠারই সর্বাপেক্ষা অঘণ্ট ।

নহিলে, মানবের শরীরও হের নহে, উলঙ্গতাও অপবিত্র নহে । উলঙ্গ যোগীকে দেখিয়া কেহ ত সঙ্কোচ অনুভব করে না । বরঞ্চ সেই নগ্ন দেহই পুণ্যদর্শন বলিয়া গণ্য হয় । উলঙ্গ শিশু কাহারও চক্ষে অপবিত্র নহে । এবং বন্য মানবের উলঙ্গতাও অশোভন বলিয়া গণ্য হয় না । কারণ আর কিছুই নহে, ইহার মধ্যে কোনরূপ ঠার নাই, ইঙ্গিত ইসারা নাই, নাগরিকতা নাই ।

গ্রীসীয় নগ্ন প্রস্তরমূর্ত্তি দেখিয়া কেহ ত অশ্লীল বলে না । প্রকৃতির অন্তর হইতে সেই নগ্ন গঠন যেন স্বভাবতই অভিব্যক্ত হইয়াছে । তাহার আবরণ নিশ্চয়মোজন । আবরণের কথা সেখানে মনেই আসে না ।

কিন্তু এই গ্রীসীয় প্রস্তরমূর্ত্তির পার্শ্বে ফরাসী চিত্রশালার একখানি নগ্নদেহ চিত্র স্থাপিত কর, সে অকুণ্ঠিত সঙ্গম নাই, সে দীপ্ত গৌরব নাই । ফরাসী চিত্রকর ঐ নারীমূর্ত্তির সর্বাদ

হইতে বসন খলিত করিয়া দিয়া পারে হয়ত জুতা রাখিয়া ছেন, কিম্বা এমন করিয়া এমন কিছু রাখিয়াছেন যাহাতে এই বর্তমান শতাব্দীর বসনভূষণের একটি ভাব মনে করাইয়া দেয় এবং এই বিবসনতার মধ্যে একটা সচেতন উদ্দেশ্য নির্দেশ করে।

বৈদিক পুরুষ ও উর্ধ্বশী চিত্রের পার্শ্বে জয়দেবের সন্তোগচিত্রাবলী এইরূপ। এবং হরিশ্চর ত দূরের কথা, মনুষ্যত্বেরও বিকাশ এখানে অত্যন্ত সঙ্কচিত। এই গীত-গোবিন্দে গীত থাকিতে পারে, কিন্তু গোবিন্দ আছেন কি না আমাদের সম্পূর্ণ সন্দেহ আছে।

পশুপ্রীতি।

প্রাচীন সংস্কৃত কাব্যগ্রন্থে প্রকৃতির প্রতি অমুরাগের লবিত সমস্ত জীবজগতের প্রতি একটি প্রগাঢ় সহানুভূতি দেখা যায়। গোযুথ, চক্রবাক্মিখুন, কলহংস এবং যুগশাবক সংস্কৃত সাহিত্যরাজ্যের একটি সুস্থ সামাজিকতার মধ্যে কেমন সুন্দর স্থান অধিকার করিয়া আছে—মানুষের সুখ-সুখ এবং দৈনন্দিন ঘটনার মধ্যে তাহারা কেমন সহজে অব্যাহে বিচরণ করিয়া বেড়ায়, তাহারা আমাদের যেন পর মছে, ঘরের লোকের মত।

পাশ্চাত্য সাহিত্যে পশুজাতির প্রতি মমতা ব্যক্ত হয় নাই একথা বলিলে নিতান্তই অত্যাক্তি হইয়া পড়ে। সুবিধকে সম্বোধন করিয়া কবি বার্নসের যে 'করণার্জ বাৎসল্যপূর্ণ কবিতাটি আছে তাহার তুলনা অন্ত দেশের কোন কবিতার পাওয়া যায় কি না সন্দেহ। সংস্কৃত সাহিত্যে তা দেখা যায় না।

কিন্তু আমার বিবেচনার না থাকিবার একটি কারণ আছে। কবি বার্নসের যে কবিজন-সুলভ মমত্ব, তাহা যেন চতুর্দিকের নির্দয়তার নিপীড়নে কিছু সচেতন বেগে উৎসারিত হইয়া উঠিয়াছে। তিনি জানেন এই অসহায় জীবকে কেহ দয়ার চক্ষে দেখে না, তিনি জানেন অকারণে খেলা-চ্ছলে পশুহত্যা মানুষের আঘাতের একটা অঙ্গ হইয়া গেছে, সেট'জন্ত চতুর্দিক হইতে বাধা এবং ব্যথা প্রাপ্ত হইয়া তাহার দয়া এমন প্রবলভাবে স্নেহসঙ্গীতে পরিষ্কৃত হইয়া উঠিয়াছে।

সংস্কৃত সাহিত্যে কবিহৃদয়ের দয়া চতুর্দিকের সমাজ কর্তৃক সেই বেদনা প্রাপ্ত হয় নাই, এই জন্ত তাহা উচ্ছ্বসিত গীতে পরিণত হইতে পারে নাই, তাহা কেবল একটি আত্ম-বিস্মৃত অচেতন স্নেহে সর্বত্র পরিব্যাপ্ত হইয়া আছে। প্রকৃতি, পশু এবং মানব একটি সহজ প্রেমে যেন এক গার্হস্থ্যের অঙ্গ হইয়া বিরাজ করিতেছে।

প্রাচীন ভারতবর্ষে যে মৃগয়া ছিল না তাহা নহে, কিন্তু ক্রীড়ার্থে পশুহনন কেবল রাজাদের মধ্যে বদ্ধ ছিল—সাধারণ

হিন্দুপ্রকৃতির সহিত উক্ত কাব্যের যেন একটা অসামঞ্জস্য ছিল। সেই অল্প যুগয়ার—অল্প দেশের কবি যেখানে অশ্বের হেয়ারবে ও কুরুরগণের উল্লাসকোলাহলে উৎসাহিত হইয়া শোণিতাকুলেবর পলায়মান পশুর পশ্চাতে অয়োম্মাসে ধাবমান হইলেন—সংস্কৃত কবির করুণ হৃদয় সেই প্রাণভয়ে পলায়মান আর্তের দুঃখে বিগলিত হইয়া আসে এবং তাঁহার শিকারদৃষ্ট উল্লাসের পরিবর্তে করুণাই উদ্বেক করে।

কাদম্বরীর প্রারম্ভেই ইহার একটি সুন্দর দৃষ্টান্ত আছে। শুকমুখে বাণভট্ট যেখানে ব্যাধগণের অত্যাচার উপদ্রবের বর্ণনা করিয়াছেন, সেখানে তাঁহার এই সহৃদয়তা, পশুজগতের প্রতি—অহিংসা মাত্র নহে—আন্তরিক নিবিড় অনুরাগ, বর্ণনার পর বর্ণনার প্রতি ছোটখাট ঘটনার উল্লেখে কেমন প্রগাঢ় হইয়া ফুটিয়াছে।

সেই ষমদূতসদৃশ বিকটমূর্তি জ্বালোহিতচক্ষু নিষ্ঠুর শবর-সেনা, নরকের ঘরপালসদৃশ ভীষণ সেনাপতি, প্রাণভয়ে পলায়মান সিংহ মাতঙ্গ কুরুরগণের গর্জন ও চীৎকারে আলোড়িত বনরাজি, অরুছবরের নৃশংস শঙ্কীবব্যাপার ও নিরীহ পক্ষীকুলের অস্তরে দারুণ ভীতিসঞ্চার, প্রতি বর্ণনার বাণভট্টের অস্তর হইতে বাণবিদ্ধ হরিণের স্তায়, পালবদ্ধ পক্ষীশাবকের স্তায় একটি করুণ আর্তনাদ বাহির হইয়াছে, যে করুণ শব্দে ব্যাধগণের সমস্ত উল্লাসকোলাহল ডুবিয়া গিয়াছে।

কাদম্বরীর গ্রন্থকার যে অধিক হা হতাশ করিয়াছেন তাহা নহে, এবং যুগযুগান্ত্রে উপস্থিত হইয়া অহিংসার মাহাত্ম্য সহজে দীর্ঘ নীতি-উপদেশও প্রদান করেন নাই, কিন্তু অত্যন্ত সহজভাবে সমস্ত বর্ণনার একটি গভীর সহানুভূতি সঞ্চারিত করিয়া দিয়াছেন । বৃদ্ধ শবরের পক্ষীবধ, বর্ণনার কিয়দংশ উদ্ধৃত করিলে বোধ করি ক্ষতি নাই ।

কিমিব হি ছন্দরমকরণানাং বতঃ স তমনেকতালভুঙ্গমত্রকবশাখা-
শিধরমপি সোপানৈরিবাগভূনৈব পাদপমধিরহু তানহুপজাতোংপতন-
শত্ৰীন, কাংশ্চিদমদিবসজাতান্ গর্ভচ্ছবিপাটলান্ শাল্মলিকুম্বশকা-
মুগ্ধনরতঃ, কাংশ্চিদ্বৃষ্টিদ্যমানপক্ষতয়া নলিনসংবর্তিকামুকারণঃ
কাংশ্চিদকৌপলসদৃশান্, কাংশ্চিরোহিতায়মানচকুকোতীন্ ঈবধিষটিত-
দলপুটপাটলমুখানাং কনলমুকুলানাং শিরমুহুতঃ, কাংশ্চিদনবরতশিরঃ-
কম্পব্যাধেন নিবাররত ইব, অতীকারানমর্খান্, এককলঃ কলানীব
তস্য বনস্পতেঃ শাখাসন্ধিত্যঃ কোটরাস্তুরেভ্যশ্চ শুকশাবকানগ্রহীৎ”
অপগতাস্তং কুহা কিতাবপাতদৎ ।

এই পক্ষীশাবকগুলির বর্ণনাই কি সক্রম ! কেহ এখনও উড়িতে শিখে নাই, কেহ অতি অল্পদিন হইল জন্মিয়াছে সেই অল্প গর্ভচ্ছবিপাটলবর্ণ—যেন শাল্মলী কুম্বগুলির মত, কাহারও অল্প অল্প নূতন ডানা যেন পয়েক নবদলের মত উঠিয়াছে, কাহারও লোহিতায়মান ক্ষুদ্র চঞ্চু যেন পদ্মকলির একটুখানি খোলা মুখটুকুর মত, কেহ বা অবিরত শিরঃকম্প দ্বারা এই নিষ্ঠুরকে যেন তাহার অকরণ কার্যে নিবারণ করিতে চাহিতেছে । এই সমস্ত প্রতীকারে অসমর্থ বিহগ-

শিশুগুলিকে যেন এক একটি ফলের মত বনস্পতির শাখা-
সন্ধি হইতে কোটরাভ্যন্তর হইতে বাহির করিয়া নিষ্ঠুর
শবর যখন গ্রীবা মোটনপূর্বক ক্ষিত্তিতে নিক্ষেপ করিতে
লাগিল, কবির হৃদয়ে তখন কি শেলই বিঁধিতেছিল !

সেই জীর্ণ শাল্মলী-তরুকোটরে বহু-যুগ ধরিয়া বহু পক্ষী-
বংশ নির্ঝিল্লি বাস করিয়া আসিতেছে। প্রভাত হইলে
তাহারা দিকে দিকে আহারাশেষে বহির্গত হয় এবং আহারা-
নস্তর প্রত্যাগত হইয়া কুলায়াবস্থিত শাবকদিগকে চঞ্চু-
পুটের দ্বারা শালিধান্তমঞ্জরী খাওয়াইয়া দেয় এবং শাবককে
কোড়াতে নিহিত করিয়া সেইখানেই দীর্ঘ নিশা যাপন
করে।

একটি জীর্ণ কোটরে একটি বৃদ্ধ শুকদম্পতি বাস করিত।
বৃদ্ধবয়সে তাহাদের একটি সন্তান হয়। প্রবল প্রসব-
বেদনার অভিজুত হইয়া সন্তান ভূমিষ্ঠ হইবার পরেই
তাহার জননী প্রাণত্যাগ করিল। বৃদ্ধ পত্নীবিয়োগে অতি-
মাত্র কাতর হইলেও স্মৃতস্মৈহবশতঃ শাবকের লালনপালন
ও তৎসম্বন্ধনে যত্ববান হইয়া একাকী কায়ক্লেশে দুর্লভ জীবন-
ভার বহন করিতে লাগিল। বয়সের আধিক্যহেতু ও
বহুদিনের 'অনভ্যাসবশতঃ' তাহার আর উড়িবার শক্তি ছিল
না। . নব শৈফালিকাকুম্বমবৃন্তের দ্বার পিঞ্জরবর্ণ চঞ্চুপুট দ্বারা
পরনীড়নিপতিত শালিধান্তমঞ্জরী হইতে তুলকণা গ্রহণ করিয়া
ও তরুমূলনিপতিত শুককুলাবদলিত ফলশকল সংগ্রহ করিয়া

শাবককে আহার করাইত এবং শাবকের ভুক্তাবশিষ্ট নিজে আহার করিত ।

সে দিন প্রভাতে যুগ্মাকোলাহলে জাগিয়া উঠিয়া শব-
রকে তরু অভিমুখে আসিতে দেখিয়া কুৎসের সর্বশরীর ভরে
দ্বিগুণতর কম্পিত হইতে লাগিল, তালু শুক হইয়া আসিল,
এবং অশ্রুপরিপ্লুত ভয়বিহ্বল দৃষ্টিতে চারিদিকে চাহিয়া
কিংকর্তব্যবিমূঢ় সন্তানস্নেহপরবশ বৃদ্ধ, শাবককে পক্ষপুটে
আচ্ছাদিত করিয়া প্রাণপণে বক্ষতলে চাপিয়া রহিল । শবর
যখন তাহার কুলারসমীপে আসিয়া কোটরের মধ্যে স্বীর
বিবিধবনবরাহবসাবিশ্রগন্ধী অনবরত কোদগুণাকর্ষণহেতু
ত্রণাক্তিকপ্রকোষ্ঠ যমদগুসদৃশ বাম বাহু প্রবেশ করাইয়া দিল,
বৃদ্ধ চক্ষুঘারা তাহাকে যথাশক্তি আঘাত করিল, কিন্তু সে
বাহুপাশ ছাড়াইতে পারিল না । শবর তাহাকে বাহির করিয়া
বধ করিল এবং বক্ষতলে শিশুসহ বৃদ্ধ শুক ভূমিতলে নিক্ষিপ্ত
হইল ।

এই শিশু শুক কালক্রমে বয়ঃপ্রাপ্ত হইয়া রাজসম্মিধানে
আপন পিতার অবস্থা এইরূপ বর্ণনা করিয়াছে .—

তাতস্ত তং মহাস্তমকাণ্ডএব প্রাণহরমপ্রতীকারমুপপ্লবমুপবতমব-
লোক্য দ্বিগুণতরোপজাতবেগধুঃ, মরণভয়ান্নদ্রাস্ততরলতারকাঃ বিবাদ-
শূন্যামশ্রমলমুতাং দৃশমিতস্ততো দিকু বিক্ষিপন্, উচ্ছ্বতালুরাক্ষপ্রতী-
কারাক্ষমঃ, জাসস্তসক্লিশিখিলেন পক্ষপুটেনাচ্ছাদ্য মাং তৎকামোচিত-
অতীকারং মন্যমানঃ, স্নেহপরবশো বদ্যকাকুদঃ কিংকর্তব্যভাবিহুঃ

ক্রোড়তামেন যামবষ্টভ্য উহ্যে। অসাবপি পীপঃ ক্রমেণ শাধান্তরৈঃ
সঞ্চরমাণঃ কোটরদ্বারমাংগতা, জীর্ণাসিতভুজঙ্গভোগভীষণং এসার্বা বিবিধ-
বনবরাহবসুকিঞ্জরকিরতল মনবরতকৌদওগুণাকর্ষণত্রণাঙ্কিতপ্রকোষ্ঠমস্ত-
কদওানুকানিকি বামবাহনতিনূশংসোমুহমু হর্দন্তচকুপ্রহারমুংকুজন্তং তমা-
। কব্য ভাস্তয়পগতানুমকরোৎ।

এই দৃশ্যে কবির সহানুভূতি কোন্‌খানে তাহা আর
ব্যাখ্যা করিয়া বুঝাইবার আবশ্যক করে না। বৃদ্ধ গুণ
তাহার পত্নীবিয়োগের পর যে কত কষ্ট এবং কত স্বার্থত্যাগ
স্বীকারপূর্বক আপন শাবকটিকে প্রাণপণে পালন করিয়া
আসিয়াছে এবং সেই অনেক দুঃখের পালিত সন্তানটিকে
রক্ষা করিবার জন্ত যে কি যত্নগা সহ্য করিয়া মরিল—এই
বর্ণনাতেই কবির্দয় সম্যক্ ব্যক্ত হইয়াছে। পক্ষীকুলের
অস্তরের মধ্যে তিনি কেমন প্রবেশ করিয়াছেন! কেমন
সহৃদয়তার সহিত, সুন্দররূপে তিনি দেখাইয়াছেন যে, আমা-
দের সন্তান আমাদের নিকট যেমন প্রাণাধিক প্রিয়, পাখীর
সন্তানও পাখীর কাছে ঠিক সেইরূপ। ভিন্নজাতীয় জীবের
প্রতি করুণা সঞ্চার করিবার ইহাই একমাত্র উপায়।
আমরা করুণা অভাবে অল্প জীবের সুখদুঃখ অনুভব করিতে
পারি না, কবি যখন দেখাইয়া দেন, আমাদের জননী
বাৎসল্য পিতার স্নেহ জীবনের মমতা ঐ ভাষাহীন পাখীর
নীড়ের মধ্যেও আছে, তখন সেই "Touch of nature
makes the whole world kin." তখন আমাদের

হৃদয় সমস্ত অনাথ জীবজন্তুর প্রতি আত্মীয়ভাবে ধাবিত হয় ।

কেবলমাত্র কাদম্বরীতে নহে, জীবজগতের প্রতি এইরূপ সহানুভূতি সংস্কৃত কাব্যে প্রায়ই দেখা যায় । রঘুবংশের নবম সর্গে মৃগয়ার মধ্যস্থলে রাজা দশরথের লক্ষ্য হইতে রক্ষা করিবার জন্য মহচরী হরিণী প্রিয়তম হরিণকে আড়াল করিয়া দাঁড়ায়, এবং তদর্শনে কঠিন রাজহৃদয়েও দাম্পত্যের নিবিড় অনুরাগ ঘনাইয়া আসে ; শিখীকুলের বহুবৈচিত্র্যে মুগ্ধ হইয়া উদ্যত বাণ তুণীয়ে ফিরিয়া আসে, এবং এই মৃগয়ামন্ত-তার মধ্যেও মানরহৃদয়ের অন্তস্তল হইতে সফরুণ স্নেহ ক্ষরিত হইতে থাকে ।

শকুন্তলার প্রথম দৃশ্যেও ছদ্মস্তের মৃগাসুরগে কালিদাসের এই গভীর সহানুভূতি প্রকাশ পাইয়াছে । নহিলে, উদ্যতবাণ ছদ্মস্তের মুখ দিয়া তিনি সেই গ্রীবাভঙ্গাভিরাম সৌন্দর্য বর্ণনা করাইবেন কেন ? এরূপ সছদয়তার সহিত যে প্রাণভয়ে ধাবমান পশুর সৌন্দর্য অনুভব করে, চতুরা মৃগয়া তাহাকে কঠিন করিয়া তুলিতে পারে নাই ।—ঋষি রাজাকে শরসন্ধানে প্রতিনিবৃত্ত করিয়া যে শ্লোক উচ্চারণ করিয়াছেন তাহা যেন পশুবংশল ভারতবর্ষের ব্যথিত হৃদয়ের ভাষা । আহা, এই হরিণকের অতিগোল জীবনটি কতটুকুই বা, আর কোথায় তোমার বঙ্গসার শর—পুষ্পরাশির মধ্যে কি আশ্রয় ধরাইতে আছে ! কবি বড় করুণার সহিত এই কথা বলিয়া-

ছেন। সংস্কৃত সাহিত্যে যুগরা আছে, কিন্তু সেই সঙ্গে সঙ্গেই যেন একটা নিবারণের উদ্যত বাহু আছে—মনের সহিত সেই নিষ্ঠুর প্রয়োদে কবি যোগ দিতে পারেন নাই।

কালিদাস পশুজগতের প্রতি অত্যন্ত রোহীণ। তপো-
ধনে কামধেনু নন্দিনীর সেবার কথা পাঠ কর। সেই
অনিদ্রাতনু ধেনুর নবকিসলরসদৃশ চিকন পাটল বর্গ ও ললাট-
তটে প্রদোষসময়ের নবোদিত শশিকলাসদৃশ ঈষৎ বক্র শ্বেত
রেখা বর্ণনা করিয়া কবি কত আনন্দ লাভ করিয়াছেন।
রাজা যখন রথারোহণে গুরুগৃহে অথবা যুগরায় বাহির হন,
কালিদাস সমস্ত পথ তাঁহার অশ্বের নিভৃতোর্দ্ধকর্ণ নিষ্কম্প-
চানরশিখা গতিবেগসৌন্দর্য্য দেখিতে দেখিতে চলেন; এবং
কি বশিষ্ঠাশ্রমে, কি মালিনীনদাতীরে, রথ হইতে অবতরণ-
কালে রাজমুখে অশ্বদিগকে বিশ্রাম করাইবার আদেশ দিতে
কখনও ভুলেন না।

এই সহানুভূতি শকুন্তলার বিদায়দৃশ্তে—যেখানে হরিণ-
শিশু বারবার অঞ্চল ধরিয়া টানিয়া গমনোদ্যতা শকুন্তলাকে
ধরিয়া রাখিতে চাহে এবং হরিণশিশুর স্নেহে শকুন্তলার নয়ন
হলহল করিয়া আসে—সেইখানেই সূর্য্যক মনোহারী হইয়া
উঠিয়াছে। নিপুণ চিত্রকর কালিদাস এইরূপে চতুর্দিকের
সুন্দর প্রকৃতির মধ্যস্থলে মানবের সহিত ঋগুহুদয়ের তন্ত্রীতে
তন্ত্রীতে বাঁধিয়া দিয়া যে একখানি সুন্দর চিত্র উদ্ঘাটিত
করিয়া দিলেন, তাহার মর্ম্মস্থলে কবিহৃদয়ের অনেকখানি

বেদনা, পণ্ডজগতের প্রতি অনেকখানি সহানুভূতি যেন আপনা হইতে নিঃশব্দে সঞ্চারিত হইয়া গিয়াছে ।

ভবভূতির নাটকেও এ দৃষ্টান্তের অসম্ভাব নাই । উত্তর-চরিতের তৃতীয় অঙ্কে সীতার পালিত করিশিও ও ময়ূরবর্ণনার এই অমুরাগ অতি সুন্দররূপে ব্যক্ত হইয়াছে । এবং সেই সঙ্গে প্রকৃতি পশু এবং মানবের সম্মিলনে সংস্কৃত কবির হৃদয় কিরূপ উচ্ছৃমিত হইয়া উঠে তাহাও প্রকাশ পাইয়াছে ।— শকুন্তলার চতুর্থ অঙ্কের সহিত উত্তরচরিতের তৃতীয় অঙ্ক, বিদার এবং পুনর্মিলন ছই সম্পূর্ণ বিভিন্ন বিষয়ক হইলেও, দৃষ্টাংশে নিতান্ত বিসদৃশ নহে । এবং ভাবের একো উত্তর নাটকের পাত্রপাত্রীগণও যেন এইখানে কতকটা ঘনিষ্ঠ হইয়া আসে ।

সংস্কৃত কাব্যের সর্বত্রই জীবজগতের প্রতি এই উদার সহানুভূতি দেখা যায়—এবং ইহাতে ভারতবর্ষেরই অন্তরের আকাজকা ব্যক্ত হয় । বাস্তবিক জগতে কোথাও সিংহে হস্তোত্তে, ব্যাঘ্রে যুগে সম্ভাব দেখা যায় না, সেই জন্যই ভারতবর্ষীয় কবি আপনাদের হৃদয়ের অসম্ভব আকাজকা অনুসরণ করিয়া কাল্পনিক তপোবনের মধ্যে সর্বজীবের হিংসাহীন মিলনভূমির আদর্শ রচনা করিয়াছেন । শকুন্তলার তপোবনে কেবল যে তরুলতার সহিত ময়ূষোর প্রীতিবন্ধন, কেবল যে যুগশিওর প্রতি ঋষিকণ্ঠাদের মাতৃস্নেহ তাহা নহে, নর-বালকের সহিত সিংহশাবকের সাহচর্য্যে কবি সমস্ত

প্রাকৃতিক হিংসার সম্পর্ক ভুলিবার এবং ভুলাইবার চেষ্টা করিয়াছেন ।

এই আদর্শের অনুগত ধর্ম যদি পৃথিবীর কোনও দেশে কোনও কালে পালিত হইয়া থাকে ত সে ভারতবর্ষে । আজি যে অধঃপতিত ভারত গো-রক্ষার জন্য নির্ধম বিদেশীর কঠোর উৎপীড়ন সহ করিতে পরাধুখ নহে, সে কেবল এই পশু-জাতির প্রতি মেহবশতঃ । ছদ্মবস্তী গাভী এবং হলবাহক বৃষ চিরকাল আমাদের গৃহপার্শ্বে পরিবারের সহিত স্থান পাইয়াছে । তাহারা আমাদের সন্তানদানে পালন করিয়াছে, অন্ন আহরণে সাহায্য করিয়াছে, তাহারা আমাদের নিত্য গৃহকর্মের সহচর ও সহকারী । বিদেশীরা বলে, তাহা হ'উক না কেন, তবু ত গোরু জন্তু বটে, তাহার সহিত ভক্তি-বন্ধন ধর্মবন্ধন কিসের ? ভারতবর্ষ বলে, হ'উক না পশু, তবু ত সে আমার মাতার মত হিতকারিণী, সখার মত সুখ-দুঃখভাগী । পশু বলিয়াই যে, তাহার সহিত ব্যবহারে মানব-হৃদয়কে সঙ্কচিত করিতে হইবে এমন কোন কথা নাই । অস্ত্র জাতি যে ভাবটিকে বাড়াবাড়ি মনে করিয়া হাস্য করে আমাদের পক্ষে তাহা স্বাভাবিক । পশুপক্ষী, এমন কি, জড়-প্রকৃতির সহিতও ভারতবর্ষ আপনার হৃদয়ের সংযোগ অনুভব করে এবং তাহাদের প্রতি হৃদয়ের কর্তব্য পালন করিতে চেষ্টা করিয়া থাকে ।

পৃথিবীতে এমন অস্ত্র কোন জাতি আছে কি না জানি

না, যে জাতি এককালে মাংসানী ছিল অথচ ক্রমে মাংসাহার ত্যাগ করিয়া নিরামিশভোজী হইয়া উঠিয়াছে। কেবল ভারতবর্ষেই দেখা যায়, মাংসানী আৰ্য্যগণ মাংসভোজন ত্যাগ করিয়া তাহাকে অধর্ম বলিয়া নিষিদ্ধ করিয়া দিয়াছেন।

পৃথিবীতে অন্য কোন দেশে এমন ধর্মনীতি আছে কি না জানি না, যাহাতে প্রীতির সম্পর্ক মনুষ্যকে ছাড়াইয়া পশু-রাজ্যে বিস্তার করিবার অনুশাসন আছে। মনুষ্যেরা প্রাণসমর্পণ অন্য দেশের কর্তব্যবুদ্ধিতে উচ্চতম আদর্শ বলিয়া গণ্য হয়, কিন্তু কুখিত জৈনপন্থীর অন্য বিজ্ঞ দেহ হইতে মাংস কাটরা দেওয়ার কথা বোধ হয় গল্পছলেও কোথাও উচ্চারিত হয় না। আমাদের বৌদ্ধগ্রন্থে একরূপ গল্প কর্তব্যের আদর্শ বলিয়া শত শত বার আখ্যাত হইয়াছে। এ আদর্শ অসম্ভব এবং অসম্ভব বলিয়া মনে করিলেও ইহা হইতে ভারতবর্ষীয় প্রকৃতি বুঝা যাইতে পারিবে। যেমন হিন্দুধর্ম তেমনি বৌদ্ধধর্ম এবং জৈনধর্মও যে ভারতবর্ষীয় রূপ হইতেই উৎপন্ন হইয়াছে সে কথা আমরা যেন বিস্মৃত না হই।

পশুস্নেহ ভারতবর্ষীয় প্রকৃতির যে এক প্রধান লক্ষণ তাহা একটি কাহিনীতে সুন্দর ব্যক্ত হইয়াছে। ব্যাধ বধন ক্রৌঞ্চমিথুনের মধ্যে একটিকে বধ করিল তখনই বায়ীকির মুখে ছন্দোবদ্ধ শ্লোক উচ্চারিত হইল। যুদ্ধ নহে, স্ত্রীপুরুষের প্রেম নহে, জীবে দয়াই ভারতবর্ষে প্রথম শ্লোক উৎপত্তির

কারণ। কথাটা ঐতিহাসিক সত্য না হইতে পারে, বাণীকির পূর্বেও দেবভূতি উপলক্ষ্যে অনুষ্ঠিত হইতে পারে, কিন্তু গল্পটির মধ্যে একটি গভীর সত্য নিহিত আছে। সেটি এই যে, সর্বভূতে দয়া ভারতীয় প্রকৃতির মূল উৎস। সামান্য একটি ক্রৌঞ্চপক্ষীহনন পবিত্র শ্লোকসৃষ্টির আদিকারণ বলিয়া যে দেশে প্রচলিত হইতে পারে, সে দেশের হৃদয়ের কথাটি কি তাহা আর বুঝিতে বাকি থাকে না। এই জন্ত

মা নিবাদ প্রতিষ্ঠাং ভয়গমঃ শাস্তীঃ সমাঃ ।

বৎ ক্রৌঞ্চবিধুনাদেকমবধীঃ কামমোহিতং ।

এ শ্লোকটি পবিত্র শ্লোক। না—ব্যাধ কখনই মুক্তিলাভ করিতে পারিবে না, ভারতে সে চিরকাল অভিশপ্ত হইয়া রহিয়াছে। যে একটা পাখীর দুঃখ বুঝিতে পারে না, কামমোহিত বিহঙ্গকে যে অকাতরে হত্যা করিতে পারে, যাহার চিত্তবৃত্তি এতই অসাড় অচেতন, সে কখনই শাস্তী গতি প্রাপ্ত হইতে পারে না—ইহার মধ্যে বড় একটি গভীর কথা আছে।—দুর্কলের প্রতি বেহু, অসহায়ের প্রতি সহানুভূতি পৃথিবীতে বড় কম। কিন্তু যেখানে ইহা দেখা যায় সেখানে মর্ত্য স্বর্গ হইয়া উঠে, সেখান হইতে কুৎসিৎ অত্যাচার চিরদিনের মত নির্বাসিত হয় এবং সেখানে বৃহৎ মহুঘাত সমস্ত বিশ্বকে আপন বক্ষনীড়ে টানিয়া আনিয়া নিবিড় আলিঙ্গনে বন্ধ করে। *

* এইখানে প্রসিদ্ধ কবী শেখর আশ্বিনের দৈবদ্বন্দ্বিতা লিপি

ভারতবর্ষের স্বল্পে মনুষ্য অনেকাংশে সেই বিতৃষ্ণিতা লাভ করিয়াছিল। তাহার কারণ বোধ হয় ভারতবর্ষের

হইতে কিয়দংশ উদ্ধৃত করিয়া দিলাম। ইহার মধ্যে বড় একটা সার কথা আছে। জন্তুদের প্রতি আবিচার ক্রমে বেমানুষ পয্যন্ত উঠে ইহা একটা চিন্তনীয় বিষয়।

6th October, 1866.—I have just picked up on the stairs a little yellowish cat, ugly and pitiable. Now curled up in a chair at my side, he seems perfectly happy, and as if he wanted nothing more. Far from being wild, nothing will induce him to leave me, and he has followed me from room to room all day. I have nothing at all that is eatable in the house, but what I have I give him—that is to say, a look and a caress—and that seems to be enough for him, at least for the moment. Small animals, small children, young lives, - they are all the same as far as the need of protection and of gentleness is concerned.

... People have sometimes said to me that weak and feeble creatures are happy with me. Perhaps such a fact has to do with some special gift or beneficent force which flows from one when one is in the sympathetic state. I have often a direct perception of such a force, but I am no ways proud of it, nor do I look upon it as anything belonging to me, but simply as a natural

ধর্ম। সে ধর্ম সর্বলোকে সর্বজীবে, দেবতা হইতে কীটগণ
এবং কীটগণ হইতে অচেতন পরমাণু পর্যন্ত সর্বত্র দেবতার

• gift . It seems to me sometimes as though I could woo the birds to build in my beard as they do in the headgear of some cathedral saint ! After all, this is the natural state and the true relation of man towards all inferior creatures. If man was what he ought to be he would be adored by the animals, of whom he is too often the capricious and sanguinary tyrant . The legend of Saint Francis of Assisi is not so legendary as we think , and it is not so certain that it was the wild beasts who attacked man first . But to exaggerate nothing, let us leave on one side the beasts of prey, the carnivora, and those that live by rapine and slaughter . How many other species are there, by thousands, and tens of thousands, who ask peace from us and with whom we persist in waging a brutal war ? Our race is by far the most destructive, the most hurtful, and the most formidable, of all the species of the planet. It has even invented for its own use the right of the strongest, — a divine right which quiets its conscience in the face of the conquered and the oppressed, we have outlawed all that lives except ourselves. Revolting and manifest abuse, notori-

অধিষ্ঠান উপলক্ষি করে । এবং সর্বত্রই দেবতার অধিষ্ঠান
 জানিয়া সর্ববিশ্বকে শ্রীতি করিয়া সেই দেবতাকেই শ্রীতি

ous and contemptible breach of the law of justice! The bad faith and hypocrisy of it are renewed on a small scale by all successful usurpers. We are always making God our accomplice, that so we may legalise our own iniquities. Every successful massacre is consecrated by a Te Deum, and the clergy have never been wanting in benedictions for any victorious enormity. So that what, in the beginning was the relation of man to the animal becomes that of people to people and man to man.

If so, we have before us an expiation too seldom noticed but altogether just. All crime must be expiated, and slavery is the repetition among men of the sufferings brutally imposed by man upon other living beings, it is the theory bearing its fruits — The right of man over the animals seems to me to cease with the need of defence and of subsistence. So that all unnecessary murder and torture are cowardice and even crime. The animal renders a service of utility: man in return owes it a need of protection and of kindness. In a word, the animal has claims on man, and the man has duties to the animal. — **Buddhism.**

করে । স্মৃতরাং তাহার অন্তরে হিংসা ও অশ্রীতি স্বভাবতই
সঙ্কচিত হইয়া আসে । এবং পশু পক্ষী সচেতন হইয়া
মহুব্যক্তের সহবাস লাভ করে । সেই অশ্রুই বৈষ্ণব কবির
গান—

আজু বনে আনন্দ বাধাই ।
পাতিয়া বিবাদ গেল। আনন্দে হইলা ভোলা
দূর বনে গেল সর গাই ।
ধেনু না দেখিয়া বনে চকিত্ত রাপালগণে
ক্রীদায় সুদাম আদি সবে ।
কানাই বলিছে কাই খেলা ভাঙ্গা হবে নাই
আনিব গোধন বেগুরবে ।
সব ধেনু নাম কৈয়া অধরে মুরলী কৈয়া
ডাকিয়া পুরিল উচ্চার ।
ধেনু সব সারি সারি হাথা হাথ রব বরি
নাড উলা কৃকের নিকটে ।
ডক স্রবি পাড় বাটে প্রেমের তরঙ্গ উঠে
বেহে পাবী স্ত্যব অঙ্গ চাটে ।

no doubt, exaggerates this truth, but the West-
erns leave it out of count altogether. A day will
come, however, when our standard will be higher,
our humanity more exacting, than it is to-day.
Homo homini lupus said Hobbes; the time will
come when man will be humane even for the
wolf—*homo-lupo homo*.

দেখি সব সখাগণ আবা আবা ঘনঘন

কানুরে করিল আলিঙ্গন ।

এমদাস কহে ঝাঞ্জি কানাইর মুরলী গুনি

গণু পাখী পাইল চেতন ।

এবং সেইজন্যই এই চেতনালব্ধ সর্বজীবের তৃপ্ত্যর্থ সর্ব-
বিশ্বের উদ্দেশে ভারতবর্ষ প্রতিদিন তর্পণ করিয়া থাকে—

দেবা বক্ষাস্থখা নাগাঃ গন্ধর্বাঙ্গরসোঃ সুরাঃ

ক্রুরাঃ সর্পাঃ স্থপর্ণাশ্চ তুহুবো জুহুগা ধনাঃ

বিদ্যাধরা জলধরাস্তথৈনাকাগামিনঃ

নিরাহাশাশ্চ যে জীবাঃ পাপে ধার্ম রতীশ্চ বে

ভেষামাপ্যার্ননায়ৈতদ্বীয়তে সলিলং ময়া ।

কাব্যে প্রকৃতি ।

শেক্ষপীয়রের নাটক পড়িতে পড়িতে একটা কথা মনে হয় যে, শেক্ষপীয়র সমস্ত হৃদয়ে প্রকৃতিকে ভালবাসিলেও প্রকৃতির সহিত তাঁহার সামাজিকতা বড় নাই । এবং তাঁহার নাটকে নাটকীয় চরিত্র ও ঘটনাবলীর উপর প্রকৃতির যে প্রভাব লক্ষিত হয়, তাহা কেবল ছায়ার মত চতুর্দিকের মানব-হৃদয়ে ও ঘটনার উপরে ঘনাইয়া আসে মাত্র, কিন্তু সংস্কৃত দৃশ্য কাব্যের ভ্রায় প্রকৃতি সেখানে মানবজীবনের সহিত বর্ধিত ও পরিপুষ্ট হইয়া মানবহৃদয়ের সহমর্মিণী সঙ্গিনী হইয়া উঠে

নাই, এবং মানবী সখীর স্তম্ভে-স্থম্ভে মানবীর স্তায় সে বিচলিত হয় না বা মানবীর বিরহে একান্ত মস্তম্ভ ও মিলনে অতিমাত্র স্থষ্টেও হয় না।

যেখানে সমগ্র নাটকটিকে শেক্সপীয়ার লোকালয় হইতে বহুদূরে এক জনহীন ঘোপে লইয়া ফেলিয়াছেন, সেখানেও প্রকৃতির সহিত তাঁহার পারিবারিক প্রীতি সংস্থাপিত হয় নাই—প্রকৃতির অনেকগুলি দানবী শক্তি যেখানে নির্ঝিবাদে আধিপত্য করিতেছিল সেইখানে তিনি এক মহামহিম মানব-প্রভুকে প্রতিষ্ঠিত করিয়া দিয়াছেন। এই মানব প্রভু প্রম্পেরোকে বশ শক্তি আরিয়েল ও ক্যালিবান যমের মত ভয় করিয়া চলে এবং যদি কালক্রমে এই দাসত্ব হইতে মুক্ত হইয়া আপন স্বাধীনতা ফিরিয়া পায় এই আশায় দাসের স্তায় তাঁহার আত্মা পালন করিয়া থাকে। কিন্তু প্রম্পেরো অথবা মিরান্দার সহিত এই সকল প্রাকৃতিক শক্তির কাহারও কোনরূপ সমকক্ষতা নাই এবং বহুদিন একত্র বাসে পরস্পরের মধ্যে হৃদয়তাও জন্মে নাই। কেবল, প্রম্পেরো আদেশ করেন, আরিয়েল ও ক্যালিবান্ - প্রকৃতির দুই বিভিন্ন শক্তি—স্বৈচ্ছার বা অনিচ্ছার সেই আদেশ পালন কবে। প্রম্পেরো বলেন, ঝড় উঠাও; প্রকৃতির সমস্ত শক্তি সাগরে তবঙ্গ তুলে, আকাশে বজ্রধ্বনি করে, পৃথিবীতে প্রলয়ের রোল উঠাইয়া দেয়। প্রম্পেরো কুলন, এই চাহি—দাসেরা তাহাই সাধাধিক করে। শেক্সপীয়ারে প্রকৃতির উপর মানব

জরী হইয়াছে— প্রকৃতির উপর সে কর্তৃত্ব করে, প্রকৃতির সহিত ঘর করে না ।

কিন্তু সংস্কৃত দৃষ্ট কাব্যে প্রকৃতি মানবের সহিত সমান আসন পাইয়াছে এবং পরম্পরের প্রতি প্রীতিতে উভয়ের মধ্যে একটি সুমধুর গার্হস্থ্য বন্ধন সংস্থাপিত হইয়াছে । তব-
ভূতির নাটকে তমসা যুরলা বাসন্তী প্রভৃতি নদনদী ও আরণ্য প্রকৃতি সীতার হৃৎথে বেক্রপ সমবেদনা অনুভব করিয়াছে এবং সর্বাস্তুরূপে বেক্রপে তাঁহার শুক্রবা করি-
য়াছে তাহা শেক্ষপীয়রে নিতান্ত দুর্লভ । রাম যখন বনে আসিলেন, তখন সীতার হৃৎথরজনী অবসান আশায় সেই গোদাবরী প্রদেশের বন প্রকৃতি কিরণ আনন্দিত হইয়াছিল !
পরিপাণ্ডু দুর্কলকপোলসুন্দর বিলোলকবরী মূর্ত্তিমতী করুণা
বা শরীরিণী বিরহব্যথার শ্রায় জানকীর বর্ণনার তমসার কত
প্রেম প্রকাশ পাইয়াছে ! বাসন্তী রামকে যে সকল কথা
বলিয়াছেন, তাহাতে ছত্রে ছত্রে সীতার প্রতি তাঁহার কি
গভীর সহানুভূতি ব্যক্ত হইয়াছে । এমন শুক্রবাপরায়ণ
সাধনাদারিণী প্রকৃতি ইংরাজি নাটকে কোথায় ? এই
প্রেমে করুণার শুক্রবাপরায়ণতার উত্তরচরিতের প্রকৃতি
দেবী হইয়া উঠিয়াছে ।

কালিদাসের নাটকেও প্রকৃতি এইরূপ মানবেরই সখী ।
শকুন্তলাব সখিগণের নাম করিতে হইলে প্রিয়ম্বদা অনসূয়ার
সহিত সেই মালিনীভীরস্বা শ্রামলা প্রকৃতিরও উল্লেখ করিতে

হয়। তপোবনের প্রতি তরুণতার সহিত শকুন্তলার সৌন্দর্য
 স্নেহের সম্বন্ধ। এবং শকুন্তলার বিদায়কালে প্রিয়ম্বদা অন-
 সূয়ার চক্ষু যেমন জলে ডরিয়া আদিয়াছিল, অসূয়ার হরিণ-
 শিশু যেমন অঞ্চল ধরিয়া টানিয়া গমনোদ্যতা শকুন্তলাকে
 বারবার নিরারণ করিতে চেষ্টা করিয়াছিল, তপোবনের এই
 পল্লবিত প্রকৃতিও সেইরূপ অশ্রুছলছল নতনেত্রে আপন
 নির্ঝাক বেদনা জানাইয়া শাখাবাহু দ্বারা প্রিয়ম্বদীকে বুক-
 তরা আলিঙ্গন দিয়াছিল।

শকুন্তলায় এই প্রকৃতি নাটকের মেরুদণ্ড। মানবী সখী
 যখন শকুন্তলার বঙ্কল-বন্ধন শিথিল করিয়া দেয়, প্রকৃতি
 তখন কুরবকশাখায় বঙ্কল আটকাইয়া দিয়া মানবী সখীর
 সহিত সেই প্রণয়ব্যাপার ঘনাইয়া আনে। দুঃস্বপ্ন-শকুন্তলার
 প্রেমকে তপোবনের এই রমণীর প্রকৃতি যেন ভরাট্ করি-
 রাচ্ছে। এই প্রকৃতি হইতে বিচ্ছিন্ন করিলে শকুন্তলার কিছুই
 অবশিষ্ট থাকে না—দুঃস্বপ্ন শকুন্তলা প্রিয়ম্বদা অনসূয়া কণ্ঠ
 গৌতমী সমস্ত মিলিয়া একটি নিজ্জীব মানবস্তূপ পড়িয়া
 থাকে মাত্র—এবং কালিদাসের প্রেম সহসা অত্যন্ত শিথিল ও
 কণ্টক বসিয়া মনে হয়।

কেবলি শকুন্তলায় নহে, কুমারসম্ভবে যেখানে মহাদেবের
 প্রতি মদন বাণ উত্তত করিয়াছে সেখানেও সমস্ত প্রকৃতি
 অসুস্থ ভাবে পূর্ণ হইয়া হরপার্বতীর প্রেমকে সর্বান্তে পূর্ণ
 করিয়াছে। কালিদাসে মানবপ্রেম আপনাতে আপনি সম্পূর্ণ

নহে—চতুর্দিক্ হইতে তাহার উপরে প্রকৃতি ঘনাইয়া আসিয়া সেই প্রেমকে সম্পূর্ণ করে । এই জন্ত যোগীজনবিচরিত তপোবনেই তুঁহার প্রেম সম্পূর্ণ সফল হয়—যেখানে আরণ্য প্রকৃতি মানবের স্নেহে .সিদ্ধিত হইয়া কোমল ও মধুর হইয়া আসিয়াছে এবং মানব-হৃদয় নাগরিকতা পরিহারপূর্বক আরণ্য শ্রামলতার সরস হইয়া উঠিয়াছে , যেখানে হিংসা নাই, ঘেৰ নাই, সিংহ মৃগশিশুকে হত্যা করে না, মৃগশিশু মানবের পদ-প্রান্তে বসিয়া নিঃশঙ্কচিত্তে নীবার রোমস্থ করে, এবং সর্ব লোক সর্ব জীব চেতন অচেতন জড় সকলের মধ্যে একটি প্রীতিশুভ্র পারিবারিকতা সংস্থাপিত হয় ।

শেক পৌররে প্রেমের সহিত প্রকৃতির এত ঘনিষ্ঠতা দেখা যায় না । সেখানে সুখসুগু চন্দ্রালোকে প্রণয়ীযুগলের মনে পূর্ব পূর্ব কালের বহু প্রণয়কাহিনী আসিয়া উদয় হয় এবং পুরাতন কালের সমস্ত প্রেম এই নবীন প্রেমে সঞ্জীবিত হইয়া উঠে । এবং এইরূপে যুগযুগান্তের মানবপ্রেম আসিয়া মানবকে আপনার মহিমার অধিকতর ফুটাইয়া তুলে । কিন্তু প্রকৃতি সেখানে মানবের সখীরূপে ফুটে না হয়, ছায়ার মত, নয়, মানবের আত্মাধীন সেবকরূপে অবস্থিতি করে । যেমন, মার্চ্যান্ট অফ্ ভেনিসে লোরেন্সো । ও জেসিকার প্রণয়দৃশ্যে, অথবা টেম্পেষ্টে ফার্দিনান্দ ও মিরান্দার প্রণয়ঘটনায় ।

সংস্কৃত কবিরা প্রকৃতিকে স্ত্রীরূপে দেখেন । সেই জন্তই সংস্কৃত নাটকে প্রকৃতি মানবের সহকারিণী সখী । ভবভূতির

নিকট তিনি শুশ্রূষাপরায়ণ গভীরহৃদয়া, এবং কালিদাসের নিকট তিনি সুন্দরী। কালিদাস নারীকে সৌন্দর্য্যেই সম্যক দেখিয়াছেন—প্রকৃতিকেও তিনি এই ভাবেই উপভোগ করেন।

কিন্তু এই সৌন্দর্য্য উপভোগে আধুনিক কবিদিগের সহিত কালিদাসের অনেক প্রভেদ। সেকালের কবি যেমন রমণীকে, অন্ন হটক্ অধিক হটক্, পুরুষের ভোগ্য বলিয়া জানিতেন, প্রকৃতিকেও কঠকটা সেই ভাবেই দেখিয়াছেন। সেই জন্য কালিদাস যখন প্রিয়সহ সুরম্য হর্ষ্যমধো দীর্ঘ বর্ষ যাপন করেন, ছয় ঋতু আসিয়া ভিন্ন ভিন্ন মদিরা দিয়া তাঁহার পাত্র ভরিয়া দেয় এবং সুন্দরী দাসীর গায় তাঁহার পরিচর্যা করে।

তবত্বতিতে যে, প্রকৃতি দেবী হইয়া উঠিয়াছেন তাহার কারণ এই যে, তবত্বতির প্রকৃতি জননী গায় শুশ্রূষাপরায়ণা ও কল্যাণদায়িনী। আমাদের দেশে নারী সৌন্দর্য্যে পূজিতা নহেন; জননী ও মতীরূপে গৃহের কল্যাণ ও আনন্দরূপেই তিনি এদেশের পূজা গ্রহণ করিয়া আসিয়াছেন। প্রকৃতিও যখন আমাদের নিকট এই ভাবে প্রতিভাত হয় তখনই আমরা তাহাকে দেবী করিয়া তুলি।

যুরোপে শিভেল্লি নারীকে অন্তরূপে দেখিয়াছে। সেখানে কবিদিগের বচনায় যে সৌন্দর্য্যের পূজা প্রচারিত হইয়াছে সে সৌন্দর্য্য কেবল ইন্ধিরমাত্রের দ্বারা উপভোগ্য নহে। জগতের সমস্ত সৌন্দর্য্যের অন্তরে যে সৌন্দর্য্যশক্তি নিহিত আছে নারীসৌন্দর্য্যে তাহা সম্যক পরিষ্কৃত বলিয়া নারীপূজার

সেই সৌন্দর্যেরই পূজা করা হয় । এবং এই সৌন্দর্য্যপূজা নারী হইতে ক্রমে সমস্ত প্রকৃতিতে বেন ব্যাপ্ত হইয়া পড়িয়াছে ।

আধুনিক কবি এই সৌন্দর্য্যশক্তিকে অদৃশ্য প্রভাবের মত অনুভব করেন । এসস্তের বাতাস যেমন চঞ্চল পক্ষে ফুলে ফুলে নিশ্বাস ফেলিয়া বহিয়া যায়, এই অদৃশ্য প্রভাবের ছায়াও সেইরূপ সর্ববিশ্বের উপর দিয়া—লোক-লোকান্তর স্পর্শ করিয়া—প্রবাহিত হয় । এই অদৃশ্য প্রভাব—এই ছায়া— শুধু সঙ্গীতের সৃতির মত—অত্যন্ত রহস্যময়, কিন্তু এই রহস্য-বশতই প্রিয়তর । এই সৌন্দর্য্যের মূলশক্তি, বাহ্য প্রকৃতিতে, যানবহনদয়ে, প্রেমে, আশায়, স্বপ্নে, সর্বত্র ছায়া ফেলিয়াছে । কবি এই চরাচরপ্লাবী সৌন্দর্য্যরহস্যে নিমগ্ন হইয়া দেখিতে ছেন, যে, এই সমস্তই সেই মহাসৌন্দর্য্যে ওতপ্রোত, এবং এই সৌন্দর্য্য অবলম্বন করিয়াই মানবের অন্তরের সহিত প্রকৃতির অন্তরের অনির্বিচনীয় যোগসূত্র নিষদ্ধ রহিয়াছে ।

সৌন্দর্য্যের এই অদ্বৈতবাদই আধুনিক পাশ্চাত্য কবিতার মর্ম্মস্থল । ইহাকে অদ্বৈতবাদ না বলিয়া ঐক্যবাদ বলা উচিত । সমস্ত চরাচর চেতন অচেতনের মধ্যে যে একমাত্র মহীয়সী সৌন্দর্য্যশক্তি উদ্ভাসিত ইহাতে তাহাই প্রকাশ পাইয়াছে ।—

এই অতীন্দ্রিয় সৌন্দর্য্যের উপলব্ধি দ্বাৰা সমস্ত ধণ্ড ভগ্নৎ-একটি সর্বব্যাপী সুমধুর মিলনে আবদ্ধ হইয়া একটি অখণ্ড সঙ্গীতের স্রাব বৃহৎ এবং এক হইয়া উঠিয়াছে । সঙ্গীতের

বিচ্ছিন্ন সুরগুলি স্বতন্ত্র ভাবেও শ্রুতিমানোহর হইতে পারে, কিন্তু যখন তাহাদের মধ্যে আদ্যোপান্ত একটি অবিভক্ত সৌন্দর্য্য একটি মহা-রাগিনীর সমগ্রতা আবিষ্কার করা যায় তখন আনন্দ স্নিবিড় হইয়া উঠে এবং একটি বিপুল রহস্যময় পুণ্ড্র সমস্ত অন্তরাগ্না চন্দ্রের আকর্ষণে সমুদ্রের স্তায় আন্দোলিত হইতে থাকে। প্রাচীন কাব্যে প্রকৃতি কোথাও এরূপ সন্মিলিত সমতানে অনাদ্যন্ত নভস্তল হইতে মানবের অন্তর-গুহা পর্য্যন্ত ধ্বনিত হইয়া উঠে নাই। সেখানে ঋগ্ প্রকৃতি—ঋগ্ সৌন্দর্য্য—মানবের সাহচর্য্য করিয়া আসিয়াছে। কিন্তু এক বিশ্বব্যাপিনী মহীয়সী সত্তা মানবাত্মাকে চরাচরের সহিত সৌন্দর্য্যপুষ্পমালায় আবদ্ধ করিয়া মহীয়ান্ করে নাই।

কেবল আমাদের প্রাচীনতম কাব্যগ্রন্থে, বেদে, এই মহা-সঙ্গীত উদগীত হইয়াছে। তেমন সহজে তেমন সতেজে তেমন সংক্ষেপে জ্ঞান কোন দেশের কোন কাব্যে সঙ্গতের এই রহস্যবাক্তা প্রচারিত হয় নাই। ঋষিরা বলিয়াছেন—

আনন্দাঃস্বাভাৱ ঋষিমানি ভূতানি জায়ন্তে,

আনন্দেন জাতানি জীবন্তি,

আনন্দঃ প্রয়ত্যাতিসংবিশন্তি ।

আনন্দ হইতেই সমস্ত প্রাণী জন্মগত করিয়াছে, আনন্দের দ্বারাই সমস্ত প্রাণী জীবিত বহিয়াছে এবং আনন্দের প্রতিমুখেই প্রবেশ করিতেছে।

ভাবিয়া দেখিলে ইহাতে সকল কথাই বলা হইয়াছে । সমস্ত সৌন্দর্য্য, সমস্ত সুখ, সমস্ত চেতনা, সমস্ত প্রাণ এক অনাদি অনন্ত মহানন্দের দ্বারা সন্নিপ্ত হইয়া উঠিয়াছে—সেই জগচ্চরাচরের জগদতীত আনন্দ-ঐক্য যে মহাত্মা অনুভব করিতে পারিয়াছেন তিনি আর

ন বিভেতি কুতশ্চন,
ন বিভেতি কদাচন ।

রবিবর্ণা ।

ইংরাজি শিক্ষার প্রভাবে আমাদের মধ্যে সাহিত্যের বেক্লপ অনুশীলন হইয়াছে, কলাবিদ্যার অন্তান্ত অঙ্গের তাহার শতাংশের একাংশও আদর হয় নাই । বিশেষতঃ চিত্রকলা এদেশে তাহার সেই আদিম রঙ-লেপা বর্ষের অবস্থা হইতে অল্পই অগ্রসর হইয়াছে । ইংরাজিশিক্ষিতদের নিকট র্যাকেল টিশিয়ান প্রভৃতি বড় বড় পাশ্চাত্য চিত্রকরদিগের বৃত্তান্ত অবিদিত নাই এবং কাহারও কাহারও ভাগ্যে ঐ সকল চিত্রশিল্পীদিগের রচনা দর্শনও ঘটিয়াছে, কিন্তু র্যাকেল টিশিয়ানের মহাত্ম্য অনুভব অপেক্ষা অনুমানের দ্বারাই আমরা প্রধানতঃ আয়ত্ত করি । এক ত আমাদের দেশে চিত্রশিল্পের

তাদৃশ অনুশীলন অভাবে আমাদের চিত্রসৌন্দর্য উপভোগের
 বৃত্তিগুলিই সম্যক উন্মেষিত হয় নাই, দ্বিতীয়তঃ যুরোপীয়
 চিত্রশিল্পে আমাদের ভাবের, দেশীয় কল্পনার, পৌরাণিক
 সৌন্দর্যের কোনরূপ বিকাশ লক্ষিত হয় না—সুতরাং তাহা
 তেমন সহজে অবিলম্বে আমাদের অন্তরের অন্তরঙ্গ হইয়া
 উঠে না। সেইজন্য, পৌরাণিকী কল্পনাকে তুলিকার স্পর্শে
 মূর্তিমতী করিয়া তুলিতে পারেন আমাদের মধ্যে এইরূপ
 এক প্রতিভার আবশ্যক হইয়াছে। ভাষায় যাহা কতকটা
 বর্ণনায় কতকটা আভাসে, কতকটা লেখকের রচনার কত-
 কটা পাঠকের মনে মনে গঠিত হইয়া পরিপূর্ণ হইয়া উঠে,
 সেই সুন্দর ভাবগুলিকে সমগ্রভাবে—যে অংশ ব্যক্ত ও যে
 অংশ অক্ষুট মিলাইয়া—রেখায় রেখায় অনুবাদ করিতে
 হইবে। এই নব চিত্রাঙ্কনী প্রতিভার ইহাই কার্য।

আমাদের কলিকাতার আর্ট-ষ্টুডিও কতকটা এই ভাবেই
 পরিচালিত বোধ হয়। কিন্তু আর্ট-ষ্টুডিও হইতে বৎসর
 বৎসর যে সকল পৌরাণিক চিত্রাবলী বাহির হয় কালী-
 ঘাটের পয়সা পয়সা পটের সহিত—কাগজের উৎকর্ষতা ও
 বর্ণবৈচিত্র্যের অধিকতর ঘনঘটা ভিন্ন—তাহার প্রভেদ অল্পই,
 এবং তাহা দেখিয়া মনে বড় আশার সঞ্চার হয় না। কারণ,
 ঐ সকল বিচিত্রবর্ণ চিত্রে কোথাও কোনও ভাবের বিকাশ
 হয় নাই, শরীরের কোনরূপ গঠনপারিপাট্য প্রকাশ পায়
 নাই, এবং বর্ণবিন্যাসে সৌন্দর্য-বোধ আভাসেও আপনাকে

বাক্ত করে নাই। করাল কালিকার ভীষণ-গম্ভীর মূর্তি দেখিয়া মন কোথায় ভরে বিশ্বরে অভিভূত হইয়া পড়িবে, না, আর্ট-ষ্টুডিয়ার চিত্র মনে কেবল একটা ভাববিহীন কুৎসিত কাঠ-পুতলিকার মূর্তি স্থাপনা করে এবং তাহাতে বিরক্তি ভিন্ন মনে কোনপ্রকার সাধুভাবের সঞ্চার হয় না। সরস্বতীর মুখে চোখে প্রতিভার দীপ্তি দেখিয়া হৃদয় কোথায় পরিপূর্ণ হইয়া উঠিবে, না, আর্ট-ষ্টুডিয়ার চিত্রকর বহু পরিশ্রমে সকল ভাব বর্জনপূর্বক একটি অতি নির্বোধবৎ নিশ্চল মুখমণ্ডল রচনা করিয়াছেন—সকল কলার অধিষ্ঠাত্রী দেবীর সহিত তাঁহাদের যে সগু জন্মে মুখ-দেখাদেখি নাই তাহাতে ইহাই প্রকাশ পাইয়াছে মাত্র। চৈতন্তের দারুণ পীতকাস্তি চিত্র দেখিলে ধারণা জান্ন যে, চিত্রকরের দৃষ্টিপথে যকুৎ-রোগী ভিন্ন কখনও কোনও সুস্থদেহ মন্থবংশীয় পতিত হয় নাই; এবং তাঁহার নেত্রনীরপতন দেখিলে মনে হয়, মস্তকমুণ্ডনের গায় চক্ষে ক্ষীবেলপনও বৃষ্টি নবদ্বীপে একসময়ে কেসান ছিল এবং আবশ্যকমত সভাস্থলে, বৈষ্ণবদিগের চকু হইতে বিন্দু বিন্দু তাহাই ঝরিত। সুতরাং আর্ট-ষ্টুডিয়ার উদ্দেশ্য সাধু হইলেও ছঃখের সহিত তাহার ভরসা ছাড়িতে হয়।

দাক্ষিণাত্য এবিষয়ে বঙ্গদেশ অপেক্ষা সৌভাগ্যশালী। সেখানে ঠিক যাহা আবশ্যক তাহাই মিলিয়াছে—সভা নহে, সমিতি নহে, কোম্পানী নহে, কলিকাতার মত আর্ট-ষ্টুডিয়ার

নহে—একটি ষথার্থ চিত্রকরী প্রতিভা, যে কেবল কাগি না করিয়া সৌন্দর্য্য অমুভব ও প্রকাশ করিতে পারে, যে মধুপের মত পুষ্প হইতে পুষ্পান্তরে উড়িয়া গিয়া সৌন্দর্য্য চয়ন করিয়া আনে এবং সেই সৌন্দর্য্যের চাক বাধিয়া চিত্ত হরণ করিতে জানে। এই প্রতিভা রবিবর্মা। তিনি পৌরাণিক এবং অত্যাণ্ড নানাবিষয়ক অনেকগুলি চিত্র রচনা করিয়াছেন। এবং এই সকল চিত্রে তাঁহার সৌন্দর্য্যবোধ ও রসগ্রাহিতার বিশেষ বিকাশ হইয়াছে। তাঁহার সর্বাঙ্গসম্পূর্ণা নায়ার রূপসীর চিত্র, শ্রামঙ্গী গোপালনার সুডোল নিটোল গঠন ও নয়ন ও অধরেব ভাব, লালার ক্রুৎ, রামসীতার পরিণয়, বা সুভদ্রাজুনের প্রণয়দৃশ্য কাহার না চিত্ত হরণ করে? তাঁহার শান্তনুর নিকট হইতে পুত্রসহ গঙ্গার পলায়ন, বিশ্বামিত্রের তপোভঙ্গার্থে প্রেবিত মেনকা, শান্তনুর প্রঞ্জিজ্ঞাসায় সরলা সত্যবতীর মলজ্ঞ অথচ মুক্ত অকপট ভাব, কোন্টি না সুন্দর? যশোদার গোদোহন ও হৃষ্টপুষ্ট গোপালের চিত্র, পুতনাবধাঙ্গে মঙ্গলাচরণকালে শিশু নন্দভুলালের ভাবমাধুর্য্য, এবং কুঞ্জবনে শ্রীকৃষ্ণের পশ্চাৎ হইতে গিয়া রাধিকাকে প্রেমভরে আক্রমণ, কোন্টিতে না আমাদের অন্তরে একটি পৌরাণিক আনন্দ সঞ্চার করিয়া দেয়? হয়ত ইহার মধ্যে এমন কিছু ক্রটি থাকিলেও থাকিতে পারে যাহা আর্ট-সমালোচক ভিন্ন অপরের চক্ষে প্রতিভাত হয় না—এবং এই বাঙ্গালা দেশের আর্ট-ষ্টুডিও ও কালীঘাটের পটের চতুঃ

সীমা মধ্যে বর্ধিত আমাদের সে সম্বন্ধে সমালোচনা করিতে যাওয়া খুঁটতামাত্র—কিন্তু চিত্রগুলির মধ্যে যে একটি মনো-হর ভাব আছে এবং সেই ভাবটুকু ভারতবর্ষের অন্তরতম হৃদয় মথিত হইয়া উঠিয়াছে, এ কথা নিঃসংশয়ে বলা যায়। পৌরাণিক চিত্র এমন সুন্দর ভাবে এদেশে ইতিপূর্বে কখনও অঙ্কিত হয় নাই। এবং খুঁটিনাটি ক্রটি থাকিলেও ব্রবিবর্ণাই এদেশের প্রথম প্রতিভাশালী চিত্রকর।

রামসীতার পরিণয়চিত্রটি তিনি কি সুন্দরই আঁকিয়াছেন! রাম তখন বালকমাত্র এবং সীতা বালিকা—ঈশৎ উন্মেষিত সুকুমার কুমুমকোরকবৎ দুইখানি কচি মুখ, তাহাতে যে কি পুণ্য মাধুরী তাহা বর্ণনা করিয়া উঠা যায় না। রামচন্দ্রের দক্ষিণ পাণিমধ্যে সীতার নবনীসুকোমল পাণিতল সমর্পিত; এবং সেই স্বভাববিনম্র মুখে ও চারু আনত নেত্রে একটি অনির্বচনীয় মহিমা দীপ্তি পাইতেছে। তাতগণ ও মাতৃ-কুলের দৃষ্টিতে কি স্নেহ। সমস্ত পরিজন ও অশুচনবর্গের মুখে কি ভাব। এমন বিবাহ বৃদ্ধি পৃথিবীতে আর কখনও ঘটে নাই।

তখন কে জানিত, এই গুত উৎসবদিনের কি পরিণাম! কে জানিত, এই মূর্ত্তিমতী আনন্দের কপালে কত দুঃখ আছে! রাজার নন্দিনী, রাজার বধু হইয়া বনে বনেই তাঁহার চিরদিন কাটিবে কে মনে করিয়াছিল! রাক্ষস হরণ করিল, স্বামী বনবাস দিলেন, পরীক্ষার পর পরীক্ষা; নারীর কোমল

হৃদয়ে এত সহ্য না। সভামধ্যে দাঁড়াইয়া পতিব্রতা ডাকিলেন, বসুন্ধরে, বিদীর্ণ হও ; রসাতল ভেদ করিয়া স্নেহময়ী ধরিত্রী আপনি বাহির হইয়া আসিলেন ; বলিলেন, আর যা আর, তুই আমার রাণী, আমার কোলে আর।—রাখ রাখ, কির কির।—কে কিরিবে ? জননী আপন বক্ষে বাধিয়া সীতাকে লইয়া গেলেন।

রবিবর্ম্মার এই পাতালপ্রবেশটিও সুন্দর চিত্র। পরিণয়-চিত্রের সমকক্ষ না হইলেও লক্ষণের অশ্রুমান অধোবদন, রামের উদ্বেল ব্যাকুলতা, কুশলবের ভয়বিস্ময়বেদনাবিমিশ্রিত ভাব, রামের প্রতি সীতার সকরণ বক্ষদৃষ্টি, ধরিত্রীর বিষাদঘন মুখ, সমস্ত মিলিয়া পাতালপ্রবেশ দৃশ্যে একটি মনোহর যথার্থ্য অর্পণ করিয়াছে।

কিন্তু অর্জুন ও সুভদ্রার প্রেমচিত্রের মত ভাবের গৌরব বুঝি কোনটিতেই নাই। সুভদ্রা ঈষৎ হেলিয়া দাঁড়াইয়া, দক্ষিণ করতল প্রস্তরবেদীর উপরে রক্ষিত, শাড়ীর কোঁচার ভাঁজে ভাঁজে ছায়া আলোকের খেলা, খোপায় ফুলের মালা, ললাটে টিপ, আনত নেত্রপল্লবে ত্রীর আবেশ ও চাক্র-অধর-পুটে শুভ্র হাসির মত মৃদু লজ্জা। অর্জুন স্বীয় দক্ষিণ করে সুভদ্রার বাম হস্ত ধারণ করিয়াছেন এবং অপর হস্তে সুমধুর স্নেহভরে সুভদ্রাকে প্রায় বেঁটন করিয়া ধরিয়াছেন—বেন পুরুষহৃদয়ের সমস্ত স্নেহ প্রেম করুণা ঐ বাহুপাশে সঞ্জীবিত হইয়া উঠিয়াছে। প্রশস্ত ললাটে উদার দীপ্তি, নয়নে নিবিষ্ট

প্রেম, সুগঠিত অধরপ্রান্তে সুসংযত স্মিতমাধুরী এবং ঈষৎ আনমিত অর্ধবেষ্টনে একটি পরম শরণ ভাব ।

এই প্রণয়দৃশ্যে সংযমী অর্জুনের চরিত্রগৌরব যেন সম্যক ব্যক্ত হইরাছে—সেই গভীর হৃদয়ের সমস্ত প্রেম, সেই করুণ হৃদয়ের সমস্ত করুণা, সেই নির্ভীক স্বভাবের ত্রিভুবনবিজয়ী তেজস্বিতা এবং সেই কর্তব্যনিষ্ঠ অবিচলিত ধী । আলঙ্কারিক-দিগের মতে মহাভারতে যুধিষ্ঠিরের প্রাধান্য হইলেও, অর্জুনের চরিত্র এই সকল গুণে সকল পাণ্ডবদিগের মধ্যে সমধিক উজ্জ্বল । অর্জুনের পার্শ্বে যুধিষ্ঠির অতি মূঢ় । হরত নীতি-বিধান অনুসারে তাঁহার প্রেম অর্জুনের ভালবাসা হইতেও উচ্চতর—কাবণ, দ্রৌপদীই তাঁহার একমাত্র প্রেমসী এবং রূপসীর সমস্ত অনাবৃত সৌন্দর্য হরত তাঁহাকে বিচলিত করে না, কিন্তু সে অটল নীতিও নারীর হৃদয় যেমন আকর্ষণ করিতে পারে না, অর্জুনের প্রেমদৃষ্টিতে তাহা যেমন সহজে আকৃষ্ট হয় । যুধিষ্ঠিরের অশ্লিলিতপদ সংসার-যাত্রা প্রবীণদিগের দুর্লভ প্রশংসা আকর্ষণ করে ; কিন্তু অর্জুনের সংস্পর্শ যেমন হৃদয় হইতে হৃদয়ে তড়িৎ সঞ্চালন করিয়া দেয়, তাঁহার সমস্ত শাস্ত্রানুসারী ধীরতা হৃদয়ে সে উদ্দীপনা জাগাইয়া তুলিতে পারে না । অর্জুনের চরিত্রে মানবপ্রকৃতির অনেকগুলি বিভিন্ন ভাবের সুন্দর সমাবেশ হইরাছে ; তাঁহার দম্মা এত যে, শত্রুকে বধ করিতেও অন্তরে ব্যথা লাগে, আবার তেজ এমনি যে, গাণ্ডীবের সামান্য

নিন্দামাত্রও সহ্য না; যুধিষ্ঠিরের মত অবিচলিত ধীরতার সহিত সকল সহ্য করিতে তিনি অক্ষয়, ভীমের মত বৈর-নির্ধাতনে তাঁহার একটা বর্ষের উল্লাসও নাই। সবশুদ্ধ তাঁহার চরিত্রে প্রতিভার এমন একটি মহিমা আছে, ভাবে এমন একটি অবলীলাসুশোভনতা আছে যাহাতে তিনি হৃদয়ের অত্যন্ত নিকট হইয়া উঠেন। এবং রবিবর্মার চিত্রে তাঁহার এই সংঘত গম্ভীর প্রসন্ন সুরমিক আবেগপূর্ণ সুন্দর ভাবটি অতি সুন্দররূপে ফুটিয়াছে।

মহাভারতায় বিষয় লইয়া রবিবর্মার অনেকগুলি চিত্র আঁকিয়াছেন—কাচকনন্দিরে সৈবন্ধুী, দ্রৌপদীর বস্ত্রহরণ, নলদময়ন্তী, শকুন্তলার লিপিরচনা, আরও গুটিকতক আছে, কিন্তু অর্জুন ও সুভদ্রার প্রণয়দৃশ্যে অর্জুন যেমন কেবলমাত্র প্রণয়ীরূপে নহে কিন্তু তাঁহার চরিত্রের সম্পূর্ণ গোববে ফুটিয়াছেন, অল্প চিত্রগুলি ভাল হইলেও কোন চরিত্রকে তেমন করিয়া ফুটাইয়া তুলিয়াছে কি না সন্দেহ। হয়ত সে সকল চরিত্রের গোববও অর্জুনের সমকক্ষ নহে। এবং এত করিয়া ফুটাইবার আবশ্যকও হয় নাই।

নলদময়ন্তী উপাখ্যানের প্রধান চিত্র কলিবে প্রভাবে ধীর-স্বভাব নল প্রাণপ্রিয় পত্নীকে কিরূপে ত্যাগ করিয়া যান। নলের সমস্ত চরিত্রের সহিত ইহার বড় সম্পর্ক নাই। সেই অন্ধকার বনমধ্যে বাহুপরি নিদ্রিতা দময়ন্তীর চিত্র এবং অর্ধ-বাস ছিন্ন করিয়া পলায়নোন্মত্ত রাজা নলের কলিপ্রবিষ্ট ভাবটি

ফুটাইয়া তুলিতে পারিলেই দর্শকের মনে উপাখ্যানটি নিঃশব্দে সম্পূর্ণ হইয়া আসে এবং দমরস্তীর হৃৎথে হৃদয় আর্দ্র হইয়া উঠে । রবিবর্ণা তাহা ঠিক ধরিয়াছেন এবং সেই অন্ধকার দৃশ্যপটে এই শোচনীয় ঘটনাটি এমনি মুদ্রিত করিয়া দিয়াছেন যে, তাহা বুদ্ধিতে কালবিলম্ব হয় না ।

হিমালয়ের পাদদেশে ব্যাঘ্রচর্খোপরি বসিয়া ললাটস্থপ-বন্ধদৃষ্টি বিশ্বামিত্র একাগ্রমনে তপস্যা করিতেছেন ; অদূরে স্বচ্ছ শ্বেতধারায় পর্বতের গাত্র ধৌত করিয়া বেগবতী নির্ঝরিনী গস্তীর নিনাদে অবিরাম ঝরিতেছে । এই মনোহর শৈলদৃশ্যের মধ্যে মেনকা রূপযৌবনমাধুর্যাচেষ্টিতস্মিতভাবিতের দ্বারা বিশ্বামিত্রের মনোহরণ করিতে আসিয়াছেন । মুখে কোনরূপ চাপল্য নাই, মোহাবেশী কৃষ্ণতারক নেত্রযুগলে একটি নিষ্ক মূহু গাঢ়তা, বিশ্বামিত্রের পার্শ্বে বসিয়া কত সকরণ দৃষ্টিতে যেন তাঁহার ধ্যানভঙ্গের প্রতীক্ষা করিতেছেন । এমন কোমল, এমন করুণ, এমন উজ্জ্বল মধুর কমনীয় ভাব । বিশ্বামিত্রের তপোভঙ্গের জন্যই যেন এ রূপ সৃষ্ট হইয়াছে ।

বাস্তবিক রবিবর্ণা পৌরাণিক ভাবগুলির মর্মস্থলে প্রবেশ করিয়াছেন ; সেই জন্যই চিত্রে তিনি এমন সুন্দর ভাব-বিকাশ করিতে পারেন । তাঁহার কীচকমন্দিরে প্রেরিত সৈরিন্দ্রীর মুখে রমণীজনোচিত ভীতিভাবের সঙ্গে দেবতার উপরে কেমন অটল নির্ভর প্রকাশ পাইয়াছে । বক্রহরণ চিত্রে ভেজস্বিনীর পাণ্ডবদিগের প্রতি সাক্ষ্য তীব্রদৃষ্টি এবং

আত্মসম্মরণরূপে প্রাণপণচেষ্টা, পাণ্ডবদিগের প্রতিজ্ঞনের ভিন্ন ভিন্ন মুখভাব, ধৃতরাষ্ট্রের নতশির, ধার্ত্তরাষ্ট্রদিগের উল্লসিত গর্ভ, সকলই কেমন যথাযথ । আমরা এই সকল চিত্রে মহাভারতকারের সেই অতুল্য প্রতিভার ছায়া অমুভব করি ।

কিন্তু শকুন্তলার লিপিরচনা চিত্রে চিত্রকর তপোবনের বিরহকুশাগ্নী শকুন্তলাকে আঁকিতে পারেন নাই । উগ্ৰকুবনচারিণী যুগাঙ্গনার মত তাঁহার শরীরে সুন্দর সুকুমার লাঘবতা প্রকাশ পায় নাই ; অন্তঃপুরপালিতা অতিপুষ্টা যুবতীর মত তাঁহার দেহখানি গুরুভারকাতর দেখাইতেছে । কাণিদাসের শকুন্তলা মধুরাকৃতি ও তরুণী—এবং মতা ও কুমুমের সহিতই তাঁহার দেহ ও যৌবনের বাহা কিছু সাদৃশ্য । প্রাচীন সংস্কৃত কাব্যে এই কুশমব্যা তরুণীই রূপসীর শ্রেষ্ঠ আদর্শ । সৌন্দর্য্যপিপাসা তখন মেদক্ষীত পীবর স্বাবরতার প্রতি ধাবিত হইত না এবং তুরঙ্গ প্রথানুসারে স্ত্রী গুলিকে বহুযত্নে স্বতনবনৌর্ধ্বীরসরেব সাহায্যে পিণ্ডীকৃত করিয়া তোলা হইত না । এ আদর্শ এদেশে অপেক্ষাকৃত আধুনিক—কতদিন নিশ্চয় করিয়া বলা যায় না, বোধ হয় মুসলমান আমলের ।

কিন্তু আমাদের এই দেশীয় চিত্রশালার প্রবেশ করিয়া প্রথম আনন্দের উচ্ছ্বাসে নিন্দার কথা আর মুখে আনিতে ইচ্ছা করে না । যখন ভারতবর্ষে অনেক চিত্রকরের অভ্যুদয় হইবে এবং আমাদের চিত্রসম্পদ অজস্র হইয়া উঠিবে

তখন আমরা সূক্ষ্ম বিচারের অধিকারী হইব। এখন বাহা পাওয়া যায় তাহাই পরম লাভ বলিয়া মনে হয়। চিত্রকলার কতটা দূর পর্য্যন্ত স্বাভাবিক ক্ষমতা আছে তাহাও আমাদের জানা নাই। আমরা হয়ত বাগকের মত আকাশের টাঁদ প্রত্যাশা করিয়া বসিব। ক্ষত্রিয়-ব্রাহ্মণ রাজর্ষি বিশ্বামিত্রের চিত্রে আমরা ক্ষত্রতেজ ও ব্রহ্মতেজের যে সম্মিশ্রণ দেখিতে চাই তাহা হয়ত রেখার ও বর্ণের প্রকাশ করা অসাধ্য। দ্রৌপদীর বস্ত্রহরণ দৃশ্তে তেজস্বিনী অবমানিতা দ্রৌপদীর লজ্জা ক্রোধ অভিমান বিশ্বয় একত্র পাইতে চাই; আমরা দেখিতে চাই, অপমানিত হইয়াও দ্রৌপদী আমাদের নিকট অপমানিত হইতেছেন না, বরঞ্চ প্রজ্বলিত তেজোরশির দীপ্তিতে তিনি আমাদের চক্ষে আরও দ্বিগুণ মহীয়সী হইয়া উঠিয়াছেন—কিন্তু এ সকল হয়ত আমাদের কল্পনার ছুরাশা মাত্র।

যেখানে চিত্রের সহিত আমাদের কল্পনার বিরোধ উপস্থিত হয় সেখানেও আমরা একটা মহৎ ফললাভ করি। চিত্রকরের সহিত প্রতিদ্বন্দিতায় আমাদের চিত্ত নব উদ্যমে মানসপটে আপনার ভাবকে পরিষ্কৃত্তর করিয়া আঁকিতে চেষ্টা করে। যেটাকে অসম্পূর্ণ বলিয়া মনে হয়, মনে মনে তুলি ধরিয়া তাহা সম্পূর্ণ করিবার একটা প্রয়াস চলিতে থাকে—ইহাতেও আমাদের বড় একটি শিক্ষা ও আনন্দ লাভ হয়।

হিন্দু দেবদেবীর চিত্র ।

দেবতাপ্রিয় ভারতবর্ষীয় কল্পনা বহিঃপ্রকৃতি ও মানব-চরিত্রে যেখানে যে সৌন্দর্যটুকু অমূল্য করিয়াছে তাহাকে একটি নির্দিষ্ট গঠন দিয়া নিঃশব্দে আপন দেবতা গড়িয়া তুলিয়াছে। সেইজন্য ভারতবর্ষের পৌরাণিক দেবভূমিতে আসিরা হৃদয় যেমন পরিতৃপ্ত হয় এমন আর কিছুতে নহে। গ্রীসীয় প্রস্তরমূর্তির অতুলনীয় দেহসৌন্দর্য্য হ্রত আমাদের দেবলোকে সর্বত্র তেমন সুলভ নহে, কিন্তু এই সকল দেব-মূর্তিতে আমাদের অন্তরের বহু গভীর আকাঙ্ক্ষা মূর্তিমান হইয়া উঠিয়াছে এবং ভারতবর্ষের অনাবিল অন্তরতম অন্তর সূন্দর অভিব্যক্ত হইয়াছে।

আমাদের সুখ দুঃখ, বেদনা আশা, সৌন্দর্য্য প্রেম, মোহ আকাঙ্ক্ষা সকলই এই দেবলোকে। বাহা কিছু মর্ত্য— নিতাস্তই ঐহিক—তাহাও আমরা মর্ত্যালোকে সাহস করিয়া রাখিতে পারি নাই, দেবতাকে দিয়া নিশ্চিত হইয়াছি। তাই যোগী শিবকে পার্শ্বতীর সহিত বিবাহবন্ধনে আবদ্ধ করিয়া এই মর্ত্য গার্হস্থ্যকে কৈলাসের অমরলোকে প্রতিষ্ঠিত করা হইয়াছে। কন্দর্পকে কেবলমাত্র সামান্ত নরনারীর হৃদয়বন্ধন না করিয়া হরপার্শ্বতীর চিরবন্ধনরূপে চিত্রিত করা হইয়াছে। যমুনাতীরের তমালছায়ামুগ্ধ সূন্দর আহীর-পল্লীটিকে মানবের না রাখিয়া দেবতার উদ্দেশে উৎসর্গ

করিয়া দেওয়া হইয়াছে । এখানে যুদ্ধ বিগ্রহ, বন্দ কোলা-
হল, মান অতিমান, প্রণয় বিরহ যেমন বাহা ঘটে, দেবলোকে
সকলই বজার আছে ; কেবল, এখানে মৃত্যু আছে, সেখানে
মৃত্যু নাই । মৃত্যুও সেখানে অমর ।

কিন্তু এই মৃত্যুই মর্ত্যের প্রধান সৌন্দর্য—পৃথিবীর সকল
সুখদুঃখ বেদনা আনন্দের চরম পরিণাম । এই যে সকলি
আছে অথচ সর্বদাই হারাইবার ভয়, এই যে নশ্বরতা,
ইহাতেই ইহলোকের সকল সুখদুঃখ নিহিত । দেবলোকে
যদি এই মৃত্যুই না রহিল, তবে দেবতাদের সুখদুঃখের সহিত
আমাদের সুখদুঃখের সম্বন্ধ কিসের ? ভারতবর্ষীয় হৃদয়
সুতরাং অমরধামেও মৃত্যুর ছায়া রচনা না করিয়া থাকিতে
পারিল না । সতীর দেহত্যাগে ও রতিপতির অনঙ্গীকরণে
এই মৃত্যুরই অনুরূপ চিত্র স্ফুটিত হইয়াছে ।

এইরূপে সমস্ত মর্ত্য গুণাবলী দেবতার আরোপিত হইয়া
দেবলোকেই আমাদের অন্তর বিকাশ লাভ করিয়াছে ।
মানবের অতি তুচ্ছ সুখদুঃখ পর্য্যন্ত দেবতার । এবং বৃহৎ
দেবলোক এই মর্ত্যধামেরই একখানি সুন্দর চিত্র । এই
গঙ্গাই সেখানে মন্দাকিনীরূপে চিরপ্রবাহিত ; এবং এখান-
কার মলয়ানিলম্বিত চূড়মুকুণ্ডিত বসন্ত মন্থকের সখারূপে
নিত্য বিকশিত । অঙ্গরাগণ সেখানে জলক্রীড়া করে এবং
চারু-অঙ্গসঙ্গ যৌবন চতুর্দিকে চিত্ত উদ্ভাস্ত করিয়া তোলে ।
মানবহৃদয় স্পর্শ করে না দেবরাজ্যে এমন কিছুই নাই ।

সেই জন্মই ভারতবর্ষের সাধারণ্যে দেবদেবীর চিত্র
 ধরূপ সমানুত এমন আর কিছুই নহে। এবং চিত্রের দ্বারা
 আমাদের অন্তর স্পর্শ করিতে হইলে এই সকল চিত্রই
 সর্বাঙ্গোপযোগী। শিব দুর্গা লক্ষ্মী সরস্বতী, কৃষ্ণের
 বাল্য যৌবন বিবিধ লীলা, দেবলোকের নানাবিধ কাহিনী
 আমাদের সর্বসাধারণের হৃদয়ে বহু যুগ ধবিয়া প্রতিষ্ঠা লাভ
 করিয়াছে। এবং মনে মনে আমরা এই সকল দৈব সৌন্দ-
 র্যের একটি অসম্পূর্ণ চিত্র গড়িয়া রাখিয়াছি। চিত্রকরের
 শিল্পশৈল্যপুণ্যে এই অসম্পূর্ণ অপরিষ্কৃত ভাব সৌন্দর্য্যে ও
 জীবনে পূর্ণ হইয়া উঠে।

ছুঃখের বিষয়, বঙ্গদেশে ধর্ম্মচিত্রাঙ্কন এ পর্য্যন্ত বাহা
 বাহির হইয়াছে তাহাতে হৃদয়ে সৌন্দর্য্য উন্মেষিত ত হইয়া
 না, বরঞ্চ অনেক সময় প্রাচীন সংস্কৃত আদর্শের সৌন্দর্য্য-
 টুকু হুঃস্থ হইয়া থাকে। দেবতাব প্রাচীন আদর্শ আমাদের
 মনেও যে সর্বত্র অক্ষুধ আছে তাহা নহে। সেনাপতি কার্তি-
 কের বঙ্গনাথীর, সন্তানকামনাব দেবতা হইয়া অবধি ধীরে
 ধীরে বর্ম্ম ছাড়িয়া ধূতি চাষর ধবিয়াছেন এবং মধুরে চাড়া
 যখন বাহির হন তখন হিন্দুস্থানী কাঠিন্য সে দেহে কিছুমাত্র
 প্রকাশ পায় না। বাঙ্গলার চিত্রকর যদি এই অধুনাতন
 বঙ্গীয় ভাবে কিঞ্চিৎ অবিকমাত্রায় বিচলিত হইলেন সে জন্ম
 ঠাঁহাকে তত দোষ দেওয়া যায় না। কিন্তু কার্তিকেয়কে
 বাঙ্গালী করিয়া ঠাঁকিলেও ঠাঁহার গঠন ও মুখশ্রীতে সৌন্দ-

যেঁর বিশেষ বিকাশ হওয়া আবশ্যিক । কাবণ, সংস্কৃত আদর্শ হইতে ভ্রষ্ট হইলেও আমাদের মনে কার্তিকেশ্বরের রূপের প্রতিষ্ঠা অটল ।

কিন্তু বাঙ্গলাব চিত্রশিল্পে রূপ যে কোথায় প্রচ্ছন্ন থাকে তাহা দেবতাবাও জানেন না । সৌন্দর্য্য উন্মোচিত কবিত্তে পানিলে স্বল্পবিশেষে প্রচলিত আদর্শের অনুসরণ করিয়াও চিত্রকর আপন গৌরব রক্ষা কবিত্তে পারিতেন । তাহাতেও ত বিশেষ একটা ভাবের বিকাশ থাকিত । এবং সেই ভাবেই শুধু সংস্কৃত আদর্শ হইতে অল্পবিস্তর বিচ্যুতি কাহারও নিকট ভেমন বাবায়ুক বলিয়া বোধ হইত না । চিত্রকর যে ভাবেই চিত্রিত করুন, ভাবটি চিত্রে পরিষ্কৃত কবিয়া তুলিত্তে হইবে, এবং চিত্র যেন কোথাও অসঙ্গত না হয় ।

কিন্তু সঙ্গতি বঙ্গীয় চিত্রাবলীতে কদাচ লক্ষিত হয় । মানবদেহের বর্ণ মানুষের মত না হওয়া, গুণে প্রকৃতির সাবানন নিয়মের ব্যতিক্রম, এবং মুখত্রিতে সকল ভাবের আত্মস্থিক অভাব ইহাই এখন আমাদের চিত্রশালার গৌরব । গৌবান্দ পীতবর্ণ; কাবণ, কাবো গৌর অঙ্গের সহিত তপ্তকাঞ্চনের সাদৃশ্য উল্লিখিত হইরাছে এবং তপ্তকাঞ্চনে ত্রিদিার কথঞ্চিং আভাস পাওয়া যায় । বাধান প্রমাম্পদ শ্রীকৃষ্ণ যেন যুগ যুগ ধনিয়া সর্ব্বাঙ্গে প্রাণপণে নীল পেন্সিল ঘষিরাছেন, এবং এই বহু পেন্সিলঘর্ষণের ফলে কেবলমাত্র শ্রীমতী বাধিকান হৃদয় নহে কিন্তু বাঙ্গলার বাধিকা-

গগন ধর্মচিত্রকরদিগেরও হৃদয় মন অধিকার করিয়া বসিয়াছেন । রণোন্মাদিনী শ্রামা এই অন্ধারধুমোদগারী কলিযুগে মূর্তিমতী রাণীগঙ্গগঙ্গিনী অবিশ্রাম আলকাতরা লেপন ভিন্ন সৃষ্টিকর্তা বিধাতাও মানবশরীরে সে বর্ণের আভাস ব্যক্ত করিতে অক্ষম ।

কিন্তু এই অসুত বর্ণসঙ্কম চিত্রকরের দোষে ঘটিয়াছে অথবা সংস্কৃত আদর্শের দোষে ? সংস্কৃত সাহিত্যে শ্রামা রাত্রির স্তায় কৃষ্ণবর্ণা ; এবং কৃষ্ণেরও বর্ণ মেঘের স্তায় । সুতরাং মানবদেহে এই রাত্রি অথবা মেঘের বর্ণ কুটাইতে হইলে চিত্রকর রাণীগঙ্গ নীল পেন্সিল প্রভৃতির শরণাপন্ন না হইয়া কি কবেন ? কিন্তু, সাহিত্যরসজ্ঞ মাত্রেই জানেন, উপমা সাদৃশ্যসূচক মাত্র । চন্দ্রবদন বলিলে কাহারও মনে একটি কলঙ্করেখালাহিত দীপ্ত গোলাকার মুখমণ্ডল উদ্ভিত হয় না—মনে একটি প্রস্ফুটিত সৌন্দর্য্যের ভাব উদ্ভেক কবে মাত্র । শ্রামার বর্ণ কালরাত্রির স্তায় বলিলে সত্যসত্যই শ্রামা যে রাণীগঙ্গসম্ভবা এমন বুঝার না—কেবল একটি ঘোর কৃষ্ণবর্ণ ভীষণগম্ভীর সৌন্দর্য্যের আভাস দেওয়া হয় । কৃষ্ণেরও বর্ণ সেইরূপ বাস্তবিকই মেঘ নহে । এবং নবদুর্কাদলশ্রাম রামচন্দ্রের বর্ণও নবোদ্ভূত দুর্কহরিৎ নহে—নবদুর্কীর স্নিগ্ধ-শ্রাম লাবণ্যবিশিষ্ট বটে । মানবের বর্ণ কখনও মেঘ অথবা রাত্রি অথবা দুর্কীর মত হয় ?

বর্ণও বস্তুভেদে বিভিন্ন । আকাশের নীলবর্ণ সমুদ্রের

নীল নহে এবং নীলকণ্ঠের কণ্ঠ এতজুতর হইতেই স্বতন্ত্র ।
 শ্বেতকার মানব শ্বেতকার গোবৎসের সহিত একবর্ণ নহে ,
 এবং হৃৎ, তুষার, ধবল বস্ত্র প্রভৃতি যাবতীর শ্বেত পদার্থ
 মানবের শ্বেতবর্ণের চিত্র নহে । আমাদের দেশের গৌর-
 বর্ণে হরিদ্রার ঈষৎ আভাস পাওয়া যায়, তাই বলিয়া তাহা
 হরিদ্রারঞ্জিতবৎ নহে । শ্রামবর্ণও সেইরূপ যতই শ্রাম হউক
 না কেন, মসীর মতও নয়, অঙ্গারসদৃশও বলা যায় না ।
 সাহিত্যে এরূপ সাদৃশ্যগত অতিশয়োক্তি তাদৃশ দোষের নহে,
 কাবণ, সাহিত্য পাঠকের মনে এই সকল সাদৃশ্যেব দ্বারা
 বস্তুর যথার্থ চিত্রগ্রহণে বিঘ্ন উৎপাদন কবে না । কিন্তু চিত্রে
 এ সকল আতিশয়া সর্বথা পরিহর্তব্য—চিত্র বস্তুকেই যথাযথ
 চিত্রিত কবে ।

ইহাও কে না জানে যে, নীল অথবা হরিদ্রণ মানব আমা-
 নের কাহারও মনে কোনরূপ সৌন্দর্য্য উদ্দেক করিতে পাবে
 না ? কৃষ্ণ বর্ন আকাশের মত নীল হইতেন তাহা হইলে কি
 সমস্ত গোপীকুল তাঁহার জন্ত কুলমানে জলাঞ্জলি দিতে বসিত ?
 না, গৌরান্ধা রাধিকা অহর্নিশি গুরুজন ও ননন্দের বাক্যবাণ
 সহ কবিত্যাও ঐ ত্রীপাদপদ্মে সমস্ত শরীর মন আত্মা সমর্পণ
 কবিতেন ? নীল মানববর্ণের কোনও আকর্ষণ নাই । কৃষ্ণ-
 বর্ণে একটি সুকুমার উজ্জল লাবণ্য দেখা যায়, তাহাতে একটি
 প্রশান্ত কমনীরতা আছে । সেই জন্তই মহাভারতকার সাহস
 করিয়া কৃষ্ণা দ্রৌপদীকে স্বয়ম্বরসভায় উপস্থিত করিয়াছেন ।

শ্রীকৃষ্ণকে কবি নারীসৌন্দর্যের মধ্যস্থলে প্রতিষ্ঠিত করিয়াও অগ্নান রাখিয়াছেন।

কিন্তু এ সকল ত গেল প্রেমসিক্ত সৌন্দর্যের কথা। যখন করাল কালিকার ভীষণ ভাব ব্যক্ত করিতে হইবে তখন একটু অস্বাভাবিক কালো না করিলে চলিবে কেন? সে উলঙ্গিনী উন্মাদিনী মূর্তি ছ' এক পোঁছ আলকাতবা নহিলে ত খুলে না। কিন্তু কালীর ভীষণতা ব্যক্ত করিতে হইলে এই অমানুষিক মিথ্যাবর্ণের আশ্রয় লইতে হইবে এ কথা নূতন। ভীষণতা তাঁহাব কিসে ব্যক্ত হয় নাই? নাবীহৃদয় কঠিন হইয়া গিয়া শুধু শোণিতলালনায় উন্নত হইয়া উঠিয়াছে এ দৃশ্য ভীষণ নহে? যে বক্ষে সমস্তান স্নেহ পান কবিয়া পনিপূট হইত, সে বক্ষ জুড়িয়া সহস্র নৃমুণ্ড হইতে তপ্ত রক্ত ঝরিতেছে— ইহাতে কি ভীষণতার অভাব আছে? সে কৃপাণহস্তা উলঙ্গিনী মূর্তিই কি যথেষ্ট ভীষণ নহে? যে চিত্রকর ছায়ার দৈহিক গঠনে সৌন্দর্য্য ক্ষুণ্ণ করিয়া, জিহ্বাকে হস্তাবিক বিস্তৃত কবিয়া দিয়া এবং সর্ব্বাঙ্গে অদ্ভুত বং লেপন করিয়া তাঁহাব ভীষণতা ব্যক্ত করিতে চেষ্টা করেন, সে চিত্রকরের প্রতিভার প্রশংসা করা যায় না।—সাহিত্যের যথার্থ মর্ম্মগ্রহণ করিতে না পারিয়া এবং নিরক্ষর কুস্তকাবগণের পদানুসরণ কবিয়া আমাদের চিত্রকরবা এই ক্রটিগুলি ঘটাইয়াছেন।

চিত্রকরের প্রথম কর্তব্যই এই যে, এই সকল দেবদেবী-মূর্তির মূলে যে সৌন্দর্য্যকল্পনা নিহিত আছে সেইটিকে আয়ত্ত

করা । নহিলে, অসংখ্য সরল এবং বক্র রেখাপরম্পরার সমাবেশেও চিত্র কখনও উজ্জ্বল হইয়া উঠে না । দৃষ্টান্তস্বরূপ, আমাদের চিত্রকরদিগের হস্তে মহাদেবেব যে সকল দুর্দশা ঘটিয়াছে তাহার উল্লেখ করা যাইতে পারে ।

মহাদেব আমাদের পুরুষসৌন্দর্যের চরম আদর্শ । কেবলি দৈহিক গঠনে নহে, অন্তরের ভাবে ও বাহিরের চালচলনেও তিনি পরম পুরুষ । একদিকে বৈরাগ্য, অন্যদিকে গার্হস্থ্য, এবং সেই অবিচলিত চরিত্রে উভয়েবই সমান প্রতিষ্ঠা । তাঁহার গৃহিণী অন্নপূর্ণা, অমুচর নন্দী ভৃঙ্গী, তিনি স্বরং ভোলানাথ শিব সদানন্দ । নিজের জগৎ তাঁহার কিছুই নাই । সর্বস্ব অন্নপূর্ণার হস্তে সমর্পণ করিয়া দিয়া শিব তিথাবী ।

এই বোগী-গৃহস্থ আমাদের শ্রেষ্ঠ পুরুষ । গৃহে গৃহে শুভ্রবসনা কুমারীরা এই আদর্শের অনুরূপ পতিকামনায় নিত্য শিবপূজা করে । ঐ রূপ, ঐ অনিন্দিত উদার স্বভাব, ঐ অতুল প্রতাপ এবং ক্ষমাশীল বৈর্য্য নারীজদয়ের সমস্ত পূর্ণ করিয়া আছে ।

কিন্তু চিত্রপটে পেশীবিহীন গঠন, বাবু-মুখশ্রী, তাষূল-রাগরক্ত অধর এবং নিম্প্রভ ভাব মছন করিয়া এ শিবত্বেব কিছুই পাওয়া যায় না । বিশেষতঃ ভাব সম্বন্ধে আমাদের চিত্রকরেরা সম্পূর্ণ অন্ধ । নহিলে, মদনভস্মের চিত্রে চিত্রকর মহাদেবের ললাটিদেশ হইতে একটি তাম্রলোহিত ঝাঁটা বাহির

করিয়া নিবেন কেন? যে দীপ্ত রোষানলে মদন গুণ হইয়াছিল ইহাতে তাহা প্রকাশ পায় নাট, প্রকাশ পাইয়াছে কেবল উক্ত স্থলকার ঝাঁটা—যাহার অগ্রভাগে অগ্নি সংযুক্ত হইয়া মদনকে দগ্ধ করিয়াছিল বলিয়া অনুমান করা যাইতে পারে।

শুধু শিব নহে, দেবতাদের অনেকেই এইরূপ চিত্রকরের হস্তে পড়িয়া বহুবিধ বিকৃতি লাভ করিয়াছেন। দেবীগুলিও উল্লেখ না কবাই ভাল—আমাদের চিত্রশালায় এমন একখানি চিত্র নাই যাহা দেখিয়া দেবীকে দেবকুলোদ্ভবা বলিয়া মনে হয়। বোধ কবি, চিত্রকরেরা যদি কিছুকাল স্ব স্ব মানসী সৌন্দর্য্যকে মনোমুগ্ধিত কবিয়া দিয়া মানবী মডেল দেখিয়া চিত্র আঁকিতে শুক করেন, তাহা হইলেও দেবতারা ইহলোকে কতকটা প্রকৃতিস্থ থাকিতে পারেন।

এবং সেই সঙ্গে দেশের সর্বসাধারণেও কিছু উপকাব হয়। দেবতার ভক্তি স্থাপন কবিত্তে গিয়া পৃথিবীর বাবতীয় কুংসিং বিকৃতিতে হৃদয় প্রতিষ্ঠিত হয় না। অস্তরে সৌন্দর্য্যের একটি অক্ষুণ্ণ আদর্শ জাগ্রত হইয়া উঠে। এবং এই সৌন্দর্য্যজ্ঞান সংসারের ক্ষুদ্র বৃহৎ বাবতীয় অস্থানে প্রযুক্ত হইয়া আমাদের দৈনন্দিন জীবনকে সুন্দর করিয়া তোলে।

চিত্রকরের হস্তে এই এক মহা সংস্কার নির্ভর করিতেছে। সাহিত্যকারের দায়িত্ব অপেক্ষা তাঁহার দায়িত্ব কম নহে। সাহিত্য বস্তু অনেকের হৃদয়ে প্রবেশ করিতে সময় লাগে।

চিত্র আপন নির্দিষ্ট গঠনপ্রভাবে সহজেই অস্তরে প্রতিষ্ঠা লাভ করে । সেই জন্যই বিশেষতঃ চিত্রকরেরা যখন সাহিত্যের সুন্দর আদর্শকে নষ্ট করিতে বসেন তখন তাঁহারা দেশের যে কতদূর ক্ষতি করেন তাহা বলা যায় না । একটি রাজনৈতিক অধিকার লাভ অপেক্ষা জাতির হৃদয়ে একটি সুন্দর আদর্শের প্রতিষ্ঠা করা গুরুতর কার্য । এই গুরুতর দায়িত্ব উপলব্ধি করিয়া আমাদের প্রাচীন সৌন্দর্য্যসমূহকে যে চিত্রকর অক্ষুণ্ণ বিকশিত করিয়া তুলিতে পারেন, তিনি দেশের একজন মহাত্মা ।

সমাপ্ত ।

